

# *I LUKAMANTANO LUTALIBONYI*

## *LWA NABWIINGA WA KRISTO*

 Nda kalesya lweendo lwa kuwima, kutegwa Ndi bambe mulimo ku Mwami. Aboobo cili ii... Tuli kkomene kuba kookuno. Nda syoma, ciindi cainda okuno, Nda kamwaambila: ciindi acimwi twa boola, kuli muntu umwi uutako. Elyo ikuti na tuyu jokela mwaka utobela, alimwi Mwami alindila, kuyooba muntuumwi uutako.

<sup>2</sup> Kuli umwi, uuli munsi maningi, maningi kuli ndime mu moyo, muuya; oyo wakali Mukwesu Lyle. Nda kajisi kutambulwa lyoonse, nkeboola kunjila, kaimvwi kusule okuya a kuswiilila, mu kwiiya kwa Mukwesu Jack, kwa kwiimba kkoteeti yakaindi. Bali mukwiimba mu Bulemu, sunumasiku. Ee, kuli limwi lya majwi ayo akale Okuya, kalilindila otatwe ambi. Ndi yeeyela kuti ta Ndi kalimvwi limbi ano aanyika. Pele ncobeni Ndi langila kumbele kuyo limvwa alubo, Mukwesu, Mucizi Moore okuno, mu Nyika eyo oko nkobayo... tali katontozegwi.

<sup>3</sup> Mukwesu Palmer wakali mulanda wa Kristo mulemu. Nda konzya kuyeeya Mukwesu Jack ka ndaambila makani aa buumi bwakwe—bwakwe butuulidwe kuli Leza. Ba kali babezi, antoomwe. Elyo kati wa kali kunga ulya cisusulo cakwe—cakwe, kuba a sandiwicci yakwe mu janza lyakwe, kalya sandiwicci a kubala Bbaibbele lyakwe. Mwabona? Wa kacita zintu zimwi zyanguzu zipati, Mukwesu Palmer wakacita. Walo mubezi uuкуubwene, taata mubotu ku bana bakwe, mukwasyi mubotu. Wa kaba komezya boonse kubelekela Mwami. Mbili kuciimo mbuli Mbwe zyi, boonse baka futulwa a kuzuzigwa Muuya Uusalala. Elyo oko nkusanga kupati ku muntu uli onse mu mazuba aya, basankwa a basimbi. Pele, mwabona, koonse oko nkwa kacita takuka balwi kuba cintu maningi cita kusikila ku kubelekela Leza, citakuti wa kabelekela Leza. Elyo sunumasiku, eco nca kacita ano aanyika, micito yakwe mibotu, wa kaunka ku bulumbu bwakwe, kuyooba a mbabo. Leza pumuzya buntu bwa mukwesu wesu.

<sup>4</sup> Ndi lizi, kufumbwa kuti eci kacili cikombelo okuno, alimwi Ndi—Ndi lizi uyo... jwi lyakwe licinooli kokuno. Inga mwa limvwa. Mucizi Anna Jeanne alimwi—alimwi mucizi wakwe, kalizya organi a piyano, obo mbo baatali kulindila. Mukwesu Palmer wakali kwima buyo awa alimwi wakali kubweza buyo lwiimbo, akuzumanana. Bakali ku lujata. Elyo Nse ka... Nda kalangila kumbele kumu mvwa kasololela lwiimbo.

<sup>5</sup> Ku bana bakwe; ku mukaintu wakwe; a ku Mukwesu Jack, mweenzinyina wamunsi, bakali beenzinyina kwa myaka eyi

yoonse; a Mukwesu Brown, Mucizi Brown, a nyoonse nywebo no cikombelo: Leza aku longezye. Nda mu sweekelwa, awalo. Leza pumuzya buntu bwakwe bwantaze, mane tuka muswaangane mu luumuno.

Atu kotamike mitwe yesu.

<sup>6</sup> Taata Wakujulu Siluzyalo, kuzwaa kukanana zya mulanda oyu mulemu, Nse cimuboni, sunumasiku, walo kasukana maanza angu, a kumwetamweta oko kuniini kwa bucenjezu nkwa kajisi lyoonse cindi na kati, "Leza aku longezye, Mukwesu Branham," cindi ni twakali kunga twa njila ku mulyango. Ndi lizyi kuti watanta kusika ku Ng'anda Yako, sunumasiku. Aboobo Nda komba, oyandwa Leza, kuti Uyo lekela micelo, ncito zyakwe ezyo zimu tobela, zibe zipati, kuzumanana a bana bakwe, mukaintu wakwe. Twa komba kuti Uyo muleleka, Mwami. Wa kati Uyo oba mulumi kuli "bamukabafu abo bakali bamukabafu beniben." Nda kombela Mucizi wesu Palmer a bana boonse. Ndi lizi nzila ya kufwida lweetelelo kuli bobilo, kusweekelwa mulongwe alimwi akwalo kusweekelwa bataata.

<sup>7</sup> Aboobo, Taata, kuciindi notuli ano, sunumasiku, twa komba kuti Uyo bamba myoyo yesu, ayalo, ku oora eelyo. Ta tuzi pe. Inga lyaboola ca cibukilambuta mbuli mbwa kacita. Ta tuzi cindi neliyo boola, pele tu lizi kuti lyeede kuboola. Aboobo twa komba, Leza, kuti Uyo lingula myoyo yoonse eyo ili omuno, sunumasiku. Leza, uta siyi wangu. Kolingula awangu, awalo, alimwi ndisoleke. Mwami, ikuti na kuli bubi bumwi muli ndiswe, kobi gusya. Tu yanda Ku kubelekela. Oko nko kuyandisy ka Wesu kuzwide, nkwa kubelekela Nduwe.

<sup>8</sup> Kotila Muuya Wako aali ndiswe, sunumasiku, a boonse bwa mvwiki eyi. Longezya cikombelo eci ku zina lya Life Tabernacle. Akube kuti citambule zilongezyo zizwide zya zina elyo a kuzulwa Buumi bwa Leza, mvwiki ino, ku kufutula buntu abumwi busweekede, kuzuzya musyomi aumwi a Muuya Uusalala, a kubukulusya bulangizi obo buli muli ndiswe, Mwami, alubo. Twa komba kuti Uyo ponya abalo balwazi boonse a bapengede abo baboola akati kesu. Akube kuti Muuya Wako Uusalala mulemu ubeko, Mwami, a kuponya buyo i... a kunanika umwi aumwi ku kusyoma. Kopa zintu ezi, Taata.

<sup>9</sup> Leza, kondi gwasya lino. Ikuti na cawida, calo cawida bulizi bwangu kuleta Mulumbe. Nda komba, Leza, kuti Uyo lekela cibeeala cabuntu kwiimina a mbali. Akube kuti Muuya Uusalala unjile a kweenda ali ndiswe, Mwami. Akube kuti Muuya Uusalala ubweze muswaangano, Mwami. Tu lizi kuti ta tweeeli loko. Ta tukonzyi kucicita, taakwe wesu. Ta tutaminini kukonzya kucicita. Pele, Mwami, tu lizi kuti Yebo ndo Nduwe. Aboobo tu langila kuli Nduwe, Mwami. Koenda, o Muuya wa Leza, a kuwa cabupya ali ndiswe. Twa lomba mu Zina lya Jesu. Amen.

<sup>10</sup> Lino Ndi yanda kujuzya bali ku luwaile kunselelo, ku mambungano lino ayo ali kuzikwabanyo ku cisi coonse. Tuli ku cikwabanyo ca matelefoon, buli mbubambe buniini bubotu mbo twa kali kukonzya kujana, kwiinda ku Mukwesu wesu Pearry Green uuzwa ku Beaumont, Texas. Alimwi mambungano, cakumaninina, ayo atobela Mulumbe, lweendo loonse ku United States yoonse, ili ku zikwabanyo, sunumasiku. Twa tumina njuzyo, kutala aansi lya Nkomwe ya Kumbo, lweendo loonse kuzwa ku Vancouver kunselelo ku Tijuana, Mexico, kwiinda mu San Jose, Los Angeles. Zyoonse nkamu okuya mukati, twa mujuzya kuzwa ku Shreveport. Akwalo, lweendo loonse kusika ku Prescott, Arizona, ku nkamu kutala okuya ilindila ku Mwami, twa tuma njuzyo kuli ndinywe, a ku Tucson, ayalo Sierra Vista. Lweendo loonse kusika ku New York, kutala kumusanza, koonse ku cisi, Mwami amu longezye, umwi aumwi. Ni mwali kookuno, sunumasiku, eci cisi cibotu cakaindi ica Louisiana, oko kilibonya mbuli kuba muunzi wabili, kuli ndime. Ndi . . .

<sup>11</sup> Nywebo mulizi, nywebo nobantu kutala mu New York, nywebo mulizi, Nda baanga nkumuseka aniini, nzila mbo mwaambaula. Ndili nkoonya ku muunzi sunumasiku. Inzya. Bantuboone kunselelo okuno, nywebo mulizi, ba kat, "Wabonwa, d'ere, Mukwesu Branham. Yebo ukalete Mucizi Branham a boonse bakubusyi a kuboola okuno kuzo tubona." Oh, ma! Eco cindi bamba kulimvwa kabotu. Eco Nchikuwa cini, kuli ndime. Kutali kumuubausya nywebo nobantu ba kujwe a ku nyiika, a masena aindene. Pele, nywebo mulizi, Ndi yeeyela Nda kazyalwa nkeli Reb' wakaindi alimwi ndeelede kukkan mbubonya obo. Ndi—Ndi baanga ndaciyanda, lwangu. Calo Nchikuwa cini.

<sup>12</sup> Nda kali ku kalimbabula ka Bantu Basimakwebo, okuno kutali ciindi cilamfu cainda, elyo ba kat, "Tula imikila lino a kwiimba lwiimbo lwa cisi." Elyo Nda kaimikila, kat, "Nkambo ka muunzi wangu wakale waku Kentucky, uli kule." Ee, kuli ndime, olo lwakali lwiimbo lwa cisi. Nku koonse Nkwe kazi kujatikizya ndulo. Aboobo, twa mutumina njuzyo. Elyo lino kuli i . . .

<sup>13</sup> Nda syoma bayo sola kwaambilizya kalimbabula, akalo, kalimbabula ka Bantu Basimakwebo, mu Mujibelo cifumo. Mukwesu Green uyo mwaambila, nkambo uli ku maikkrofooni okuya lino. Aboobo uyo mwaambila ciindi kalimbabula nokatalika, a ciindi mbocibede, busiku abumwi, bwakuswiilila ku kapepele. Twa mulumba maningi calubomba. Amu tukombele.

<sup>14</sup> Lino, ku kubungana kwa mubusena okuno, a cikombelo ca Mukwesu Jack, Njo mulomba lugwasyo, sunumasiku. Mukuba kuti Nda kali kuyoopa Mulumbe wangu wa kupa kulumba koonse i—i ku cisi, sunumasiku, ku mambungano esu amubusena ayo atobela Mulumbe. Muli oy, inga Nda—Nda tola ciindi

cilamfu loko. Elyo mpawo, alubo, inga Nda kambauka Njiisy o imwi. Aboobo, ikuti na mboobo, alimwi tamu zuminani a Nguwo...

<sup>15</sup> Mbuli buyo Mbwe kaamba lyoonse kujatikizya kulya cheri pai: "Cindi Nda sika ali nseke, Nse sowi pai pe, Ndi sowa nseke, akuzumanana buyo kulya pai."

<sup>16</sup> Aboobo ikuti na Nda citika kwaamba cintucimwi sunumasiku, Nda...ee Nda...akonkekaambo komwe Nce katambula kutambwa oku, sunumasiku, kuba kookuno, kukuleta Mulumbe wangu wakupa kulumba kunkamu zili ku cisi coonse, kakali kaambo kakuti Mukwesu Jack lyoonse wakajula mulyango wakwe cabulubusi loko a kwaamba, "Kambauka eco cili ku moyo wako." Aboobo Ndi limvwa ncobeni kuba ku muunzi.

<sup>17</sup> Aboobo inga caba kuti omuno, mu kubungana kwa mibusena okuno a Mukwesu Jack, kweelede kuti kuli bakutausi a bantubamwi banga bakakilana a Njiisy. Kanjikanji Ndi jisi kulilemeka kubotu kwa kutaamba njiisy mu cikambaukilo ca muntu, oyo waka ndiita kuzo mu kananina. Aboobo, kwainda busiku, Ndi yeeyela kuti Ndino kombelabuyo balwazi a ku kuswaangana kwalyonse. Pele Nda yeeya kuti inga Nda muzibya ciindi kacitana sika, kuti na cintucimwi eco Nce wamba cinga caba aabukazye, baa, amu cilekele buyo ku kutaziba kwangu, Nda yeeyela, a kuta ziba cibotu. Elyo amundi kombele.

<sup>18</sup> Aboobo lino atu jule mu Ijwi, ku cipati awa. Ndi yanda kutondeka ku masena manji sunumasiku, nkaambo Ndi jisi Magwalo masyoonto a bulembu buniini bulembedwe awa mu mapepa.

<sup>19</sup> Nda yeeya cindi citaanzi Ne katanta cibumbili ku Life Tabernacle, myaka yainda iili makumi obilo. Tii—Tii ndakali kulemba Magwalo a zya kutondeka. Nda kali buyo myaka iili makumi obile muniini loko eelyo. Pele lino Nda kaindilila makumi obilo ayosanwe, aboobo Nda...ciindi cabilli. Aboobo Ndi jisi...konzyi ku ciibaluka mbuli mbo Nda kali kucita. Nde elede kulemba Magwalo angu, alimwi ziindizimwi kucesya cintucimwi cimbi Nce yanda kutondeka.

<sup>20</sup> Elyo lino Mwami alongezye mbuli mbo tubala kuzwa mu Ijwi lya Leza, a Bbuku lyaba Roma, cipati 7. Lino, Ndi yanda kubaanga nkuiyiisa ceeci mbuli ciiyo cakwiya Munsono.

<sup>21</sup> Ndi lizi kuti kuli bantu baimvwi. Elyo ku cikombelo, kanjikanji, ku Jeffersonville, tu yanda kumu juzya nyoonse, sunumasiku, anywebo, kuziba kuti muli ku zikwabyo okuya ku cikombelo. Elyo kuboneka mbuli kuti kuba ku cikombelo, sunumasiku, ikuti ni mwali kunselelo okuno, bantu ku malambo, oonse a kusyankana. Lino, Ndi yeeyela kuti muli boobo, anywebo, bantu boonse bali kutala mu cibeela eco ca cisi, abo baboolela Mulumbe.

<sup>22</sup> Lino tuyo belesya cee ciyo mbuli ciiyo cakwiiya Munsono. Elyo ta cilulamikidwe kuli cimwi pe, bantu bamwi, na cintu cili coonse; buyo ku Mbungano, Mubili wa Kristo oyo ngo tusola kusololela ku miyeeyo iisakene loko a kuyandisya kwaatala maningi, kusyoma kuti Kuboola kwa Mwami Jesu kuli afwaafwi. Tula syoma obo. Kunji loko, myaka ili makumi obilo munsi maningi kwiinda mbo cakabede ciindi citaanzi ni Nda kasika ku Shreveport. Oh, zinji loko zyaka citika kuzwida ku ciindi eco! Lino tula ngila kumbele ku Kuboola kwa Mwami, mu nzyalani yesu. Nsi langili lubukulusyo mu nzyalani yesu. Ndi langila Kuboola kwa Mwami, mu nzyalani yesu.

<sup>23</sup> Lino muba Roma 7, kusyoma kuti muli jisi Mabbabibbele anu kaajukide, koonse lino, ku cisi, tu yanda kubala kabotu. Lino, eci, ci . . . oyu Mulumbe kuzwa awa, ciboneka kuti nca lukwatano a kulekana, pele tacili ncico ncobeni. Kuli ndime, calo ncisinsime ca Mbungano mu mazuba akumamanino. Atu bale:

*Ta muzi na, bakwesu, (nkambo Ndi kanana kuli baabo bazi mulao,) obo mulao mbo ujisi bwami ku muntu kufumbwa kuti ka cipona?*

*Nkambo mwanakazi oyo ujisi mulumi ulaangidwe ku mulao ku mulumi wakwe kufumbwa kuti kacipona; pele ikuti na mulumi wafwa, walo walubuka kuzwa ku mulao wa mulumi wakwe.*

*Aboobo mpawo ikuti, kuciindi mulumi wakwe na cipona, walo uli kwetwe ku mwaalumi umbi, uyo tegwa mukazi simamambe: pele ikuti na mulumi wakwe wafwa, waa lubuka ku mulao oyo; aboobo tali mukazi simamambe pe, nekubakuti ukwetwe ku mwaalumi umbi.*

*Nkikaako, bakwesu bangu, anywebo muli fwide ku mulao kwiinda ku mubili wa Kristo; kuteeti nywebo mweelele ku swaanganisigwa, na, mweelele ku kwayta kuli umbi, akwalo kuli nguwe oyo wa kabuka kuzwa ku bafu, kuti tweelela kuleta micelo kuli Leza.*

*Nkambo cindi ni twa kali mu nyama, . . . zisusi zya cibi, oko kwakali kwa ku mulao, kwaka beleka mu zizo zyesu ku kuzyala micelo ya lufu.*

*Pele lino twa kaangululwa kuzwa ku mulao, kuti mukuba bafwide omo twa kajatwa; kuti tweelele kubelekela mu bupya bwa muuya, a kutali mu bukulukulu bwa malembe.*

<sup>24</sup> Elyo lino atu kombe.

<sup>25</sup> Oyandwa Leza, twa zwaa kubala elyo nde tu syoma kuba Ijwi lya Leza lisetekene. Elyo eco nco tusyoma, kutali kabala komwe na kazila taka kazwi kuli Leeli kusikila oonse aka zulizingwe. Elyo tula syoma kuti Mwami wesu waka twaambila, mu Ciybunuzyo cipati 22, kuti, "Kufumbwa muntu uyo gusya

Ijwi lyomwe kuzwa kuli Ndilyo na kuyungizya ijwi lyomwe kuli Ndilyo, nguwenya, cibeela cakwe, ciyo gusigwa ku Bbuku lya Buumi.”

<sup>26</sup> Elyo twa bona eco, kwiinda ku kusandulasandula Ijwi eli, mbuli Saatani mbwa ka Li sandulasandula kuli Eva, kamu citya kuzumbauzya Ijwi lyomwe, kawaala mukowa wabantu oonse mu lupyopyongano lwakuwa. Lyomwe buyo Ijwi!

<sup>27</sup> Mpawo tula bona aakati ka Bbuku, kwa kaboola Mwami wesu a Mufutuli, nkabela Wa katupa kabalululo aka kujatikizya Ndilyo: “Muntu taka poneni ku cinkwa cilikke, pele ku Ijwi lyonse lizwa ku mulomo wa Leza.”

<sup>28</sup> Mpawo kucenjezya kusinizizye mu Bbuku lyamamanino, lya Ciybunuzyo ca Jesu Kristo, “Kufumbwa muntu uyo yungizya ijwi na kugusya Ijwi, cibeela cakwe ciyo gusigwa kuzwa ku Bbuku lya Buumi.”

<sup>29</sup> O Leza, mukuziba, mukubona obo mbo tunyonyooka buyo, mukuziba kuti twe endela aa ntali zidunsuka buyo zya buumi, zya buumi obu bufwika (kuta ziba ciindi mbo cibede notuyo itilwa kupa bwiinguzi Kujulu), tu lekele, O Mwami, kubikka ambali zintuzyonse mu moyo wesu, zintuzyonse mu mizeezo yesu, a kulanga kugama ku Ijwi Lyako, sunu masiku, alimwi kuli Nduwe kuboola a ku Li pandulula kubelesya bukulwaizi bupona. Ko cipa.

<sup>30</sup> Akube kuti Muuya Wako utu wide a kunanika Ijwi ku moyo wesu, kutegwa inga twa unka kuzwa awa, mangolezya aya, bantu babotu kwiinda mbo tubede lino, kutegwa tube akukubona kwamunsi loko aali Jesu Kristo. Ko cipa, Mwami, kutegwa tu mvwisye buzuba mbo tuponamo, a kulibambilila kwa Leza ku bantu Bakwe mu oora eli, cindi eci, cipati ciyandisi, ca mudima eco nco tuponamo lino. Leza, tu nanike, kutali buyo mukanazi, pele a muswiilizi. Elyo, antoomwe, bamba myoyo yesu kukankama ku Ijwi Lyako. “Nkambo kuyoowa Leza nge matalikilo aa busongo.” Kopa zintu ezi, Taata, nkambo twa cilomba mu Zina lya Jesu. Ameni.

<sup>31</sup> Ndi yanda kubikka mutwe wa bulembu obu busyoonto obo Mbweyo bamba awa, a Magwalo amwi ayo Nge yanda kutobezya kabotu kunze, ikuti na Mwami wayanda, ku i—i Mulumbe wakupa kulumba, kuli batalibonyi, ba, *I Lukamantano Latalibonyi Lwa Nabwiinga Wa Kristo. I Lukamantano Latalibonyi Lwa Nabwiinga Wa Kristo.* Tauli mvwisyi mbuli Mulumbe wakupa kulumba. Nekubaboobo, kufumbwa Lugwalo, tulii lumbide kuli koonse kwa Ndulo.

<sup>32</sup> Ndili lumbide kuli Leza kuba muumi mu ciindi eci ca zilao zyakujala kwa makani aa nyika eyi. Ta ndizi. Ikuti na Nde elela kwaamba obo kuzwa ku malengelo aa inyika, alimwi ikuti na Leza naka kanza mabambe oonse ali ndime, a ku ndaambila kuti, “Ndi—Ndi yanda kuti ukakambauke. Elyo lino

mbukkalo nzi mbo yanda, kuunka ku nyika kuyo kambauka?" Ne kasala bukkalo obu, nkambo Ndi yeeya kuti obu mbukkalo buboto loko.

<sup>33</sup> Ne kayanda kuba kookuno ncobeni mu mwaakwe wa ciindi ca kuswaya Kwakwe ku nyika. Pele, nekubaboo, Ndi yeeya ndyoonya lino nciindi cipati maningi, nkaambo nciindi eco Nca boola kuzo tola bantu abo Mba kanununa, kuswena bubuke cindi boonse bakanununwa nibayo yutuka. Ino necoolwe cabulemu nco tu jisi, ku kanana ku bantu bali mukufwa, ciindi cipati! Tuli boteledwe kujatikizya ncico.

<sup>34</sup> Elyo tu lizi kuti bulunguluzi buli mukujala. I bulunguluzi bwa inyika buyomana calinolino, mpawo tuyo njila mu buzuba bupya, ku Mileniamu mpati. Eyo, mbuli musyomi omwe, Nda syoma mu i... mu Mileniamu, Mileniamu ya kulela a Kristo, cuulu ca myaka aa nyika; kubweeda kwa mubili wabantu kwa Mwami Jesu, ku kutola bantu balimu mubili wabantu, wabulemu, kwiinda ku kusanzigwa kwa Bulowa Bwakwe.

<sup>35</sup> Paulo awa upa bupanduluzi, mu Lugwalo lwesu, kujatikizya mulao a luzyalo, a kucitondezya mbuli lukwatano a kulekana. Eci cibalo ta cikambauksi kanji, nkaambo cili, kutandila, cijatikizya ku, mbuli, lukwatano a kulekana. Pele akwalo cijatikizya ku caabilo cipati loko ca lukwatano a kulekana, nzila mbwa sola kubamba mu ncililano awa mbo tubede, mbuli ii—mbuli Mbungano, tai konzyi kukwatwa ku inyika a kuli Kristo, aa ciindi comwe, alimwi—alimwi kuba ciluleme a camulao kujatikizya ncico, kwiinda mbo cikonzya ku mwanakazi kuti kapona a mulumi kuciindi na jisi mulumi uupona. Elyo Ndi jisi miyeeyo yangu ini ya ceeco, alimwi Ndi syoma kuti eco Bbaibbele nco lyaamba Mbwini.

<sup>36</sup> Lino, pele Ndila syoma, akwalo, nku kusyoma kwangu, kuti ciyubununa amwi maseseke mapati aa cisinsime. Elyo Nda syoma kuti Mwami ula tugwasya, sunumasiku, mbuli mbo tukambauka eci ku bantu balindila ku cisi coonse.

<sup>37</sup> Ca kaambwa, ciindi cimwi (Nda kali kubala, cindi Ne kali kulemba makani a ceeci, Nse—Nse kakonzya kwiibaluka kwini bbuku omo mocibede, pele Ndi—Ndili masimpe kuti eci cililuleme), kuti (limwi lya mabbuku Nde kabala aali Ba. Moody, Dwight Moody, mu Chicago; tu jisi mbungano mpati iswiilila mu Chicago, amwalo, sunumasiku), kuti, Ba. Moody, kumane kubala ba Roma 7, kazuzila mu kagwagwa, alimwi muntu mutaanzi ngwa kaswaana, wa kamwaambila kuti, "Sena uli lizi luzyalo?"

Elyo muntu wakati, "Luzyalo uli?"

Ba. Moody bakati, "I luzyalo lwa Leza."

<sup>38</sup> Aboobo, caka muboteleyza loko cindi na kabona cintu, nzila luzyalo mbo lwaka twandaanya kuzwa ku mulao, a nzila, acibeela luzyalo ncolwa kacita. Ee, lino, kufumbwa cintu Nce yanda kucita, ncindi... Nda kaambila bantu lyoonse, cindi Nda

zabuka munkali, ku lubazu lumbi, Ndi yanda kuyo imikila a kwiimba:

Luzyalo lugambya! Oko kumvwika kubotu,  
Lwa kafutula mupenzi mbuli ndime!  
Luzyalo, luzyalo luyandisi!  
Kuyanda kuziba kunji kwa luzyalo!

<sup>39</sup> “Nkambo nku luzyalo nko tu futulwa; kutali kuli ceeeo neo tukonzya kucita.” Eco neo tukonzya kucita, kufumbwa cintu neo tucita, taci balwi kuli ndiswe. Luzyalo nce cintu citu futula. “Ku luzyalo mwa kafutulwa, kwiinda ku lusyomo.”

<sup>40</sup> Ndalomba Ndi yungizye ku Mwanakazi oyu, Luzyalo, inga Nda Mu bikka mu Bbaibbele, awalo, mbuli wiitwa kuti Mulindu musale, oyu Muka Luzyalo Ngwe yanda kukanana. Nywebo mulizi, Bbaibbele lila lungulula, kuteeti, “Ku Mulindu musale.” Kuti, na mwalangisyia, “musale” lizwa ku bbala “Mulindu usalidwe.” Mulindu omwe, akati ka balindu boonse bambi, wa kasalwa.

<sup>41</sup> Mbuli, nakalindu wa keelede kuzyala mubili wa Leza, aa nyika. Waa kali mwanakazi uusalidwe. Leza wakasala Maria.

<sup>42</sup> Elyo, akwalo, Leza wakasala Mulindu uusalidwe, uli ngu Nabwiinga Wakwe. Walo ulisalidwe. Nda syoma tuli zizo zya oyo, sunumasiku, ku inyika yoonse, ku cisi coonse, mubwini.

<sup>43</sup> I bupanduluzi awa, butondezya luswaanano lwa Nabwiinga kuli Kristo, Mulindu musale: a nzila Mbwa keelede kuletwa kuli Nguwe; oko Nkwa kalino zwida; a nzila Mbwa kalino letwa kuli Nguwe. I Mbungano awa, mu bupanduluzi obo mo twa njila mu kubonekela, kula tondezegwa kwiinda ku mwanakazi. Walo, mwanakazi lyoonse ncikozyanyo ca Mbungano, nkaambo Mbungano ila nganisigwa kuba Nabwiinga. Ii Nabwiinga, Walo ngu Nabwiinga wa Mwami Jesu, Mwana wa Leza.

<sup>44</sup> Lyoonse, ikuti na mwalangilila, amulangilile ziimo a kulilemeka kwa banakazi, nkabela moyo bona awo mbungano mpo ibede.

<sup>45</sup> Lino, oku, bumwi bukanazi obu inga bwaboneka bweenzu kuli ndinywe nobamwi, pele nkumvwa kubotu ku Mulumbe oyo Ngwe jisi kuzwa ku Mwami, oyo Ngwe sola kuleta ku bantu. Mwabona? Amu langilile zintuzyonse mu bulenge, obo mbo zicitika, ibulenge, alimwi amubu langilile. Buleenda ncobeni antoomwe azya kumuuya, akwalo.

<sup>46</sup> Lino, ikuti na mwabona kulilemeka kwa banakazi mu inyika sunu, amulangilile kulilemeka kwa mbungano yanyika sunu. Amulangilile buyo. Mubwini, lino, nkokuli akwalo kulilemeka kwa Nabwiinga wa kumuuya, i Mbungano. Mwabona? Amulangilile Oyo, awalo. [Kabeela katakwecintu aa teepu—Mul.] Nkaambo, wakunyama mbuli mbwaita, kutaminina kuba Nabwiinga.

<sup>47</sup> Lino, akaka andaambe alubo ku mbunga ya mubusena. Muta limvvi bubi lino. Ndi—Ndi kanana kuli boonse abali ku cisi conse, ku i, eco Nce yeeya, Mulindu musale. Aboobo ikuti na kwaba kuti kuli bakutausi omuno, abo bata zumini, ee, amuumune buyo kwa kaindi kaniini. Mwabona? Amubone. Amuswiilile buyo.

<sup>48</sup> Amubone bube obu. Cindi mwabona banakazi kaba zumanana kulilemeka kwabutaka, kabacita buyo cintu cili conse nco bayanda kucita, amulangilile, mbungano ilacita cintu nciconya. Amubone.

<sup>49</sup> Pele amulangilile, cindi Nabwinga wa kumuuya, cindi Ata lika kuba a lubukulusyo, cindi Ata lika kujokela a kweendelana Walo a Ijwi lya Leza. Amulangilile mpawo alubo, muvo bona, obo Magwalo, ku ciindi eco, kuyooba Mulumbe uyo fumpa ku jata Nabwinga oyo, kujata Mwanakazi oyo, Musale.

<sup>50</sup> Nkambo, mbuli inyika, Saatani, mucengi oyo wa kacenga nabwiinga mutaanzi, ku kubisizya Leza, kwiinda mu kutasyoma Ijwi Lyakwe...

<sup>51</sup> Elyo lino, sunu, mbuli mbotu bona mbungano yakunyama, mu mulumbe wa bupampu bwanu, kuya busakana a busakana kuzwa ku Ijwi, mu mulumbe aabuyo; tu jana cuti banakazi ba inyika, mu tugwagwa, mamembala aboobo, bali mukulinjizya lwabo mu ciimo nciconya. To konzyi ku baambila. Ba kasweekelwa kuyeyya kwabo kwakulilemeka kwalyonse, bantu bacita. Mwabona? Elyo eyo nje nzila mbungano mbo yacita. Elyo mula konzya kwiibona kayunka cigaminina ku kkanso ya bupaizi, camasimpe buyo mbuli cintu cili conse mu inyika, a kunjila moonya mu Rome canguzu mbuli mboikonzya kuunka, mwabona, nkaambo caka sinsimwa. Elyo ngooyo mbwa bede. Oko nkokulilemeka kwakwe.

<sup>52</sup> Pele mpawo amulangilile alubo ku Mbungano ya kumuuya, obo eyo nkamu ya bantu, baitidwe kuzwa, Basale, kwiinda mu lubukulusyo alumwi. Muli Martin Luther, caka citika nzila njiyonya mu Lubambululo. Ca kacitika cintu nciconya mu ciindi ca John Wesley. Ca kacitika cintu nciconya cindi Pentekoste niyaka talika lutaanzi. Ba kajosya banakazi moonya mu kweendelana a Ijwi, elyo mpawo bakaley. Ngooyo waa unka kujokela moonya mu lupyopyongano. Pele mpawo ciindi eco bantu ncoba libambilide kweendelana, kuli Mulumbe uyutuka, nkabela baleendelana a Ngwo.

<sup>53</sup> Luther wakali mutumwa wa buzuba bomwe, bwa kululamikwa, nkabela Mbungano yakeendelana ncobeni ankuko, bamwi babo. I bamwi babo bakazumanana. Wesley wakaboola a kusalazigwa, Mbungano yakeendelana ncobeni ankuko. Pentekoste yakaboola a kuboozezya kwa zipego, Mbungano yakeendelana ncobeni ankuko, Basale ba buzuba obo; elyo mpawo kuyabaala, akuleya ncobeni kajokela muli

zyatubungwe a kuunka kuzwa abamwi babo ncobeni, boonse babo nkoonya kunselelo kubweende.

<sup>54</sup> Lino, pele amubone, cindi bantu batalika kusoleka kweendelana a Ijwi, mpaawo kuboola Mulumbe mupya kuzwa ku Ijwi lya Leza, kugama nkoonya ku bantu. Elyo bala ujata Mulumbe oyo a kweendelana, ciindi conse. Cili buyo zya Leza . . . Tuli jisi oyo.

<sup>55</sup> Tuli jisi mikwasyi. Mukwasyi aumwi omuno uli zibide kuli ceeco. Ziindizimwi zintuzyonse ziyo enda kabotu kuli ndinywe, kwa myaka. Mpawo, cakufwambaana, muvo uma kujatwa awo, tula kwaamba ziindi zinji ku Musanza okuno, "Cindi mvula yawa, ila tila," nkabela zintuzyonse zila lubila. Mwiinda mu ciindi ca busiku. Mpawo kuli kupasuka kwa buzuba, mpawo ciindi ca busiku. Zintuzyonse zyeenda mukuzumanana.

<sup>56</sup> I musinsimi, Paulo, awa waamba kuti mwanakazi takonzyi kukwatwa alubo kusikila mulumi wakwe mutaanzi wafwa. Ta konzyi kukwatwa alubo kufumbwa kuti mulumi wakwe mutaanzi kali muumi; walo, taakwe cikonzya kumuzumizya, pe. We elede kukkala alikke kufumbwa kuti mulumi wakwe mutaanzi kali muumi. Elyo ikuti na waa cita cibi mbuli ceeco, "uyo tegwa mukazi simamambe." Ndi kanana cakunyama lino, ku cikozyanisa kuli ca kumuuya. Ikuti na mwanakazi oyu wacita cibi mbuli ceeci, mpawo ula gwalwa kuti ngu, "mukazi simamambe," ikuti na ujisi baalumi bobilo baumi aciindi comwe. Nkikaako, waa sweekelwa, kwiinda ku kucita ceeci, nguzu zyakwe kuli Leza a Julu, ku kucita boobo. Waa cita ncobeni. Walo mutande kuzwa ku buvubi bwa Leza, kweendelana ku Magwalo ayo nge Nda zwa akubala.

<sup>57</sup> Mboibede mbungano, cindi yasola kusanganya kayanza kabuzumini a kabungwe antomwe a Ijwi lya Leza. Ta konzyi kuti kakwetwe ku kabungwe, akuba Nabwiinga wa Kristo, aaciindi comwe. We elede kufwa kuli omwe na umbi. I mulao waamba obo, awa. Kuli milao minji loko mu Ijwi lya Leza. Alimwi oyo ngo mulao Wakwe, Paulo kakanana cintu nciconya awa. Ta konzyi kuti kakwetwe ku mbungano ya kayanza kabuzumini kanyika, a kuba Nabwiinga wa Kristo, nkaambo waa . . . umwi ulandeene kuzwa kuli umbi. Lino, amuyeeye.

Kwaamba, "Ee, tula syoma *eci*, pele ta tusyomi *Eco*."

<sup>58</sup> Ikuti na uli kwetwe kuli Kristo, Kristo ndi Ijwi lya Leza. Mu Musalali Johane, cipati ca 1, wakati, "Ku matalikilo kwakali Ijwi, elyo Ijwi lyakali antomwe a Leza, alimwi Ijwi wakali Leza. Nkabela ndilyonya lyakaba mubili wabuntu a kukkala akati kesu." Kristo wakali Ijwi lipona. Wa kali Ijwi lyoonse. Ucili Ijwi mbubonya. Unoli Ijwi lyonse. Wa kali kuyubululwa biyo kwa bube bwa Leza, nkambo Wa kali Mwana wa Leza.

<sup>59</sup> Elyo kufumbwa mwana walo mbube bwa wisi, alimwi mbubonya mbu mwa kabede mu nseke zya bauso, mu mubili

wa bauso cindi nibakali mulombe muniini, wakali muli mbabo. Nekubabooobo, tii bakali kukonzya kuba aluswaanano anduwe, nkaambo tiiba kakuzi pe. Pele mpawo, kwiinda mu zyalilo lya mutumbu, wa kazyalwa mu nyika akuba mu cinkozya ca bauso, mpawo bakali kukonzya kuswaanana anduwe.

<sup>60</sup> Elyo mbubonya mbo mwakabede, bana balombe ba Leza a basimbi ba Leza, kakutanaba akwalo mweezi, nyenyezi, na molekkyu. Mwa kali bana balombe abasimbi iba Leza, nkambo muli biyo kuyubululwa kwakunyama kwa bube obo bwakali muli Leza ku matalikilo. Nkambo, kuli biyo ibube bomwe bwa Buumi Butamani, elyo oyo wakali nduwe, kaindi. To zyi cintu kujatikizya ncico. Akwalo tokazi cindi nokali muli bauso baansi, pele wayubululwa ku...mu cinkozya cabu. Mu cinkonzya ca Leza wakalengwa, elyo waka yubululwa ku bulemu a luswaanano lwa Leza.

<sup>61</sup> Elyo, nkikaako, camasimpe mbuli nseke yako mbuya keelede kuba muli bauso, kakutanaba kuzyalwa kwako kwa kunyama, nseke yako ya kumuuya ya keelede kuba muli Leza, nkambo uli kutondezegwa kwa bube bwa miyeeyo Yakwe, kakutanaba ntalisyo ya inyika. Yaa. Taakwe nzila yaku ceenguluka. Mbo mbubo. Lino, lino tula bona, mpawo, obo Buumi mukuba muli nduwe, Buumi bwa Leza mukuba muli nduwe, kuzwa ku ntalisyo ya inyika.

<sup>62</sup> Lino, lino, tokonzyi kusanganya kayanza kabuzumini ka kabungwe antomwe a Ijwi, nkaambo zilaandeene loko, cimwi kuli cimbi.

<sup>63</sup> Nce ncico cintu Saatani ncaka soleka kucita kubelesya muzeego wakwe wabupampu kuli Eva. Wa kati...wa kazumina kuti Leza waka caamba, pele wa kati, "Incobeni, tamu kafwi." Mwabona? Elyo balasyoma obo.

<sup>64</sup> Elyo ncencico kayanza kabuzumini nco kacita, sunumasiku. Kabungwe kapambula bantu kuzwa ku Ijwi lya Leza. Sena Jesu takaamba, cindi Na kasika, "Nywebo, kwiinda ku kansiyansiya kanu, mwabamba Milao ya Leza kubula nguzu ku bantu"? [Mbunga yaamba, "Ameni."—Mul.] Elyo kwiinda ku kayanza kesu kabuzumini, twa pambula luswaanano lwa Muuya Uusalala ku kunanika Ijwi lya Leza elyo lya kabikkwa ku nzyalani eyi. Twa pambula bantu obo, kwiinda ku kabungwe, kuti babule coolwe caku Ubona.

<sup>65</sup> Lino, Leza, Walo, nzyalani aimwi, Ula yungizya cibbeela cipyca Bbuku Lyakwe. Coonse ceenda antoomwe.

<sup>66</sup> Mbuli mibili wangu mbo wa kayakwa. Nda ambilwa kuti waka talikila ku moongola, pele tiwa kali moongola onse. Wa keenda kuzwa waawo kuya ku mabambo, a kuzwa... mapunga, aku maanza, a maboko, amaulu, azimwi zimbi, nkabela wakazumanana kuboneka kuba muntu oyo Ngwe bede.

<sup>67</sup> Elyo mbubonya a Leza mbwa kayubululwa ku matalikilo. Elyo kumalekelo Wa kayutuka mbuli Jehova, Leza i Taata. Mpawo Wa kayutuka mbuli Leza i Mwana, muli Jesu Kristo. Lino Wa yutuka mbuli Leza i Muuya Uusalala. I Leza omwe, ciindi conse, kuyubululwa kotatwe kwa Leza omwe—omwe.

<sup>68</sup> Lino, tula jana muli ceeći, kuti, nzyalani aimwi, Leza waka bikka Ijwi Lyakwe kuzwa kumatalikilo.

<sup>69</sup> Mbuli buyo kusumpuka kwa bucebuce kuzwa ku cintu cimwi mbo kwa kaboola. Mbubonya mbuli cintu citaanzi Leza nca kalenga, ambweni, cakali... Atwaambe kuti Wa kalenga buumi bwa masamu, kusaanguna. Mpawo Wa kalenga buumi bwa banyakama, kutobela. Mpawo Wa kalenga buumi bwa muntunsi, kutobela. Kubaanga nkusumpuka bucebuce, kuya bukomena maningi.

<sup>70</sup> Mbulonya mbo cakabede muli Leza a Mbungano Yakwe. Kululamikwa kuli Luther. Kusala-...Oko nkusomona Nabwiinga Wakwe, lino. Uli mukulenga Nabwiinga Wakwe. Kululamikwa kuli Luther; kusalazigwa kuli Wesley; azimwi zimbi, nywebo mwabona. Walo, kuya kusumpuka bucebuce kwa Muuya mukupegwa kunji a kunji, nkaambo Mubili uli mukuyakwa, kuboola ku Mutwe, uuli ngu Kristo, Mubili wa Kristo.

<sup>71</sup> Lino, Walo, mbuli mwanakazi, ikuti na Uli kwetwe kuli Kristo i Ijwi, Ta konzyi kukwatwa ku mbungano ya kabungwe a ciindi comwe, nkambo Ula angidwe kuli ndulo. Walo uyo... konzyi kupona a balumi bobilo a ciindi comwe. Bala ndeene, umwi kuli umbi. Umwi wakatumwa a Leza, umwi umbi wakapangwa aabantu, aboobo ba landeene. Kati, "Akube kuti ijwi lya muntu onse libe bubeji; Lyangu libe Bwini." Leza wakaamba obo.

<sup>72</sup> Mbubonya buyo mbu bandeene kuli umwi aumwi, awalo mulao mbuwa kabede ku luzyalo, mbuli Paulo mbwa kanana awa. Umwi weeledé kufwa, kuti abe aumbi. "Elyo ikuti na waa soleka kubasanganya, uyo tegwa ngu mukazi simamambe." Oh! Amu ciyeeye. New York, Arizona, koonse ku cisi, amu ciyeeye. Leza wa kati, "Ikuti na waa soleka kukwatwa kuli bobilo a ciindi comwe, uyo tegwa mukazi simamambe." Nguni mukazi simamambe ukonzya kunjila July? Sa inga Leza wakwata mukazi simamambe? Peepe nconzyo. Wa ka twaambila kuta cicita. "Uyo tegwa mukazi simamambe."

<sup>73</sup> Mpawo, bana bakwe, ikuti na mukazi simamambe, bana bakwe mbamusokwe. Bamusokwe! Bamusokwe kunzi? Kutali ku mbungano, pele ku Ijwi. Ngwa musokwe. Ino ncifwanikiso ca ceeći Ci'yubunuzyo 3 awa, ica bukkalo bwa mbungano ya Laodikeya ya buzuba bwamamanino! Ino ni nkamu yamusokwe! Ino nkudyobengana kwakabungwe! Bakasaala, kuyambele a kuliita lwabo kuti Mbanakristo, a kukaka Ijwi lya Leza,

"Kabajisi ciwa cabukombi, pele bakaka nguzu zya mbubo," mbuli musinsimi mbwa kaamba kuti bayooba.

<sup>74</sup> Lukwato ncilengwa cakale mu inyika. Lukwato lwaka citwa lutaanzi, akulaililwa, mu muunda wa Edeni.

<sup>75</sup> Ii mwanakazi upedwe kumamela bube bumwi obo mbwa teelede kusofwaazya. Ii mwanakazi upedwe kulanganya ceeco. Kunyina cilenge aa nyika cili mbuli mwanakazi. Kunyina mubwa muzyazi, kunyina muzyazi wa musyobo umwi, upedwe kumamela bube obo mwanakazi mbwa jisi.

<sup>76</sup> Ii mwanakazi takaliko akwalo mu i—i matalikilo aa bulenge, nkaambo Leza wakalizi kuti uyoowa. Bazyazi boonse bambi tii bakali kukonzya kucita mamambi. Ngo nguwe alikke oyo ukonzya kucita mamambi. Ikuti nakabambwa mbuli citaanzi cini, eco nicataka leta kulumbaizya ku busongo bwa Leza bulemu. Mwabona? Waa kabambwa kuba cipangulule ca mwaalumi.

<sup>77</sup> Pele nkaambo kakuti waka waalilwa mu lubazu olo, waa kapegwaa bweendelezi busetekene awalo kuzwa kuli Leza, bwa lununuko. Ujisi bube obo mbwa teelede kusofwaazya.

<sup>78</sup> Ikuti na waa bunyonganya, ulaba usofweede mu ciindi coonse cabuumi. Takukwe makani kunji mbwa jatilwa, ta konzyi kululamikwa. Njo uma muli ceeco mu kaindi kaniini. Ndi jisi Lugwalo ali ceeco, mu maminiti masyoonto. Ula konzya kujatilwa ku busofwi bwakwe, pele takonzyi kululamikwa mu buumi obu. Lyoonse kulaali nguwe. Amubone lino. Wa ka pegwa ceeci. Inga waa jatilwa, pele kuta lulamikwa.

<sup>79</sup> Mibili wakwe uli pedwe kuli nguwe, kulanganya kusetekene kuzwa kuli Leza. Taakwe mubwa muzyazi, taakwe muyuni, taakwe munyama umbi, taakwe cilenge cimbi mbuli yooyo. Peepe. Ngo nguwe alikke. Kuli ncico, ula...I kaambo nco usetekene loko, weelede kuleta buumi mu nyika. Mibili wakwe mbusena bwa kuzyalila buumi, nkikaako nkekaambo ncapedwe kulanganya oku kusetekene.

<sup>80</sup> Lino mpaawa mpo mukonzya kukaka, bunji, nywebo basilwiiyo lwabukombi. Eco ncica kasofwaazya mukowa oonse wa bantu, ngaayo mamambi ku matalikilo. Busena bwakwe bwa kuzyalila kanyonganisigwa. Waa kazyala mayanga ayo, Kaimi a Abela. Mucito omwe, bana bobilo. Amulingaule Magwalo. Uh huh.

<sup>81</sup> Amubone lino. Tu jana kuti mibili wakwe mbusena bwa kuzyalila, elyo aboobo nkulanganya kusetekene, kuta usofwaazya oyo. Lino, Ndila kanana lino, kuleta ceeci mu bupanduluzi bupati, ku mutondezya awo Mbungano mpo iimvwi. Nsyia ambi ndinywe nobanakazi. Kufumbwa mbo mubede, eco cili akati kanu a Leza, na nywebo nobaalumi. Pele Ndi kanana Mbungano a Kristo.

<sup>82</sup> Lino, uli pedwe oku, kuleta buumi obo Leza alikke Mwini mbwa konzya kupa. Mulumi wakwe inga waba sikuyumuna wa mbuto, pele Leza nguu leta buumi. Mbo mbubo. Bweelede kuboola, buumi boonse bweelede kuzwa kuli Leza. Kufumbwa buumi bweelede kuzwa kuli Leza. Bwa kasandulwa, alimwi eco nce cicibamba kuba bwabubi, pele buumi bweelede kuzwa kuli Leza. Ngo Mukamwini wa buumi. Lino ujisi cis-... comwe...

<sup>83</sup> Ndi yanda kwaamba zintu zyotatwe awa nzya teeled e kuzwa kuli nzizyo. Lino, Ndila kanana, mubikke mbungano mu mizeeo kuciindi Ne kanana ceeci ku mwanakazi wakunyama, mbuli Paulo mbwa cita awa, mu cipati 7 ca Baroma.

<sup>84</sup> Walo ujisi kusyomwa kusetekene kwa buboto kwakapegwa kuli nguwe kwiinda ku Mwami wakwe, buboto bumwi. Kunyina cintu cimbi cibujisi pele mwanakazi. Mbubo. Obo bwaka pegwa kuli nguwe kwiinda kuli Leza. Ta elede kusofwaazya buboto obo.

<sup>85</sup> Ikuti na akwalo waa cita cintucimwi cilubide, wee lede kulyaambilila kuli ceeco ku mulumi wakwe katana mu bweza, aku cilulamika. I mbubonya mbuli mbungano yaka kwetwe ku mulao, yeelede kuboola ayalo kuli Kristo, kakutana lukwatano lwabili. Wee lede kulyaambilila ceeco. Ikuti na taciti, nkabela waa pona a mwaalumi wakwe kwa myaka ili kkumi elyo mpawo walyaambilila kuli ceeco, uli jisi nguzu zya kumuleka a kukwata mwanakazi umbi. Olo Ndugwalo. Bwaamu nkupona kutasalali.

<sup>86</sup> “Josefa, uta yoowi, kolibwezela Maria mukaintu wako, nkambo eco cimitidwe muli nguwe nca Muuya Uusalala.” Wa kali kuyeeya ku muleka cakumbali, mwabona, kakuli wa ka mutangide kale. Cindi watanga kuli nguwe, kuciimo mbuli kuli Leza mbwa langanya, ulikwete kuli nguwe.

<sup>87</sup> Amubone lino. Walo ujisi kulanganya kusetekene kwa buboto obo kwa kapegwa kuli nguwe, kalanganya kuli nguwe kwiinda ku Mwami. Leza waka mupa buboto obo. Mbubonya mbu kwakabede mu muunda wa Edeni, ula konzya kwaamba kuti “iiyi” na “peepe.” Walo ujisi kulanganya kusetekene kwa bwanakazi kwakapegwa kuli nguwe, obo mbwa teeled e kutyola. I bwanakazi Mbwe kanana awa nkulilemeka kwakwe, bube bwakwe munsi lya bamaalumi. Kutali kuzumizya mwaalumi onse...

<sup>88</sup> Ulanga a zipekupeku ezi akubona basimisobano bampuwo muzipekupeku kaba myontana, a kukumbatana, akuloka mate, a koonse, ku banakazi aba. I mwanakazi ucita boobo, ula bube bubyaabi. Inga kali mubotu, kumwi. Pele, mwabona, mu moyo wakwe...Kakuli, ayo magilandi, magilandi aankwela, ali mu milomo. I mwaalumi aamyonta mwanakazi, mubwini ula, mubumwi, wa cita mamambi. Magilandi aankwela ali mu milomo ya mwanakazi amu milomo ya mwaalumi. Inga wa mumyonta a janza, takukonzyi kuswaana kwiinda mu magilandi abo aankwela. Pele magilandi aankwela ali mu milomo.

Elyo amubone boonse obu bufubafuba mu i—i Hollywood sunu, kwa kuloka mate oku koonse a kuyandana konse a banakazi, azimwi zimbi, a basimbi baniini kablangilila ali ceeco conse. Ta cigambyi kulilemeka kwesu ncoku bolede a kubija, a kusofwaala, mwabona, nkaambo kwabikkwa kumbele ly a bana. Mbo mbubo. Ci leelede kuba munzila eyo ku buzuba bwamamanino.

<sup>89</sup> Lino amubikke mbungano mu mizeezo. Uli mukumyontana a kuloka mate, a kusangana konse mu zintuzyonse zimbi cita Ijwi, kuzumizya dyabulosi, a lwiiyo akuvuntauzya kwa sayaansi, azimwi zimbi.

<sup>90</sup> Kakuli, bunasayaansi, lwiiyo, zintuzyonse, ziliimpene cakumaninina kuli Leza. I ciyanza mbocizulwa ca lusumpuko eco nco tu jisi lino nkulwanakristo cakumaninina. Ciyanza ca lwiiyo nkulwanakristo. Lusumpuko nkulwanakristo. Cilwana Leza. Nywebo mwati, “Kulwana lusumpuko?” Leza uyooba a lusumpuko, bumwi bwa mazuba aya, oko kutakabi a lufu lumwi luno swaangene muli ndulo. Olu lusumpuko lwa busyaasunu buboola kwiinda kuli Saatani. Njo tondezya eco kuli ndinywe, ikuti na Mwami wayanda, sunumasiku, kuzwa mu Bbaibbele. Zyonse zintu ezi nzya Saatani. Lusumpuko lwesu lupya taluno jisi nociba comwe ca ceeci muli ndulo.

Walo ujisi bwanakazi obu busetekene.

<sup>91</sup> Ta cigambyi baalumi nco bacita munsi ly a banakazi nzila njoba cita, nkukaambo kakuti banakazi balacita munsi ly a baalumi nzila mbo bacita. Ula lizibya lwakwe awa mukusama zigonkolole, a tujata mibili, a zyakusama zya baalumi a zintu, omuya mu kagwaga, kuyabilityolaula konse. Takukwe makani eco ncaamba, ula konzya kali mulome maningi ku mulumi wakwe mbuli mbwa konzya kuba, pele, mu meso aa Leza, “Walo mukazi simamamabe.” “Kufumbwa oyo ulanga mwanakazi caku musukama wa cita kale bumambi a nguwe mu moyo wakwe.” Elyo walitondezya lwakwe kuba boobo.

Elyo eco ncencico nconzyo mbungano ncoya cita a inyika.

<sup>92</sup> Amubone. Obo bwakatuulwa kuli nguwe: bubotu busetekene, bwanakazi busetekene, elyo mpawo butumbu busetekene, ulemeka mulumi wakwe.

<sup>93</sup> Amulange buyo sunu. Mu madolopo amwi, madolopo manji, bali jisi akwalo mapobwe mapati omo mobaita kuti ni nkamu yabalemu, mamembala ba mbungano, abalo. Kubikka ngowani zyabo a cibuye, elyo bonse balakolwa a kupindamuna zijuzyo zyabo muli njiyo. Aumwi mwanakazi ula unka aku bweza cijuzyo kuzwa mu ngowani, ca mwaalumi ngwayo kkala awe kumamanino aamvwiki. Yonse misyobo ya mapobwe ali boobo! Eco, Nce elede kwaambisyloko awa, ikuti na Mwami wayanda, Nse jisi ciindi caku njila muli ncico. Busofwi buli boobo!

<sup>94</sup> Elyo mbungano ni mbi buya ayalo, ya, kaicita mamambi a zintuzyonse, alimwi ta jisi mpindu ya kunjila mukati. Wee lede kukkanala a Ijwi.

<sup>95</sup> Mayake ali kabotu. Zibbadela zili kabotu. Zyonse ezi zintu zimbi zili kabotu. Mabambe aa lwiyo, ayo ali kabotu. Twe elede kukkanala awa, tweede kubala, kulemba. Eco ncimwi ca makwebo.

<sup>96</sup> Mbuli, tee twa keelede kunosama zisani zili zyonse, ku matalikilo. Njo kambauka ali ceeco, aakale mvwiki eyi, Mwami nawayanda. Pele tweede kusama zisani nkaambo Leza waka tupa zisani. Pele, mu matalikilo, tee twa kali kuyandikana nzizyo. Twa kali vumbidwe.

<sup>97</sup> Lino uli vumbidwe ku cibi cakwe. Ta zyi akwalo kuti uli mukubisya, mwabona, mbuli mbwaa kabede kaindi. Kwiinda i... Lino uli vumbidwe kwiinda kuli dyabulosi; kaindi waa kavumbidwe kwiinda kuli Leza. I lwandaano lwa ncico.

<sup>98</sup> Lino tu jana kuti waa kapegwa kulanganya oku kusetekene oko nkwa teeede kutyola: kwa bwanakazi, kucita, kuba aa bube bwakwe, kukomezya bana bakwe, kuba silulemeko ku mulumi wakwe.

<sup>99</sup> Mazubaano, bala bikkila maanu maningi kuli ncico kwiinda cimbi mu inyika. Mweelede ku kkala mu ofesi lyangu ciindicimwi a kubona baalumi kaba njizya bamakaintu babo, awo mpo basola kululama a Leza akulyaambilila bamaalumi bonse mbo bakapona abo, a zintuzyonse zimbi, kuzwida cindi niba kakwatana. “Oh,” nywebo mwati, “oko nku...” Peepe. Abo mba Pentekoste. Uh huh. I bamwi taba kabooli. Aboobo nku...

<sup>100</sup> Ndi kanana nzila mbo cikonzya kuzwa, cindi mwasangana a inyika, mbungano, a busyaasunu bonse a zintu ezyo nzo tu jisi. Ta tucili limbi mbuli ba Pentekoste bataanzi mboba kabede kwiinda buzuba mbo bwiindene ku busiku. Twa kaleya mu busena bumwi, mu lupyopyongano lumwi lusiya kumwi, a kusweeka.

<sup>101</sup> Ino nkulanganya kusetekene! Ino mulimo ku mwanakazi! Lino amubone kaambo ncali mukozyanyo wa Mbungano, eyo ijisi mulimo nguwenya. Mbuli mwanakazi mbwa jisi mulimo usetekene ku butumbu bwakwe, ku bubotu bwakwe, ku mulumi wakwe, Mbungano ijisi mulimo usetekene ku mupailo aku Ijwi, akuli Kristo, mbubonya buyo mbuli mwanakazi mbwa jisi.

<sup>102</sup> Elyo mbuli mwanakazi mbwa leya kweenda a mwaalumi umbi; cindi mbungano yaleya kunjila mabambe aya atubunga, a mabambe aakuyaka e zikolo, azimwi zimbi. Nse kwe cintu cakuzilwana. Zili kabotu. Ba belekela makanze azyo. Pele ta zili...

<sup>103</sup> Jesu taakwe nakati, “Kamuya, mukapange zikolo.” Wa kati, “Amu kambauke Ijwi.”

<sup>104</sup> Mpo mpawo mpo bata Li bikkili maanu. Kutali kupanga tukamu tulemu, zibbadela, azimwi zimbi. Zyalo zili kabotu, pele oyo tauli mulimo wa Mbungano. Mulimo wabo ngwa kukambauka Makanimabotu, pele twa cita zintuzyonse zimbi cita ceeco. Alimwi twa lokela mukati, mbubonya buyo Saatani mbwa kacita, aku cisanganya a Makanimabotu amwi, cintucimwi cimbi, a cintucimwi cimbi, kusikila caba cidyobedyobe ca cintu cabuyo. Kubija, nokuba yesu mboizulwa, inyika mboizulwa! Amulangilile bweende bwa inyika.

<sup>105</sup> Mukubala *Reader's Digest*, okuno kutali ciindi cilamfu cainda, awo basimbi baniini mpo bainda mu kuleka kuya kumweezi, a baalumi, kucinca kwa buumi, akati ka myaka yakukomena ili makumi obilo a makumi obilo ayosanwe. Bali mukwiinda mu misela yabo yaakati. Kubija (Nkaambonzi?) nkaambo kakuvuntauzya kwasayaansi kujatikizya zyakulya a zintu ezyo zyakatafwunwa, kuzwa ku zintu zini nzo tweede kubikka mu mibili wesu. Ta tuli cintu pele cikama ca kubija kuya bufwa.

<sup>106</sup> Lino, mbo mbubo mbungano mboibede, ayalo. Ili mu ciimo nciconya.

<sup>107</sup> Walo mukozyanyo. Ujisi bubotu mbubonya buyandisi kwiinda ku Muuya, bwaka pegwa kuli Nguwe, ku kubamba Muuya a Ijwi, a ku tacita mamambi a cintu cili conse ca inyika na kufumbwa cintu. Kkala koli nakalindu ku Ijwi, mbuli mwanakazi mbwa elede kukkanala cabubotu ku mulumi wakwe. Nkulanganya kusetekene, kwa kulemeka Ijwi lya Mwami Wakwe atala akayanza koonse kabuzumini kakabambwa aabantu, busongo, kabungwe kaliko. I Mbungano ipedwe kulanganya oko.

<sup>108</sup> Ikuti na baamba kuti, “Ee, mbungano yangu...” Nse kwe ndaba eco mbungano yako neo isyoma. Ikuti na ciliimpene ku Ijwi lya Leza, tantamuka kuli ncico.

<sup>109</sup> I Bbaibbele lyakati, “Jesu Kristo ngu mbobuca nguwenya, sunu, amuya myaaka.” Marko 16 wakati, “Ezi zitondezyo ziyo batobela abo basyoma.” Ikuti na mbungano ikambauka ciimpene kuli Ceeco, uta citi. Kofwa ku cintu eco. Ko zyalululwa, mu Ijwi lya Leza. “Kamuya mu inyika yoonse a kuyo kambauka Makanimabotu ku bantu bonse.” Nko kule Nkulya keelede kuunka. “Ezi zitondezyo ziyo batobela abo basyoma, mu inyika yonse, a bantu bonse bayo syoma.” Mwabona na obo mbo twa kazwa kuli Ndilyo? Masimpe. Pele Ujisi mulimo kuli Ndilyo.

<sup>110</sup> Pele lino amulange cintu, Hollywood, ya gusya zintu zibotu kuzwa ku banakazi besu.

<sup>111</sup> Ndili kkede awa nkelanga mucembele uyandwa, Mucizi Schrader, bunji bwa banakazi awa, a kusule, a Mucizi Moore awa, bamacembele abo bayeeya myaka yainda misyoonto. Ikuti na banyina, na nokuba mbabo, niba keenda mu tugwagwa,

nzila bamwi banakazi aba njo beendela sunu, mamembala aa mbungano, niba kamwaanga mwanakazi nkambo ka kusondoka. "Waa kaluba kusama musinsi." Ee, ikuti na kwakali kusondoka kaindi, nkusondoka alino.

<sup>112</sup> Ee, amulange, inyika mboizulwa ila tondezya kuti nkusondoka. Amulange bujayı a zintu zicitika lino mu inyika. Mwabona? Busondosi!

<sup>113</sup> I cintu mbo cizulwa nku boola kuzulizya Ziyubunuzyo. Kwayanda tula njila, mwwiki ino. Awo, zintu ezyo zisesemya maningi, zyalo tazili zyabulenge. Ezyo nzintu zya kumuuya, zibamba bantu kukwiilila myaala a malundu, a zintuzyonse zimbi, kuti ziba wide.

<sup>114</sup> I busondosi, ncobeni bumaninide inyika eyo mwiiyo njila, cakufwambaana, kutandila kuba lino. Baa, mula bona ndyato zya mano aa mbubo. Mboobo we. Ku—ku leendelene mpoonya alya aa kagwagwa, moonya mu bbenchi ya mbungano, busondosi bumaninide, kucita zintu ezyo muntunsi nzya takonzyi kuyeeya kucita a kuba usumpukide.

<sup>115</sup> Amulange eco Hollywood nco yacita ku mwanakazi. Amulange nzila mbo cibede. Ya bbida mwanakazi bubotu busetekene. Kuyabuya, inga twa unka. Mwabona?

<sup>116</sup> Zyoonse ezi nzya kasweekelwa. Mbobuti mbwa kacicita? Nkaambo kwakali cibelesyo caka jisi maanu citegwa mbungano, mbuli mbo cakabede mu muunda wa Edeni. Ii muntu mupyungi, dyabulosi, wakeenda kunjila mbungano mbuli mbwa kacita muunda wa Edeni, a kumu cenga kunjila muli ncico. Waa kacengwa. I mwanakazi uyeeya...ta kanzi kuba uulubide.

<sup>117</sup> Eva taka kanza kuba uulubide. Tii kwakali kwacaali. Pele wa...I Bbaibbele lya kati, muli Timoteo Wabili, Timoteo Mutaanzi 3, "Waa kacengwa." Alimiwi *kucengwa* takuli kucicita acaaali. Ncindi wacengwa mu kucicita.

<sup>118</sup> Elyo ncencico cacitika ncobeni sunu. Waa cengwa, kwiinda ku televizhioni, kwiinda ku magazini, kwiinda ku bantu aba, ezi, zintu ezi zyoonse zibotu zicitika, okuya mu kagwagwa. Basimbi basyaasunu, ba langa ku mamagazini alimwi ba langa ku zifwanikiso. Ba langa mu kagwagwa. Bala bona zisani mu zintoolo. Nzila Saatani, eco cibelesyo cipati ca—ca gehena, ca selemukila akati ka bantu a kuba cengela mu zintu ezi! Elyo mwanakazi uyeeya kuti uli kabotu. Elyo walo uli fwide nkabela ta cizyi. Uli kule kuli Leza. Mwabona nzila mbwa kasweekelwa eci coonse, a nzila mbo cakali ca maanu?

<sup>119</sup> Sunu, Ndi yanda kuti mubone. Jesu waka cikanana. Akwalo, ikuti na muyanda ku cibala, Jesu wa kadomba kuti cintu eci ciyo citika (Sena mwakalizi obo?) mu maora Akwe amamanino, kakutanaba buyo kubambulwa Kwakwe. Atu cibale buyo, Musalali Luka, i—i cipati 23, kwakaindi buyo kaniini, mbuli ciiyo cakwiyya Munsono. Kutalikila kampango ka 27, Nda

syoma Nda ceengela awa. Jesu kaunka ku Kalivari. Amu swiilile mbuli Mbwe cibala. Yaa. Musalali Luka 23:27, Nda syoma, cili awo mpo tu cijisi. Makani angu acijisi mu nzila eyo. Inzya. Nceeci mbocibede.

*Elyo mpaawo kwaka mutobela nkamu ya bantu  
mpati, alimwi...banakazi, abalo baka mulilila a  
kumoomokela.*

*Pele Jesu naka bavuulukila wakati, Nobana basimbi ba  
Jerusalemu, muta omokeli ndime, pele amulyo mokele  
nubeni, a ku bana banu.*

*Nkambo, amubone, i buzuba—mazuba ala boola,...  
bati bayo amba, Balacoolwe basundi, a luzyalilo lwa  
takazala, a nkolo zya taka nyonsya.*

<sup>120</sup> Amuyeeye, sunu, mause kuli nguwe kuba a mwana. Mwabona?

*Mpawo bayo talika kwaambila malundu kuti, Amu  
tuwide; a zi... a zilundu, kuti Amu tuvumbe.*

*Nkambo ikuti na bacita zintu ezi mu cisamu ca girini,  
ino bayo cita nzi ciyumu?*

<sup>121</sup> Kukanana buzuba cindi banakazi noba takayandi limbi kuba aa bana. Ba yandi mubwa na kaaze, na cintucimwi mbuli ceeco, pele ta yandi limbi bana pe. Nkaambonzi? Walo ngu “Hubbard Mutumbu Wakale” ikuti na ujisi mwana. Mwabona? Ta yandi. Obo i—obo mbo bukanazi bwa Hollywood. Tai yandi mwanakazi wayo kuba “Hubbard Mutumbu Wakale.” Aboobo uyo, uya kuba akupandulwa kumwi kuyo citwa kuli nguwe na walo, umwi, kuyo babamba kuta zyala bana. Ta aciyandi bana.

<sup>122</sup> Jesu waka cikanana. Elyo ncinzi Nca kaamba? “Ku ciindi eco bayo talika kulilila myaala a malundu kuti ‘Amu tuwide.’”

<sup>123</sup> Uyo cita kunyonauna kuzyala, kutegwa kakonzya kuya ku zipobwe. Ta konzyi kupenzegwa ku kulanganya muvwanda. “Kuyo mupilinganya. Cindi ano mitide, ciyooba obo, ciyo mupilinganya. Ta kaboneki mbuli mbwa kali kucita.” Elyo mulumi wakwe, kubula luzibo kwini kwa kumulekela kuunka munzila eyo. Ta kamupi mwana.

<sup>124</sup> Jesu waka cikanana. Elyo Wa kati, kuti—kuti, cindi nobakali kucita ceeci, ku ciindi eco mpawo bayo unka kabalilila myaala kuti ika bawide. Kwalo Nkuboola kwa Mwami.

<sup>125</sup> Ba bbadela mali manji loko kuli bakaaze, babwa, ku kulela mbuli nyina. Mbo mbubo. We elede kulela cintucimwi mbuli nyina, nkaambo mbulenge bwa kapegwa aa Leza kuli nguwe.

<sup>126</sup> Nda bona. Ndi vwima banyama bapati. Ii masekese mudaala mu ciindi cabutololo bwa mwaka, cindi nakamana kutobelwa kuli masekese mweenze, uli jisi twana mpawo tuzyalwa. Twalo ntwana tubotu twa misela mibotu, ndiza kulema mapaundi ali mwaanda na kwiinda. Uyo balesya kunyonka

akulisisa mung'onzi mpati kuli lwabo, nkaambo uyo zyala twana tumbi. Tula zyalwa mu Mulumi. I masekese tazyi cintu kujatikizya neico.

<sup>127</sup> Tu zyalilwa mu nsuwa ziniini. Obo Leza mbwa katubamba kujula nsuwa ezyo ziniini zibalangala, tolkke, niini...mbuli nsuwo zya selofoone ziniini. Tula jana nzila yato yakuba abusena. Banyina bato balloona cakugoloma. Taba nalya cintu kuzwida mu Kavumbikaniini, nkabela oyu Mulumi. Bala boola aabusena a kumu nyonsya mane akati ka Kaandakaniini.

<sup>128</sup> Mpawo cindi abona twana twakwe, ntwana tubotu twa misela mibotu, tulema ndiza mapaundi ali, kkumi aosanwe, kkumi na kkumi aosanwe acimwi. Ba kamu sanina. Nzila mbwa jana mukupa, oyo muzeezo wa Leza. Ula pona, alikke, a kuzwa mukupa wa twana.

<sup>129</sup> Elyo mpawo ikuti na kutobelwa kwakwe taku citiki, nkabela tabi a twana pe, uyo tuyandaula kwa mwaka...twana twa mwaka wainda, a kubabamba mainza oonse, nkaambo nkulilemeka kumu kwabulenge kwakapegwa aa Leza. We elede kulela cintucimwi mbuli nyina.

<sup>130</sup> Elyo ikuti na mwanakazi tabi a muvwanda wa mulumi wakwe, uyo bweza mubwa na kaaze, na cintucimwi. We elede kulela cintucimwi mbuli nyina. Mbulenye bwakwe. Pele kuli masekese mwana wa mulumi wakwe, a kumu komezya ku mulimo wa Leza, oko nkuzwa kumaninide mu bupange bwakwe. We elede... Oh, inga waa—oh, inga waa ba simause loko, ikuti na waa kacicita, kwiinda ku nkamu yakwe iiyandisya cibi ca musyobo oyu wa 1965 iwa banakazi.

<sup>131</sup> Ii cikozyanyo cini ca mbungano yabusyaasunu mazuba aya! Ayalo mbungano ya busyaasunu tai yandi zimwi ezi awa, kukwiila, koongolola, kwaambaula mu myaabmo, Incito 2:38 bana ku muzunguluka. Inzya. Inzya. Mwabona? Inzya. Ta yandi zimwi zya kucwema, a kulila, a kukwiila, "Ameni! Aleluya!" Baa, mwana uli boobo inga wamu tanda mu kabungwe kakwe cakufwambaana. Ba kali jisi umwi mbuli oyo muli imwi ya mambungano, baa, inga bamutanda cakubinda.

"Nkaambonzi mulekela zintu zili boobo mbuli zeezi kuya buzwidilila?"

<sup>132</sup> Aboobo, mwabona, wa kamita cintucimwi, nkaambo uli mukuzyala zizo ciindi coonse. Pele ta yandi umwi wabo kukwiila, koongolola, kwaambaula kwa kubwa, Incito 2:38, zilenge zisampukide nzya yeeya kuti mbo babede. Ciyo musampula ncobeni. Ciyo munyonganya a mbungano yakwe, ya nkamu, yakulilemeka kwa sayaansi eyo nya zulilwa okuno. Inga bamutanda, ku kkanso itobela. Ta konzyi kwiitambula. Aboobo ta yandi kumita ku Ijwi, nkaambo oyo ngo musyobo luzutu Ijwi ngo likonzya kuzyala.

<sup>133</sup> Kuzyalwa ku Muuya wa Leza, ci jisi Muuya wa Leza muli ncico. Peepe kusangana mbungano ya bupampu a kutobela kayanza kabuzumini, masusu aageledwe, busyu bupentedwe; kunyina cintu cili boobo muli coonse ca Ndilyo. Ta mukonzyi kujana ceeco mu Ijwi lya Leza. Mu jana mwana wakazulwa Muuya Uusalala, wakasalazigwa, waciyanza cakaindi, wakazyalwa ku Muuya wa Leza, kakwiila, koompolola, koongolola, kulumbaizya Leza.

<sup>134</sup> Oko nkuta sikwa kwakwe cakumaninina. Ta yandi Ceeco. Oh, peepe, munene! Peepe, nconzyo. Ncinzi nca cita mpawo? Aboobo uzyala kobile, nkamu yaba Jezebele, iipentedwe busyu, isama zigongolole, “bakaaze” bamusokwe, mbuli mbo babaita, Ndi yeeya kuti mbocibede. Mwabona? Ndi yeeya kuti baciita kuteeti bakaaze. Mwabona? “Amulange kaaze oyo kainka okuya,” balati, na cintucimwi mbuli ceeco, nywebo mulizi.

<sup>135</sup> Waa kazyalwa, na kukwatwa, kaswaangene ku mulumi wakwe mutaanzi, Adamu mutaanzi, kwiinda ku mukaintu simamambe, Eva, mukaintu mutaanzi iwa Adamu. Nywebo mwati, “Simamambe?” Mbwa kabede ncobeni. Pele, oh, waa kataminina kuti oyu Adamu, oyu Adamu mutaanzi, uli fwide. “Oh, masimpe, wa kafwa cindi cilamfu loko. Nda kazyalululwa, alubo,” waa kati, “alimwi ncobeni Ndi kwetwe kuli Adamu Wabili, Kristo, Ijwi.”

<sup>136</sup> Buti? Amubone eco ncayandisy. Amu langilile muyandwi wakwe, mu yanda kubona oyo ngwali mu luyando anguwe. I Ijwi lyaamba Ceeci, pele waa kati, “Mbungano yangu yaamba ceeci.” Mpawo nguni ngwali mu luyando awe? Nguni mulumi wakwe? Micelo yakwe ini ilatondezya oobo mbwa bede. Mbombubo ncobeni, tondezya obo mbwa bede. Amubone. Waa kazyalwa, lutaanzi, kuli Adamu, nkaambo oko nko kuzyalwa kwakwe kwabulenge. Mwabona? Elyo taakwe nakasiya ceeco. Oyo muyandi wainyika. Walo utaminina kuti uli zyedwe kwa ciindi cabili, kuli Kristo. Pele muyandwi wakwe, amubone, ngu Adamu, nekuba, nkaambo walo uyanda inyika.

<sup>137</sup> Elyo cintu cimbi—cimbi, amubone musyobo wa bana mbazyala. Eco cizibya wisi wabo mbwabede, naa ngu Adamu mutaanzi na Adamu Wabili. Ikuti na Mbungano yazyala mwana wa Adamu Wabili, uno lilemeka nzila ya Adamu Wabuli, mbuli mbo bakacita aa Buzuba bwa Pentekoste. Abo ncobeni mbana ba Adamu Wabili. Mwabona? Yaa. Bupange bwabo buli mbuli wisi a nyina. Iiyi, munene. Bana bakwe basimbi, ba masyu aapentedwe, masusu aageledwe, kaba sama zikobela zya baalumi, malukwe. I Bbaibbele lya kamwaambila, “kuta cicita.” Ula gela masusu akwe. “Alo mause kuli nguwe.”

Nywebo mwati, “Umuna, ali ceeco.”

<sup>138</sup> Mbo mbubo Ijwi mbo lyaamba. Ndi tondeka buyo ku bulenge. Eco nca cita.

<sup>139</sup> Bana bakwe balombe, bana bakwe balombe bakazyalwa kuli nguwe, bayaamina aa lwiiyo, kwiiya, cikolo cimwi ca Bbaibbele, mbo ciitwa, kkolegi imwi mpati eyo iyeeyelwa kuba ya ciindi loko, kaiba konkola, mu cipange cimwi caku kumbila. Basikuvwima zyatubungwe, bakombi mbuli Kaini, bamusokwe ncobeni ku Ijwi mbuli Kaini mbwakabede; yaa, bamusokwe ncobeni mbuli Kaini mbwakabede, masimpe, basikuvwima zyatubungwe. Nywebo mwabona mbocibede na?

<sup>140</sup> Leza taakwe naka bunganya kabunga. Ula kalwana lyoonse. Ijwi Lyakwe lila kalwana.

<sup>141</sup> Pele bala jatilila nkoonya kuli nkako, aboobo mwabona eco nco tuli mukuzyala. Eco citondezya bawisi a banyina mbo babede. Mbo mbubo. Mbo mbubo. Bamusokwe ncobeni mbuli Kaini mbwa kabede. Oyo ngo musyobo wa mwana ngwa kazyala kuzwa kuli Eva. Ba kazwa ku Ijwi, mpawo amubone eco nca kazyala. Mbo mbubo ncobeni eco mbungano ncoya zyala, cintu nciconya.

<sup>142</sup> Konzya kucitondezya kuli ndinywe, kwiinda ku Ijwi, kuti nko nkuko lwiiyo a lusumpuko nkolwa kazwa, kwiinda muli Kaini. Mbombubo ncobeni. Nkambo ba taminina... Pele ba—ba taminina kuba bana ba Leza, pele balo musyobo wa kabungwe, baka yiisigwa maningi ku kabungwe, zintuzyonse zimbi. Mbombubo ncobeni. Basimaanu, basongo! Ma! Mbubonya nzoka mboya kabede, wisi wabo. Yaa. Basimaanu ncobeni a bakambausi ba sayaansi mbuli Kaini mbwakabede. Mwabona? Calo ncintu nciconya ncobeni.

Nywebo mwati, “Mukwesu Branham, sa obo mbwini?”

<sup>143</sup> Amuvunune ku Matalikilo 4:16 a kulingula. Amu jokele ku Matalikilo 4:16, aniini buyo, muyo ziba nzila mbo cakacitika.

*Elyo Kaini wakaunka...kuzwa ku meso aa Mwami,  
akuyo kkala mu cisi ca Nodi, ku jwe lya Edeni.*

*Elyo Kaini wakaziba mukaintu wakwe; nkabela waa  
kamita, a kuzyala Enoki: alimwi wa kayaka munzi,  
a kwiita zina lya munzi, kutobel...mwana wakwe,  
Enoki.*

<sup>144</sup> Kuyabuya ansi kuli Tubal, kuyabuya ansi, nkambo baka talika, kaboola kuba basikwaanza ba zibelesyo, ziimbo, azimwi zimbi. Lusumpuko lwakasika kwiinda kuli Kaini, yaa, kuyaka minzi, zibelesyo. Bantu basayaansi bakasika kwiinda kuli Kaini, lunyungu lwa nzoka. Lino amubone kampango ka 25:

*Elyo Adamu waka swaanana a mukaintu wakwe  
alubo;*

<sup>145</sup> Lino, wa kamuziba lomwe nkabela waa kazyala bana bobilo. Amulingule Lugwalo. Waa kajisi Kaini a Abela. Mucito omwe, elyo bana bobilo. Nywebo mwati... .

<sup>146</sup> Ba ka ndaambila, kutali ciindi cilamfu cainda, kuti tii cakakonzya kuba, kucitika. Tuli jisi kaambo mu Hollywood. Hollywood? Tuli jisi kaambo mu Tucson ndyoonya lino, kabambidwe mu nkuta. Ii mwanakazi wakazyala mwana uusiya a mwana mukuwa, aa ciindi comwe. Ba amba kuti takonzyi kucicita. Ula konzya kuba a nyungu zyobilo zyamunzuka, akwalo. Bali kajisi ndyoonya lino mu nkuta. Ndi lizi kuti babwa bayo cicita. Banyama bayo cicita. Elyo wa kasika okuya, mwaalumi mukuwa wakati, "Ndiyo gwasilizya mwana wangu wini, pele kutali nguwe."

<sup>147</sup> Elyo mwanakazi waka lyaambilila. Waa kapona a mulumi wakwe cifumo eco, a muntu uusiya masikati ayo. "Ikuti na cili mukati," dokotela waamba kuti, "mu mwaakwe wa maora ali makumi obilo aone, ciyo citika ikuti na kuli nyungu imbi ijisi munzuka okuya." Elyo ngooyo waa kacicita.

<sup>148</sup> Elyo ncencico eco cakacitika awa. Kaini kuti... Saatani, cifumo eco, mu nzoka; alimwi Adamu, masikati ayo. Cindi naa... Elyo waa kajisi bana bobilo.

Lino, *Adamu waka swaanana a mukaintu wakwe alubo* (ciindi cabili); *nkabela waa kazyala mwana*,...

<sup>149</sup> Amuyeeye, kwina busena mu Bbaibbele bwa kaamba kuti Kaini wakali mwana wa Adamu. Kati, "Wa kali wa mubi oyo," kutali Adamu, "dyabulosi."

*...wakaziba wakwe* (ciindi cabili), *alimwi wakaziba*... alimwi wakaba a mwana, a kwiita zina lyakwe kuti Seti: *Nkambo Leza, waa kati, wandi pa...* (Olo teelwakali Lunyungu lwini)... *ndipa lunyungu lumbi mubusena bwa Adamu, walo Kaini ngwa kajaya.* Aboobo...

*Elyo kuli Seti, kuli nguwe akwalo kwaka zyalwa mwana; alimwi wa kamwiita zina lyakwe kuti Enosi: alimwi mpawo bantu bakatalika kwiitila ku zina lya MWAMI.*

<sup>150</sup> Kutali kuzwa kuliba Kaini, eyo nzyalani mukowa, pele kuzwa ku mukowa wa Seti.

Aboobo, "Kaini wakali wa mubi." Mpaawo kwakasika nzoka.

<sup>151</sup> Lino amubone. I Bbaibbele lilaamba antangalala awa, kuti, "Mulumi wakwe weelede kuti kafwide," kutali kulekwa buyo. We elede kuti kafwide.

<sup>152</sup> Nda kazwaa kumanizya kukambauka aa *Lukwatano A Kulekana*, alimwi nyoonse mulizi makani aceeco. Nse kanani lino, kumaninina, ku mbunga eyi awa, pele okuya ku cisi coonse. Mbo mbubo. Lino muyo bona eco caka citika okuya, mu *Lukwatano A Kulekana*. Cindi ci...?... I Zinamatizyo zili

Ciloba zyaka julwa, ezyo nizyaka yubununa Kasimpe keni ka ncico.

<sup>153</sup> Aboobo, ku kватва kuli Adamu Wabili, Kristo, Ijwi, weeledе kulyandaanya lwako kwiinda ku lufu, kuzwa ku mulumi wako mutaanzi wakabungwe, nkaambo takukwe umwi wabo oyo ukonzya kubweza lyoonse Ijwi lya Leza. Amu nditondezeyе buyo awo umwi mpabede. “Oh,” yebo watи, “wangu.” I mulombwana umwi waamba wakwe, awalo. Amu babikke antoomwe, nkabela muyo jana kuti nyobile muli lubide, mbo mwabeda buyo kabungwe. Amubale Ciybunuzyo 17. Aboobo, nywebo mwabona, weeledе kufwa kuzwa ku cintu eco.

<sup>154</sup> Lino, Nsi kanani ku mbunga eyi ya mubusena. Ndi kanana ku cisi coonse mbocizulwa. We elede kufwa ku mulumi wako mutaanzi. Ikuti na uli kamantene kuli Kristo alimwi ucikwetwe ku kabungwe, uli simamambi. Nduwe Laodikeya.

<sup>155</sup> Ii Mbungano ku cisi coonse, tu tobelа Jesu Kristo, Ijwi. Kuba muli Nabwinga, we elede kukwatwa alubo ku Ijwi lya Leza, lili ngu Kristo. “Ku matalikilo kwakali Ijwi; Ijwi lyakali a Leza, alimwi Ijwi wakali Leza. Elyo Ijwi lyakaba mu mubili wabantu a kukkanla akati kesu.”

<sup>156</sup> Kufumbwa kuti kojatilide ku kansiyansiya ka muntu ika tubungwe, yebo wiitwa kuti, mu Ijwi lya Leza, “ii simamambe.” Kufumbwa kuti koli sikuyandaula tunsiyansiya twakabungwe, kuzulilwa ku mbungano yakabungwe eyo ikaka Ijwi, nduwe “ii simamambe,” eco Bbaibbele ncolya kaamba.

<sup>157</sup> Jesu wakati, “To konzyi kubelekela baleza bobile ku ciindi comwe. Uyo sala kubelekela Leza na lubono.” Lubono ni “inyika.” “Oyo uyanda inyika, na zintu zya inyika, luyandisyo lwa Leza taluko amwalo muli nguwe.” I Lunyungu lwa Leza talu konzyi kuba muli nguwe ku ciindi comwe (luyandisyo lwa Leza) luyandisyo lwa inyika luli omuya. Cindi Lunyungu lwa Leza lwano beleka kwiinda muli nduwe, eelyo ndi Ijwi lya Leza. I luyandisyo lwa inyika talu konzyi kuba omuya ku ciindi comwe. Lino ali kuli masusu mafwaafwi, a zigonkolole, a masyu aapentedwe? Lino cili kuli?

<sup>158</sup> To konzyi kuba mubotu kuli Kristo, Ijwi lya Leza, a kubelekela kabungwe kakapangwa aabantu ku ciindi comwe. Ka liimpene ku Ijwi. Paulo wakaamba awa. “Mpaali?” Baroma 7.

<sup>159</sup> Akwalo tokonzyi kuzyala bana ba Leza, iba Ijwi Lyakwe, ku nkamu eyi ya musokwe iyakabungwe. To konzyi kucicita. Mu cikumbilo cako, tokonzyi kuzyala mwana wa Ijwi lya Leza. Ndi kanana ku mbungano. Pele nekubaboobo uci taminina kuba sibukombi maningi. Mbubonya Kaini mbwakabede, mwana wa Eva sibwaamu, sibukombi maningi, kayaka zipaililo a kutuula cipaizyo, a kupa kwakkumi kwakwe a kucita zintuzyonse ezyo kufumbwa muntu umbi sibukombi mbwanga wacita. Pele

wa kakakilwa kubamba Ijwi eelyo. Wa kakakilwa kuba a ciyubunuzyo.

<sup>160</sup> Elyo ciyubunuzyo nce cintu luzutu, ciyubunuzyo ca Ijwi. Ino i... Ino ciyubunuzyo niinzi? Jesu wakati, "Atala lya mwaala oyu Njo yaka Mbungano Yangu, nkabela milyango ya gehena tai Ka izundi." Lusyomo nciyubunuzyo; nkaambo Lusyomo lwa kayubununwa kuli nduwe.

<sup>161</sup> "Abela, ku lusyomo, wakatuula kwiinda ku ciyubunuzyo (lusyomo), wakatuula cituuzyo cibotu maningi kuli Leza kwiinda eco ca Kaini."

<sup>162</sup> Kaini wakayeeya kuti bakalya maapele. Ba cijisi muzeezo oyo, pele taakali ngawo. Akali mamambi, lunyungu lwa nzoka. Elyo mpaawo cindi Zinamatizyo zili Ciloba nizya kajulwa, zyaka citondezya a kucizibya. Bbuku lyangu lyakazwa eno ali njiyo. Ndi yeeya kuti tu jisi zyuulu awa lino. Mwabona? Amubone. Eco nca Malembe, kuzwa ku Matalikilo kusikaku Ciyubunuzyo.

<sup>163</sup> Ku ciindi cakumamanino, masamu obilo aboola ku lunyungu a kulitondezya eni. Mpaawa mpo tubede, eni sunu, Laodikeya a Nabwiinga, cantangalala buyo a kubota mbuli mbo cikonzya kuba mu Lugwalo, alimwi nkoonya kumbele lya meso anu. "To konzyi kubelekela Leza a lubono." To konzyi kuba Munakristo mubotu wa Bbaibbele uusyoma a kuli swaanganya mu makani aakabungwe. To konzyi buya kucicita ku ciindi comwe. Umwi weeledе kafwide, a kulekela umwi umbi kupona.

<sup>164</sup> Akwalo tokonzyi kuzyala mwana wa Ijwi lya Leza. Akwalo mbungano taikonzyi kuzyala. Ta bayandi umwi wabo, bana bakwiila, koongolola, kwaambaula mu myaambo, a zintu zyoонse. Ba, to konzyi kucita ceeco mu mbungano yakabungwe. Taba kaku tambuli. Taba baleti boobo. Bala babweza a kusukana maanza abo a kwaamba kuti, "Ikuti na wasyoma, wa Uta mbula. Kufumbwa kuti wabikka zina lyako mu bbuku, nku koonse nkoelede kucita." Mwabona? Balo—balo mbana bamusyokwe ku Ijwi, bacitaminina kuba bakombi.

<sup>165</sup> Aboobo, kamita ku busongo aluzibo lwa Saatani, mbungano mbo yaba! Ba tumina bantu babo ku cikolo, kuyo iya mbo kwaambwa "ameni" kabotu buya. Bala bayiisya nzila ya kwaamba eci coonse, akuba basibupampu maningi. Ino ncinzi? Nkumita kuzwa kuli dyabulosi. Ino Saatani wakamisyа Eva kubelesya nzi? Ku tasyoma Ijwi, kuba basibupampu, bacenjede, a kunyonganya bulenge mbobuzulwa. Mbombubo ncobeni eco nca cita mu Ijwi sunu, mbungano. Yali mitya zikolo zya Bbaibbele a makkolegi, a zintu mbuli zeezyo, kubala, kulemba, nombolo, alimwi bazi buyo Leza kwiinda muna Hottentoti mbwanga waziba makani busiku bwamu Egepita. Ba lizi tuyanza twabo toonse twa buzumini, mabbuku abo amipailo, a zintuzyonse zimbi, pele tabazi cintu kujatikizya Leza.

<sup>166</sup> Bala ziba cindi Ijwi lyasimpikizigwa, cindi Leza avviila okuya a kwaabaula Ijwi Lyakwe ku nzyalani aimwi mbuli mbo ziboola kumbele. Mpaawa Nowa wakasika, alimwi wa kakambaukila nzyalani eyo.

<sup>167</sup> Lino, ino kuti Musa naka boola, akuti, “Atu yake bwaato”? Na kazwa mu bweende. Pele wa kali musinsimi. Wa kajisi ciyubunuzyo ca Leza.

<sup>168</sup> Leza waka cisimpikizya kuba Bwini. Wa kaleta bana, gusya Israyeli, a kutondezya Musumpululu wa Mulilo kunembo lyabo, a kusimpikizya musinsimi; a kwamba mbubonya eco Nca kali kuyoocita, nkabela Wa kacicita.

<sup>169</sup> Ba kati, “Muta lekeli Leza kukanana. Amulekele Musa kukanana, kutegwa tu tafwi.”

<sup>170</sup> Wa kati, “Nse kakanani kuli mbabo mbuli boobo, pele Njo babusizya basinsimi, nkabela bayo kanana.”

<sup>171</sup> Mpaawo kwakaima Isaya nji awo, kati, “Ii nakalindu uyo mita.” Li mutu mbuli nguwe mu buzuba cindi... Mbobuti nakalindu mbwayo mita? “Kuli ndiswe Mwanamulombe wazyalwa: Mwana wazyalwa, Mwanamulombe wapegwa. Zina Lyakwe liyo tegwa, ‘Sinkuta, Mweendelezi wa Luumuno, Leza Singuzu, Taata Uteeli.’ Atala lya cuuno ca wisi Wakwe, Davida, Uyo lela. Takukabi mamanino ku Bwami Bwakwe.” Mbobuti mbo ciya kuba? Ta kazi pe. Wa kaamba buyo eco Leza nea kaamba. Cila indilila ku kweezeezya kuli koonse, kubupampu. Cila indilila ku kubbutukizya kuli koonse kwa sayaansi. Ndi Ijwi lya Leza.

<sup>172</sup> Lino tula yiisyia basicikolo besu bamu maseminari mu misyobo yoonse ya lwiyo lwabukombi lwa Bbaibble a zintu mbuli zeezyo, lwiyo lwabukombi lwakaanzwa aabantu, ijisi cikama ca mbungano mbubonya buyo mbuli Laodikeya, mbuli Leza mbwa kaamba kuti ciyooba. Oh, ma! Cindi Nda langa ali ceeco, elyo cindibamba kubimba. Kamita ku mizeezo yabupampu! We elede kuba sikumanizya kwiya wakazwa ku cikolo cipati kotana konzya akwalo kunjila. We elede kuba... uyandikana kwiima kunembo lya musilisi uulanganya zyakuyeyea kotana konzya kunanikwa.

<sup>173</sup> Sa inga mwayeyela Petro, Jakobo, a Johane kuunka kunembo lya silwiyo lwa kulilemeka kwa miyeeyo? Amuyeeye abo bali mwaanda a makumi obilo kutala okuya, teebakali kukonzya akwalo kusaina mazina abo eni? Kwiima kunembo lya musilisi uulanganya zyakuyeyea, kubona kuti na ba... kuti na koonse kwabo... ikuti na kuputa kwabo kulicitikila kwakali kabotu buya, a zimwi zimbi? Ba kajisi kuputa kulicitikila, pele tee waali muzeezo wa bupampu na kubbutukizya kwa sayaansi. Kwakali kwiinda ku nguzu zya Leza. Cindi Ni wakabauma, taakwe ncoba kaziba cita kucita eco Muuya Uusalala ncowa kaamba kucita. Teeba kabikkila maanu ku bupampu buli

boonse, eco mbungano ncoya kaamba, a ceeeo bapaizi ncoba kaamba, eco *oyu* ncakaamba, *oyo* ncakaamba. Ba keenzegwa ku Muuya; bantu batayoowi.

<sup>174</sup> Johane Mutaanzi 2:15, Wa kati, "Ikuti na tuyanda inyika, na zintu zya inyika, luyandisyo lwa Leza taluko amwalo muli ndinywe." Mwabona? Aboobo mbobuti mbo konzya kumisigwa ku Ijwi lya Leza eelyo litapatila inyika, litapatila Hollywood, litapatila bupange bwampuwo bwayo boonse, litapatila zipobwe ezi zyoonse, a kulilemeka bumwi, a kutegwa bali jisi mu zina lya bukombi? Lila citapatila. Mbobuti Ijwi mbo likonzya kumisya muntu: mbobuti mwanakazi uugeledwe masusu, uupentedwe busyu, usama zigonkolole?

<sup>175</sup> Mbobuti mukambausi mbwakonzya, kuunka awa ku seminari, nkabela walanga Incito 2:38 a kubona kuti takwe muntu mu Bbaibbele wakasola kubbizigwa mu mabande ayo, alimwi mpawo kacaamba kuti wa kamita ku Ijwi lya Leza? Walo umwaambilila bubeji! Wa kasambala bupati bwakwe bwakuzyalwa. Wa kacita mamambe kukulwana ncoonya Cintu eco nca kaamba. Wa kaledka, mu kulekana.

Leza uyooba a Mbungano mbotu, mbubonya buyo, Nabwiinga.

<sup>176</sup> Bbaibbele lyakati, "I Ijwi talili muli nduwe." Aboobo musyobonzi wa bana mbozyala? Basitubungwe bakamita. Kwakanyina lufu lwaka kwandaanya kuzwa ku tuyandwi wako mutaanzi.

<sup>177</sup> "Ino bana Jose bayo yeeya nzi ikuti na Nda katalika kulila a kwaambaula mu mwaambo? Ino bayo yeeya nzi ikuti na Nda bbizigwa alimwi?" Ino mbufuba! Sa ukwetwe kuli bana Jose? Na, sa ukwetwe ku mbungano? Na, sa ukwetwe kuli Kristo, Ijwi?

<sup>178</sup> Lino, ako nkekaambo nca cizyala bana bakwe. Ino musyobo nzi wa bana mba jisi? Ngaaya amwi mazina abo ngo baita sunu: bakaaze, babeato, monista, ba Ricky, Rickettasi. Bakaaze, babeatos, ayo mamembala aa mbungano. Masimpe. Boonse mbanan bakwe, ban aba Kaini, bali mbanan ba cinyama camaanu, cabulome mbuli mbo bakonzya kuba.

<sup>179</sup> Lino amubweze kulanga kubotu aniini, kubelesya kukubona kwanu kwini kwa kumuuya, ku buntu bwanu. Amulange buyo koonse. Ndi kanana ku cisi coonse lino. Amulange kwa maminiti buyo masyoonto, nomuli okuya mu Branham Tabernacle, nywebo mu zikombelo ku Nkomwe ya Kumbo, a Arizona, a koonse nko mubede. Kolilanga lwako kwa maminiti masyoonto. Yebo wati, "Oyo Mulumbe ngo kambauka, Mukwesu Branham, ulilubide." Kolilanga omwini aniini. Lekela Muuya Uusalala ulingaule miyeyeo yako kubelesya Ijwi, uyo zuminana a Mulumbe. Lekela Kristo, Ijwi linanikidwe, lilingaula manjezeezya ako eni. Ko Mu lekela anjile muli nduwe,

kubona ikuti na Eco cililuleme na pe. Elyo ncimwi buyo comwe na zintu zyobilo Nze amba, cindi kwanooli myaanda ya mbabo.

<sup>180</sup> Sena Bbaibbele lilazuminana a mwanakazi kugela masusu akwe? [I mbunga yaamba, “Peepe”—Mul.] Sena Bbaibbele lilasyoma, zuminana a otatwe, lubbizyo mu zina lya “Taata, Mwana, Muuya Uusalala”? [“Peepe.”] Peepe cintu cili boobo. Sena Bbaibbele lilazuminana a mwanakazi kusama zikobela zya baalumi? [“Peepe.”] Ee, amubweze buyo zyotatwe okuya, kakuli kuli myaanda ya zinji. Amu cilingule mu Mumuni wa Ijwi lya Leza.

<sup>181</sup> Yebo wati, “Ndili cizo ca mbungano.” Mbubonya Kaini mbwakabede. Mbubonya Eva mbwakabede. I Bbaibbele lilaamba kumbele, mu mazuba akumamanino, kuti Laodikeya iyooba mbubonya.

<sup>182</sup> Lekela Muuya Uusalala ulingule manjezeeza aka, nkabela uyo zuminana a Daniele 5:12, cindi namalelo nakasika kunembo lya Belsazara, a kuti waa kajana kuteeti kwakali musinsimi, Daniele, wakali akati kabo, alimwi wa kali sikuzimaazya kuzumbauzya. Kolekela Muuya Uusalala, Walo Musinsimi wa buzuba, ko Mu lekela anjile mu moyo wako ndyoonya lino a kulangalanga kubelesya Ijwi lya Leza, a kuzumbauzya kujatikizya Mulumbe kuyo zimaazigwa. Ula zimaazya kuzumbauzya koonse. Ko lingula, kuli mbubonya ku Ijwi lya buzuba obuno.

<sup>183</sup> To konzyi kukambauka mulumbe wa Luther sunu. Ula njila muli Ndilyo, pele ayo matende. Uh huh. Uh huh. Konzyi kukambauka Wesley. Konzyi kukambauka Pentekoste. Twa kaindilila kule kuli ceeco. Ba kaba kabungwe a kufwa. Balo ncikuba.

<sup>184</sup> I cikuba cakayutuka a tuvwu, eco nce ciimo citaanzi ca mbungano. Lino, eyo tai boneki mbuli inseke ntaanzi eyo yakanjila mu bulongo, whiiti.

<sup>185</sup> I yabili yakayutuka ngu poleni. Eyo nekuba tai boneki mbuli inseke. Boneka mbuli njiyo loko. Ila boola maningi mu cinkozoya ca inseke ini. Pele tuvwu masimpe tali boneki mbuli inseke eyo yakanjila mu bulongo. Nciyumuzyo ca buumi obo bwakali mu inseke. Pele ino cakacita nzi? Ca kaba kabungwe, mbubonya mbuli bulenge boonse bumbi mbo bweeleta a ncico. Ya kafwa.

<sup>186</sup> Mpawo ninzi? I buumi bwaka njila moonya mu ngalala. Ili jisi toonse tukoto tuniini—tuniini katu lengelela ali njiyo, boneka mbuli inseke ziniini—ziniini muli njiyo. Boneka mbuli kuti inseke ini, pele taili njiyo.

<sup>187</sup> Mpawo ilokela mu cikwa. Elyo ino izyala nzi? Ii cikwa.

<sup>188</sup> Lino, amubweze inseke ya whiiti, cindi whiiti yalibonya kusaanguna. Elyo Jesu wakati, “Ii bulotwe bwa whiiti...” Elyo amubweze whiiti eyo a kwijijula. Amwi isomone kuzwa ku cisiko. Amu cilange. Nywebo mwati, “Tu jisi inseke ya whiiti.” Amu

cenjele. Ili mbubonya buyo mbuli inseke, pele kwiina inseke noiceya muli njiyo. Calo ncikwa.

<sup>189</sup> Mbaabo bana Pentekoste, "Kunji loko," mbuli Matayo 24:24 yakati, "bayo cenga Basale mbabonya mu mazuba akumamanino, ikuti na cakali kukonzeka." Pele amu somone tuvu a tuvu, tamu jisi inseke. I inseke ili kusule loko kwa njiyo. Mwabona?

<sup>190</sup> Elyo mpawo Buumi bulazwa mu kabungwe ako, bunjila mu inseke. Mpawo ncinzi cicitika? Cindi inseke ya talika kukomena, a kukomenesya kutegwa Ivu mbe cintucimwi, kabungwe kala somoka kuli Ndilyo. Nkaambonzi ta tujisi kabungwe kuzwa kuli Ceeci? Ta tukabi pe. Yalo ni inseke. Ta ikonzyi kuyaambele. Tuli ku ciindi camamanino. Aboobo ncinzi Neo elede kucita lino? Kulala mu Buusyu bwa Mwana, kuti ibizwe, obo mbombubo, Ijwi lyeelede kubizwa mu moyo wako, kuti lizyale a kupona ceeco nco twaambaula. Iiyi, munene.

<sup>191</sup> Mpawo to cikabi a kuzumbauzya kumbi, ikuti na walekela Muuya Uusalala ku Li yubununa kuli nduwe, mbuli namalelo mbwa kaamba kujatikizya Daniele.

<sup>192</sup> Inga mwati, "Ino oku koonse kula kucitanzi a kupa kulumba? Ino waambaula nzi, Mukwesu Branham? Nceeci mbocibede, kkota kusika ku naini. Taakwe neoamba kujatikizya kupa kulumba." Ino Mulumbe wa ciindi cisale, kuli ndime! Iiyi, nconzyo.

<sup>193</sup> I bamatata bamuzwamasi bakalumba maningi ku nzila yabo mpya yaka janwa iya buumi. Mukuba ba kaandanisigwa kuzwa ku tubungwe twakaindi twa Chikuwa a kayanza kabuzumini, bakali kukonzya kukwatwa ku Ijwi lipya lyakananikidwe lya bukkalo bwabo; mbo mbubo, Ijwi lipya lyakananikidwe lya bukkalo bwabo, lya buzuba bwabo.

<sup>194</sup> Aboobo tula konzya kulumba, mbuli bamuzwamasi, mbuli Abrahamu, kalyandaanya lwesu kuzwa ku zintu zya inyika, zyonse zya balongwe besu. Abrahamu wakali muzwamasi. Leza waka twandaanya kuzwa ku bukombi boonse bufwide. Ndi kanana ku cisi coonse lino, tuyanza toonse tufwide twa buzumini. Elyo kunzi? Ka twaandaanya, a ku tujulila nyika mpya, Mulumbe mupya wa buzuba obuno.

<sup>195</sup> Pentekoste yaka yuminina a kufwa, mbuli Luther, Wesley, a bamwi bambi. Calo ncikama buyo ca mambungano cilundikidwe antoomwe. Bantu babotu omuya, nekubaboo, beeledge kuzwa.

<sup>196</sup> Ncinzi Nca kacita? Wa kajula Zinamatizyo zili Ciloba zya Mulumbe wamamanino. Nywebo mwabona na? I Zinamatizyo zili Ciloba, zili, maseseke oonse aa makkalo aa mbungano ali ciloba akanamatikwa a Zinamatizyo zili Ciloba. I basilubambululo tiiba kajisi ciindi caku cicita mu mazuba abo. Tiiba kapona kwaciindi cilamfu. Pele eci ciyubunuzyo cilelekedwe ca Zinamatizyo zili Ciloba, ca tujulila mu mazuba

aya aku mamanino, kuzwa ku cisinsime eco caka yutukila ku Arizona.

<sup>197</sup> Obo Mbwe kabuzya Leza, buzuba bumwi, “Ino Yebo ucita nzi andime okuno mu lukula olu?”

<sup>198</sup> Sena mwakalizi kuti Musa wakalemba Cizuminano Cipy...na Cizuminano Cakale? Masimpe wakacita. Mabbuku one mataanzni apa milao ya zintuzyonse: Matalikilo, Kulonga, Levitikasi, a Deutronomo. Wa kalemba Cizuminano Cakale. Ku cita ceeco, wa kacita kusiya balongwe bakwe boonse a bayandwa, a kuunka mu lukula.

<sup>199</sup> Paulo wakalemba Cizuminano Cipy. Mbo mbubo. Wa kalemba Baroma, alimwi Baroma a coonse cimwi ca Ndilyo okuya, Bahebrayo a Timoteo, aamwi ambi. Elyo kucita ceeco, wa kacita ku lyandaanya mwini, a kuunka kumusanza mu Arabiya, mu lukula, kwa myaka yotatwe, kuyo jana ciyubunuzyo ca Leza.

<sup>200</sup> “Oh,” nywebo mwati, “mbuti kujatikizya Matayo, Marko, Luka, a Johane?” Ba kali balembi abo bakalemba buyo eco Jesu nca kacita.

<sup>201</sup> Paulo wakandaanya a kubikka Ijwi antoomwe. Mbo mbubo. Ee, mpawo, amulange, ikuti na cakatola ceeco, alimwi kacita kuunka mu lukula, kulaale kuzwa ku bayandwa babo...

<sup>202</sup> Amuyeeye ino, *Ino Calo Nciindi Nzi, Munene?* Mbangaye bakasola kuumvwa? Amwaambe, “Ameni.” [Mbunga yaamba, “Ameni.”—Mul.] Sa cakali luleme ncobeni? [“Ameni.”] Mpawo tuli jisi ciyubunuzyo mu mazuba aya akumamanino, ca Mulumbe wa Mwami Leza caku bungika Nabwiinga Wakwe antoomwe. Taakwe bukkalo bumbi mocaka syomezegwa. Ca kasyomezegwa mu bukkalo obu: Malaki 4, Luka 17:30, Musalali Johane 14:12, Joel 2:38. Ezyo zisyomezyo zili mbubonya buyo Johane Mubapatizi mbwa kalizibya mwini mu Lugwalo.

<sup>203</sup> Jesu wakalizibya Mwini. Ncinzi ncoba kaamba? “Azwe muntu uli booboo!” “Johane wakali sigani.” I mbungano tiiya kakonzya kucitambula pe. Obo mbo bweende. Ayalo mbungano tai kacitambuli sunu.

<sup>204</sup> Pele, ku Basale, Leza uli mukwiitila Basale. Ba licizyi: kwiita Nabwiinga mubotu, Ijwi, Mbungano yabuzuba bwamamanino, Mulindu musale wa Mwami wesu Jesu Kristo, Ijwi. Ikuti... Jesu ndi Ijwi. Mbangaye basyoma booboo? [Mbunga yaamba, “Ameni.”—Mul.] Yaa. Mpawo, Nabwiinga lyoonse ncibeela ca Simusa, aboobo Nabwiinga takabi kabungwe. Uyo elela kuba Ijwi, lyakatondezegwa, kuba Nabwiinga wa Kristo. Wa kasyomezya kucicita. Wa kaamba nzila Mbwa kacicita. Ta belesyi...sweekelwi bweende Bwakwe. Wa kacicita lyoonse kubelesya bweende. Wa kacicita, ciindi coonse, kwiinda ku bweende. Ula cicita alubo, kwiita Nabwiinga Wakwe mubotu mu buzuba bwamamanino, Rabeka mubotu kalindila Isaka Wakwe. Ino nciindi ceebesi!

<sup>205</sup> Mpaawa cacileta mu kubonekela, mabbuku obilo ayooba maseseke kuli ndinywe cindi mwabala bbuku lya *I Makkalo Aambungano Aali Ciloba*. I mabbuku obilo: Bbuku lya Buumi, kati, umwi waamba cuti inga wabikka zina lyako, tokazwi pe; aumwi umbi ulati wagusya zina lyakwe ku Bbuku lya Buumi. Eci cicileta mu kubonekela kulondokede, mpoonya awa. Ndiyo ima maminiti masyoonto, ndiza, a bulembu buniini awa, a kujata eci katutana jala.

<sup>206</sup> Buumi ncintu cisetekene, kuli Leza, alimwi kuli lembedwe mu bbuku. Leza ngo Mukamwini wa bumi. Sena mula syoma obo? [Mbunga yaamba, “Ameni.”—Mul.]

<sup>207</sup> Buumi bwesu bwakunyama awa, mbo tujisi, ndupilingano buyo. Bweelede kuba buumi bwini bululeme, kuzwa kumatalikilo, pele bwaka pilinganisigwa kwiinda kukuzyalwa kwakunyama. I buumi butaanzi, na lukamantano lwako lutaanzi, waka swaanganisigwa mu kuzyalwa, kwiinda ku bulenge, mucito wakunyama. Ii muntunsi wakunyama mukuba uswaangene, mwaalumi a mwanakazi antoomwe, kaswaangene antoomwe mu makani aankwela, oko kwaleta buumi bwako butaanzi awa, a boobo buswaangene a cibi alufu. Mbobuti mbo mukonzya kwiimpya kubona lunyungu lwa nzoka?

<sup>208</sup> Cindi mwabona mwanakazi, cipangulule; taakwe muzyazi umbi mbuli nguwe; kabambwa mu bupange obo, mukuziba cuti waa kali kukonzya kucengwa. Leza wakalizi. Ikuti na Ta kazi mamanino kuzwa ku matalikilo, nkokuti Ta kali Leza pe. Ikuti na Tali mupatikampatila, ikuti na Tali obo, ikuti na... Ta konzyi kuba mupatikampatila kakutakwe kuba uuzizyonse, uulikokonse, mukuziba zintu zyoonse, Uutamani. Aboobo Walo ulizi zintu zyoonse, alimwi Wa kayandika kupanga mwanakazi oyo.

<sup>209</sup> I mwaalumi taa kajisi mukaintu. I mukaintu a mwaalumi bakali cintu comwe. Wa kajisi muuya wa bwanakazi a bwaalumi muli nguwe.

<sup>210</sup> Wa kacita kwandaanya, kabweza cipangulule, kumane kulenga bulenge boonse. Taakwe muzyazi wakalengwa aa Leza, mu bulenge butaanzi, ukonzya kucita cintu mbuli ceeco. Waa kapangwa boobo, ku cicita. Wa kalizi cuti uyo cicita. Ikuti na Ta kazi, Ta kali Leza pe.

<sup>211</sup> Pele, mwabona, bube obo bwakali muli Leza bwa keelede ku tondezegwa. Wa—Wa kali Mufutuli. Elyo ku kubamba zintuzyonse kulondoka, nzila Mbwa kacicita, mpawo nikwaa takonzya kuba cintu cakasweeka. Oh, mutabi bana. Amube baalumi a banakazi. Tuli ku mugwagwa wamamanino. Amubone.

<sup>212</sup> Lino, bwakali bulenge, bwaka swaangene a lufu. Mulumi wako mutaanzi, oyo waka kweendelezya, bwakali bulenge bwako ku kuzyalwa kwakunyama. Kwakunyama, ula yandisyia

inyika nkaambo uli wa inyika, a cibeela ca inyika. Mbombubo na? [Mbunga yaamba, “Ameni.”—Mul.] Kuyandisya kwako kwakali, kwa bulenge, ku kuyanda inyika nkoli cibeela cayo. Uli cibeela ca bulenge. Mula syoma obo? [“Ameni.”] Elyo eco ncintu cako cakunyama.

<sup>213</sup> Ako nke kaambo ncoelede kuzyalululwa. We elede kwandaana; we elede kufwa ku mulumi oyo mutaanzi. To konzyi kupona a ncico. To konzyi kwaamba buyo kuti, “Ee, Njo muleka, akujana kumu yaamika ambali awa mane kukucitika kusale.” Peepe, munene. Taakwe lugwalo lwa cilekanino! Ula fwa. I bulenge bwa inyika bweelede kufwa. Kabbeela koonse kakwe keelede kufwa. We elede kukamantanisigwa lwabili, alubo, a Bulenge bumbi.

<sup>214</sup> Zina lyako lyakali bulenge bwako butaanzi, bwa kazyalwa, a kubikkwa mu bbuku lya buumi. Alimwi micito yako yoonse yakalembwa muli ndilyo, ayalo. Zintuzyonse nzo kacita kunsi lya bulenge obo zya kabikkwa mu bbuku, litegwa bbuku lya buumi.

<sup>215</sup> Nywebo mwabona, muli Daniele, cindi na kasika kuli “Sinsiku wa Mazuba, Oyo wa masusu akali kutuba mbuli boyaa bwambelele. Bali zyuulu zili kkumi taimuzi zyuulu zili kkumi bakasika a Nguwe, ku kukutauka kuli Nguwe; i—i Nabwiinga. Elyo mpawo mabbuku aka julwa.” “Elyo Bbuku limbi lyaka julwa, ilyakali Bbuku lya Buumi.” Mwabona? Mbaabo basalali baliko kale okuya, Mbungano, Nabwiinga. “Limbii Bbuku lyaka julwa, ilyakali Bbuku lya Buumi.”

<sup>216</sup> Lino, yebo, pele cindi noka andaanisigwa kuzwa ku lukamantano olo, kwiinda ku lufu lwa kumuuya: Kuyandisya kwako kwakunyama nkwa kugela masusu ako. Kuyandisya kwako kwa kunyaama nkwa kusama zigonkolole, kupenta busyu bwako. Kuyandisya kwako kwakunyama nkuba muntu musongo, sibupampu, kuziba cintucimwi kabotu kwiinda umbi. Nce ncico Eva neakali kuyanda. Eco ncicintu neiconya neakali kuyanda.

<sup>217</sup> “Ee, wati! Yebo omuniini wakobilo, mukambausi wakobilo a kone, inga waimikila awo a ku ndaambila na? Ndi jisi Ph.D., LL.” Ezyo zikubamba buyo kutantamuka maningi kuzwa kuli Leza, ciindi acimwi wayungizya cintu comwe. Mwabona? Mwabona? Mbo mbubo. Obo mbwini. Mwabona?

<sup>218</sup> Nce ncico Eva nca kabweza. Waa kamisigwa ku musyobo oyo wa kumita. Mbo mbubo mbungano mboibede sunu, kwiinda ku zikolo zya Mabbabele a basibupampu. Elyo, amulange, umwi aumwi tazuminani a umbi, kunyongana kupati mbubonya buyo eco Bbaibbele ncolya kaamba kuti, “Babuloni.”

<sup>219</sup> I Nabwiinga ulizi awo Mpai mvwi. Walo uli mubusyoonto. Takukabi banji bayo futulwa; basyoonto buyo, maningi, maningi maningi. Nywebo mwati, “Ee, okuya, kati, ‘zyuulu.’” Iiyi. Pele

ba kalibonya kwiinda mu myaka ili zyuulu zyobilo, abalo, ku bukkalo abumwi oko Nko lyakazwa. Lyoonse . . .

<sup>220</sup> Bukkalo bwa Luther a nkamu eyo; alimwi mpawo yakafwa doo, nkabela ba kaunka, kaba kabungwe; mpawo Wesley; elyo mpawo kwakasika ba pentekoste, abamwi bambi. Elyo yoonse mitabi yakazwa iya Baptisti, Presbyteria, Methodisti, ba Nazareni, Pligrimu Holinesi, abamwi bambi, mwabona, yoonse eyo mitabi kuzwa okuya mbuli tuvu.

<sup>221</sup> Pele, mula yeeya, cindi niya kavukilwa, elyo inseke yaka talika kusima, eyo njo jana, inseke eyo kiitana konzya kubizwa, zintuzyonse mu cisiko eco zyeelede kufwa. Aleluya! Sa tamu konzyi kubona awo mpo twiimvwi? Buumi buli mu inseke alubo. Ino ncinzi? Mbubonya mbuli inseke njionya yakainka mu bulongo, nguwenya Jesu mu ciwa ca Nabwiinga, nguzu nzyoonya, Mbungano njionya, cintu nciconya, Ijwi ndilyonya. I Ijwi ndilyonya lyaka nyonka kwinda muli zeezi a kulibonya awa, a kuboola ku mutwe awa. Elyo obo Buumi boonse bwa kainda awa, bwakabweza bantu balyo. Lino yalibunga kuba mutwe, wa Kukwempwa. Kukanana ali ceeco masiku juunza, na masiku atobela, bumwi, Mwami nawayanda.

<sup>222</sup> Ee, wa kaandaana kuzwa ku lukamantano lwako lutaanzi, kwiinda ku lufu lwa kumuuya. Lino wa kazyalululwa, na kukwatululwa alubo, ku lukamantano lupya lwa kumuuya; lutali lwa buumi bwa kunyama bwako ibwa zintu zya inyika, pele zya Buumi Butamani. Eyo mbuto yakali muli nduwe ku matalikilo, yaka kujana.

<sup>223</sup> Lino, bbuku lyako lyakale lyamana, a lukamantano lwako lwakaindi. Lino, zina lyako muli lyako lyakaindi, muli lyako . . . lyaka lonzegwa. Lino, yebo wati, "Sena undaambila kuti bbuku lyangu lyakaindi . . ." Leza waka libikka mu Lwizi Lwakwe lwa Kuluba. Ula ima kunembo lya Leza cakulondoka.

<sup>224</sup> Lino, zina lyako eno lili mu Bbuku lipya; kutali bbuku lya buumi, pele Bbuku lya Buumi ilya Mwanaambelele, abo Mwanaambelele mba kanununa. Kutali bbuku lyakaindi lya lukamantano lwako lwakunyama, pele wako mupya, Nabwiinga. Aleluya! Buumi bwako bupya buli mu Bbuku lya Buumi ilya Mwanaambelele, satifiketi yako ya lukwatano, aleluya, oko mbuto yako ini Iitamani, kuzwa ku matalikilo, ya jata. Lino to jatilwi biyo, pele wa lulamikwa. Bulemu! "Lulamikwa," Baroma 5:1 ya kaamba. Inzya. Baroma 5:1 kati, "Nkikaako muku lulamikwa ku lusyomo."

<sup>225</sup> Amu lingaule bbala. I bbala ta lyaambi "kujatilwa." I bbala lyaamba ku "lulamikwa." Ta lyaambi kuti walekelelwa.

<sup>226</sup> Kupa mukozyanyo, mwakamvwa kuti Nda kakolwa a—a kucita zintu zimwi zibi, a zintuzyonse. Mpawo mwa kaboola kubusena, ku ndaambila. Mwa kajana kuti Nse kazicita, mpawo mwa kaboola kubusena, kwaamba, "Mukwesu Branham, Nda

kulekelela.” Wandi lekelela? Nse kacicita pe, kucibaka citaanzi. Mwabona?

<sup>227</sup> Lino, ikuti na Nda kacicita, Ndi jisi mulandu. Pele inga wandi lekelela, elyo inga Nse ba a mulandu. Pele nekubaboobo Nse lulamikidwe, nkaambo Nda kacicita ncobeni.

<sup>228</sup> Pele bbala, *kululamikwa*, cili mbuli kuti to kacicita. Ameni. Ta cilanganisigwi akwalo, pe. Mbobuti mbo cicitwa? Mu Bbuku lya Leza ilya Lwizi lwa Kuluba, bbuku lyako lyakale a lukwatano lwa kamwaigwa a kufwa, alimwi talumo akwalo mu ziibalusyo zya Leza. Ameni. Wa kululamikwa. “Nkikaako mukuba bakalulamikwa.” Kwa katamikizigwa. Wa katamikizigwa. Taakwe no kacicita pe, mucibaka citaanzi. I lukamantano lwakaindi luli mu Lwizi lwa Leza lwa Kuluba. To kakwetwe kuli ncico, kuzwa kumatalikilo. Walo, Simusa, wakayumuna mause ako, Mwini, nkambo ka nduwe, mu busena bwako. Wa kabweza busena bwako, nkambo wa kakanzilwa Nguwe, kuba muli Nabwiinga Wakwe, kuzwa kumalengelo aa inyika. I Bbaibbele lya kaamba booboo. Uli Mbuto yakakanzwa.

<sup>229</sup> Mbobuti mbo kasika kuli ceeći? Wa kacengwa ku cinjila kwiinda ku lukwatano lwako lutaanzi, ku muzyali wako simamambe, Eva. Tabuli bubi bwako pe. Kwiinda kukuzyalwa kwako kwakunyama, wa kasika kuba mbuli Eva, oyo wakacita mamambe. Ako nke kaambo wakazyalwa koli simamambe. Nduwe sizibi, kuzwa kumatalikilo. Mbo mbubo. Wa kacengwa ku cinjila. To kajisi... Peepe, yebo, ta buli bubi bwako.

<sup>230</sup> To kacicita pe. Nkaambo, eyo mbuto niini yakali muli nduwe, ya keelede kuba nduwe, kuzwa kumalengelo aa inyika. Leza wakabikka zina lyako mu Bbuku lya Buumi ilya Mwanaambelele.

<sup>231</sup> Mbuli kaano kangu kaniini ka sikwaze, nyoonse mwa kakamvwa. Ii nkukunseke... Mulimi mudaala wakabikka ii—ii nkukunseke, ciindi cimwi. Aboobo ta kajisi nkukunseke zinji abusena... maji kukumbwa ku nkukunseke. Aboobo mpawo wa kajana iji lya sikwaze, nkabela ba kali kumbya kuli njiiyo. Cindi sikwaze na kazyalwa, yakalinkuku igambya maningi zyalo nkuku nzoya kasola kubona, sikwaze muniini mupati kayabuya. Elyo nkukunseke yakali kunga iyabuya kuti, “Klaki, klaki, klaki, klaki.”

<sup>232</sup> Sikwaze muniini wakati, “Ta ndizi cintu obo mbo cili mvwisyä, pele Ndi tobela nguwe, nekuba.”

<sup>233</sup> Elyo zya kazwa mu lubuwa lwa mpulazi a kutilika kuyanga cilwi ca buloko. Elyo waa kati, “Klaki, klaki, klaki. Eci ncibotu. Eci ncibotu. Ko sangana kesu. Elyo eci ncintu...”

<sup>234</sup> Oyo sikwaze muniini mupati, ta kakonzya kulya zintu ezyo. Mwabona? Wa buyo—wa keenda buyo antoomwe a nkuku nkaambo ta kazi. Ta kazi cakucita. Elyo mpawo waa kaunka okuya, alimwi waa kali kunga wa bweza *eci* na *eco*. Elyo sikwaze

muniini buyo . . . wa ka cilya buyo, pele ta—ta kazi nzila yakucita. Pele wa kali bwene nkuku zyoonse kazi cicita, pele nceeco cintucimwi caandeene. Ta kacibotelwa eco.

<sup>235</sup> Aboobo, buzuba bumwi, nyina wakalizi kuti wa katulide mayi obilo. Aboobo waa katalika kuvwima eelyo lyomwe, kauluka koonse, kayandaula, mbuli Muuya Uusalala mulemu. Buzuba bumwi wa kaulukila aatala lya lubuwa lwa mpulazi, kabungwe ako. Waa kalanga ansi awo, nkabela wakabona mwana wakwe. Waa kakwiila. Lya kali Jwi lya cintucimwi elyo lyakavviila kuzwa mukati lyakwe. [Kabeela katakwe cintu aa teepu—Mul.] Oh, Eco cakali mvwisya kabotu! Oh! Lekela mbuto ini yakazyalwa ikanzidwe, kakanzwa aa Leza, imvwe Ijwi lya Leza, Calo nciimbo kuli nguwe. Uli zyi kuti Ndya Bwini.

<sup>236</sup> Wa katala ku zintu ezyo zyakabungwe, akwalo, “Ko tusangana. Boola, kuunka andiswe. Tu jisi nkamu yakulida misaalo. Tu jisi ceeci. Tu jisi . . .” Ta cilimvwisyi buyo kabotu, ku mulombwana muniini.

<sup>237</sup> Waa kati, “Omwana, to zulilwi mu nkamu eyo, akwalo. Yebo uzulilwa kuli ndime. Uli wangu.”

<sup>238</sup> Wa kati, “Baama, eco cili mvwisya kuba kasimpe. Mbobuti Mbweyo ozwa?”

<sup>239</sup> “Ko sotoka buyo. Nda kukwempa.” Uh huh. Nkukoonse nkoelede kucita.

<sup>240</sup> I Ijwi lya Leza lyakananikwa muku simpikizigwa kunembo lya muntu umwi oyo wakazyalwa kuba mwana wa Leza, a mbuto yakakanzwa muli nguwe ku oora eli, uyo bona Mulumbe wa Leza ca masimpe mbuli Leza mbwaliko ku Julu. Martin Luther wa Kau bona kuli wakwe. Wesley wa Kau bona kuli lyakwe. I pentekoste ya Kau bona kuli walyo. Lino ino kujatikizya nduwe? Uh huh. Ba kanjila mu kabungwe. Ndeeli Ijwi licipa mulandu; ku kwaambila eco nco tu jisi sunu, elyo mbubonya buyo Malaki 4 a zeezi zisyomezyo zyoonse zya oora. Ncinzi nco bona? Ino ulangide ali? Amen. Mpaaawa mpo tubede. I basikwaze, beni ncobeni balamvwa. “Mbelele Zyangu zilizi Jwi Lyangu. Ii mweenzu tazika mutobel.”

<sup>241</sup> Nkaambonzi? Lya kabikkwa omuya kwiinda ku kukanzwa. Yebo wakasalidwe kale kuba mwana wa Leza. Wa kali muli Leza kuzwa kumalengelo aa inyika. Wa tondezegwa biyo mu buzuba obuno ku lulemeko a bulemko Bwakwe. Mbobuti mbo konzya kucicita kakutakwe kulemeka Ijwi Lyakwe, a kwiima a Ijwi lyoonse lya Leza? Iiyi, munene. Kwalo, uli cibeela ca Ijwi elyo, kwiinda ku kukanzwa. Nkaambo, langa, Leza ndi Ijwi. Mula cisyoma? [Mbunga yaamba, “Ameni.”—Mul.] Ee, mpawo, ikuti na . . . Wa kali Ijwi lyoonse. Ku matalikilo kwakali Ijwi.” Elyo ikuti na Ijwi wakali Leza, nkokuti wakali muli Leza. I Ijwi, cibeela ncoelede kucita, cakali muli Leza kuzwa kumalengelo aa inyika. Wa kakubona. Wa kali kuzyi. Wa ka kukanzila kuli ncico.

<sup>242</sup> Nda kwaambila, mbubonya mbuli sikwaze oyo mbwakaziba jwi eelyo, mbubonya mbwacita ii—ii Munakristo, wini wakazyalululwa mbwa ziba Jwi lya Leza kali kanana kwiinda mu Ijwi, cindi balibona ka Li nanikidwe a kusimpikizigwa. Lang. Wa kalungumanina *Okuya*. Ta kabona eyi nkukunseke yakale kai cita kuti klaki klaki onse *awa*, “Ko tusangana a kuunka *awa*,” alimwi, “koya kuli *ceeci*,” alimwi, “koya kuli *ceeci* a *ceeco*.” Wa kabona ii—ii cilenge mbuli mbwa kali kuyanda kuba, kapepuluka mu luwo, kakwiila, kaangulukide, kuya mujulu, atala lya makumbi oonse a zintu zya nyika. Aleluya! Wa kali kuyanda kuba booboo nkaambo cakali muli nguwe kuba booboo.

<sup>243</sup> Elyo muntu waka zyalwa kwa Leza, mwana wa Leza, weeleda kuba a bulenge bwa Leza. We elede kuba mbuli Leza. Ula lemeke Leza. Walo ncibeela ca Ijwi lya Leza. Elyo ku mazuba aya akumamanino, aa Nabwiinga oyu kali mukuba cintu, mbubonya buyo nguzu nzyoonya ezyo Zya kaliko ku matalikilo, zyaboola kwiinda mu tubunga otu, atumwi tumbi, akuzwida Nabwiinga. Ta konzyi kuba cintu cimbi cita ceeco.

<sup>244</sup> Ba keelede ku Ci bona, balo ba Juda mu mazuba abo, ciindi nibaka Ci bona kacitondezegwa awo kunembo lyabo, mbuli musinsimi mbwa kaamba kuti Mbwa kabede. Wa kati, “Amulingule Magwalo; muli Ngawo muyeeya kuti mujisi Buumi Butamani. Nge Ngawo a Ndi lungulula. Ikuti na Ta ndiiciti milimo ya Taata Wangu, muta Ndi syomi pe. Pele nekubakuti mwakakilwa ku Ndi syoma, cite i...amusyome milimo eyo Nje kacita.”

<sup>245</sup> Ba kati, “Bamatata besu bakalya mana mu nkanda kwa myaka ili makumi one. Tu lizyi awo mpo tubede.”

<sup>246</sup> Wa kati, “Kai boonse babo bali fwide,” nkokuti, kwandaanisigwa Cabutamani. Boonse bakafwa. Ba kali biyo botatwe, bobilo bakazwa mu milioni, mamiliioni obile. Nkokuti omwe mu milioni.

<sup>247</sup> Baa, cakunjizya, mbuto kuzwa ku mweenze a muzyazi, kanji kuli iji lyomwe lijisi munzuka. Kuli iji lyomwe, mbuto yomwe eyo ila munzuka, mwa kasola kubona kutintanisigwa mu ng’ombe. Amubone. *Ngaaya* ii—ii maji ali milioni; *nzeezi* mbuto zili milioni; elyo cindi zya—zya tilwa, kuboola antoomwe mu zyalilo, kuboola antoomwe kwiinda mu kapila akunjila mu zyalilo, zila swaangana. Amwi azyo maji. Ii maji ali milioni; mbuto zili milioni. Kuli iji lyomwe biyo omuya lijisi munzuka. Kuli mbuto yomwe biyo ijisi munzuka. Zyoonse zila pona. Inga mwa balangilila banamani baniini kabauma koonse omuya, kabeela ako nkokonzya kubikka a kasanga ka mancisi.

<sup>248</sup> Elyo Demos a balo bala swilila ku kapepele sunumasiku, alimwi ula yeeya cindi nitwa kaba bweza. Wa kanditola kunselelo okuya, kandi tondezya nzila eco mbo cakabeleka. Tupila twa kusolela, a kubikka buyo kunji oko nko konzya

kubikka ku mamanino a mancisi. Zyakali zyuulu zya banamani baniini a bapoho omuya, pele omwe biyo wa mbabo ngukonzya kupona. Omwe biyo wa mbabo! Elyo nceeco cikoto cipati ca mbabo, *awa*. Elyo muyo ziba, umwi uyo yavula kuzwa akati ka imwi eyi *awa*, kuunka nkoonya, mbuto kuboola *awa*; a iji liyozwa akati ka aya maji ambi *awa*, nkabela ayo swaangana antoomwe. Elyo amwi ambi alafwa. Nekubabooobo, ala pona, pele alafwa.

<sup>249</sup> Nkaambo, kuli Cintucimwi, Muntuumwi wakapanga *eeli* limwi kujana munzuka, a kusala *eli* limwi, alyalo. Kwalo nkukanzwa, mukwesu wangu. Masimpe. Leza weeled e kusala naa uyooba mulombe na musimbi, wamasusu asalaluka kumutwe, masusu asiya kumutwe, na kufumbwa mbo cibede. Kula salwa aa Leza. Maseseke mapati kwiinda kuzyala kwa nakalindu, kuli ndime. Pele, amubone, zimwi zyayo zilafwa.

<sup>250</sup> Kwakali bantu bali mamilioni obilo bakazwa, bakaimba, bakoongolola, bakacita zintuzyonse. Ba kakanana mu...kuta kanana akwalo mu myaambo. Pele ba koongolola, a—a kupa Leza bulemu, a kuzyana mujulu ansi lya lwizi, akucita zintuzyonse ezyo bamwi babo nzoba kacita, pele kwakali biyo bobilo baka njila nyika ya cisymezyo. Kalebi waka njila, Kalebi a Joshua, bobilo biyo. Oyo ngumwi kuzwa mu milioni. Walo ngumwi kuzwa mu milioni mu kuzyalwa kwakunyama. Umwi aumwi wabo waka jisi cilongezyo cikozyenye.

Oh, nywebo noba Pentekoste, Nda syoma muta muki kusinsimuka.

<sup>251</sup> Omwe kuzwa mu milioni. Amulange. Kweelede kuba bali mamilioni ali myaanda yosanwe bategwa Mbanakristo mu inyika sunu. Ikuti na Jesu wasika, inga kwaba biyo bali myaanda yosanwe banga baunka a Nguwe, mpawo, ikuti na kuyobolola oko kwa makani mu myeelwe kwaba kwa bwini. Baa, kuli banji kwiinda baabo bazimaana buzuba abuzuba, koonse ku inyika. Ta bazyi cintu kujatikizya ncico.

<sup>252</sup> “‘Nda mvwa,’ bakaamba balembi, ‘nywebo mulizi kuti...’ Nkaambonzi balembi baamba kuti—kuti, ‘Eliasi weeled e kusika lutaanzi?’” bakambil a Jesu.

<sup>253</sup> Wa kati, “Eliasi wakasika kale nkabela tii mwaka kuysi.” Mwabona? Wa kacita mbubonya eco Malembe nca kaamba kuti ciyo citika kuli Nguwe. Mwabona? “Mbubonya Mwana wa muntu mbwaelede kupenga. Kunsi...” Tee baka Mu ziba. Nekubabooobo, boonse bakali mu mbungano. Boonse baka taminina kuba baumi.

<sup>254</sup> Elyo mwalekela buyo Munakristo, wini wakazyalululwa, mulanda wini wa Leza, amvwe elyo Ijwi lya Leza, uyo zwa ncobeni kwiinda mu kabungwe koonse, kuya ku bulongo obo bula munzuka, kwiinda ku Ijwi, bulongo bwaku swanganina. Uyo cicita bwini. Ta ndizi nzila mbwa cicita. Leza waka cisalila kucitwa.

<sup>255</sup> Wa kacengwa ku matalikilo, kwiinda ku lukwatano lwako lutaanzi. Lino nywebo mulizi kuti eci ncabwini. Mbubonya mbuli Mbwe kaamba, sikwaze muniini cindi na kamvwa Jwi ly a Simusa, wa kaunka kuli Ndilyo, Ijwi, linanikidwe lyaka simpikizigwa ilya Leza ly a buzuba bwamamanino.

<sup>256</sup> Nowa wakali Ijwi lyaka simpikizigwa ly a buzuba bwakwe. Sena mula syoma obo? [Mbunga yaamba, “Ameni.”—Mul.] Ee, mulumbe wakwe tau kabeleki sunu.

<sup>257</sup> Musa wakali Ijwi lyaka simpikizigwa ly a buzuba bwakwe. Sena mula syoma obo? [Mbunga yaamba, “Ameni.”—Mul.] Tau kabeleki lino. Jesu wakali . . .

<sup>258</sup> Johane wakali Ijwi lyaka simpikizigwa. Mula syoma obo na? [Mbunga yaamba, “Ameni.”—Mul.] Niwa takabeleka mu mazuba akwa Jesu. Nee nconzyo. Peepe, munene. “Mulao a basinsimi bakali kusikila kuli Johane; kuzwida ciindi eco, Bwami bwaku Julu.”

<sup>259</sup> I baapostolo, balo baka zibya Bbaibble. Mpaawa kwaka yutuka Luther, mu Lubambululo, majwi akwe, kuteeti, mbungano yakwe, inga taabeleka sunu. Aa Wesley inga taabeleka. Aa Pentekoste inga taabeleka. Aka beleka mu buzuba bwabo.

<sup>260</sup> Pele mbuzuba bumbi. Oku nkujulwa kwa Zinamatizyo zili Ciloba. Ndi lizi Cili mvwisya bweenzu kuli ndinywe, pele Leza waka cisimpikizya cakulondoka loko. Ta kukwe—kukwe mubuzyo muli Ncico. Cakulondoka buyo! Ta ndimwayi ceeci ku mbunga awa ya mibusena. Ndi kanana ku bantu bali mu cisi coonse. Mwabona? Kocita eco ncoyanda kucita.

<sup>261</sup> Lino bona Ijwi lyaka nanikwa ly a buzuba bwakwe, kwalo nkoli cibeela, kwiinda ku kukanzwa. Yebo cakufwambaana, mbuli, kalizi. Cindi nokali mvwa Eelyo, wa kaziba mpoonya awo kuti wakali sikwaze. Wa kamvwisywa akwalo kuti tokali nkuku yakabungwe, kuzwa kumatalikilo. Wa kalizi kuti kuli cintucimwi cilubide okuya. Kuli cintucimwi cilubide, mbombubo, nkambo ulizi kuti waka cegwa muli ncico, ku matalikilo.

<sup>262</sup> Walo, Simusa, waka gusya mause aako, “A kwaabikka mu Lwizi lwa Kuluba, kwiinda kukusanzigwa kwa Maanzi aa Ijwi a Bulowa bwa Buumi.” Nce ncico Bbaibble ncolya kaamba. Mulumi wako mutaanzi oyo ngo kakwetwe, inyika . . . I Simusa uunanikidwe, wa kakusalidekale, waka kusanza kwiinda ku kusanzigwa kwa Maanzi. Kwiinda ku “mbungano”? [Mbunga yaamba, “Peepe.”—Mul.] Eco tacili mvwisyi kabotu, embo na? [“Peepe.”] Ambweni inga mwa cijana mu bbuku lyakucitika kwa zilenge, pele kutali mu Bbaibble ly a Leza. “Kwiinda ku kusanzigwa kwa Maanzi kwiinda ku Ijwi.” Mu Ijwi! Mwabona? Kwiinda i . . .

<sup>263</sup> Yebo uliimvwi cakumaninina ko lulamikidwe, mbuli kuti kwiina nokacicita ku matalikilo. Oyu Mulumbe wangu ku Mbungano lino. Mbuli mbo...mbuli mbo tuzwa ku kapepele, mu kaindi kaniini. Yebo uliimvwi, ikuti na wiimvwi aa Ijwi ly a Leza alimwi antoomwe a Ijwi ly a Leza, ameni oonse, kabala koonse, kazila koonse. Mpaali mpo imvwi? Ndi sola ku mwaambila, kusomoka kuzwa ku zikwa. Elyo amu njile omu muli whiiti, oko nko mukonzya kubizwa kunembo ly a Mwana. Nda mvwa kuboola kwa muncini uutebula. Mu liimvwi kamu lulamikidwe, cakumaninina, mbulikuti tii mwaka cicita mucibaka citaanzi. Aleluya!

<sup>264</sup> Amwaambaule makani a kupa kulumba! Nda limvwa kabotu loko. Ndili lumbide kapati kuli ceeco kwiinda cintu cili conse Nce zyi.

<sup>265</sup> Uli Nabwiinga uutakwe cibi, mubotu, uunjoloma wa Mwana wa Leza muumi. Mwaalumi a mwanakazi oonse wakazyalwa ku Muuya wa Leza, akusanzigwa mu Bulowa bwa Jesu Kristo, a usyoma Ijwi ly a Leza lyonse, uliimvwi mbuli kuti to kabisya mucibaka citaanzi. Uli londokede. I Bulowa bwa Jesu Kristo! Mbobuti mbo konzya ku...Ikuti na muntu...

<sup>266</sup> Ikuti na Nde elede kufwa cifumo, muntu wabweza busena bwangu, Nse konzyi kufwida cibi eco. Muntuumwi wakabweza busena bwangu.

<sup>267</sup> Elyo Jesu, Ijwi, kabweza busena bwangu. Wa kaba ndime, kuti sizibi, kuti Ndi be Nguwe, Ijwi. Ameni. Andi jatilile cabwini kuli Ndilyo, kutali mbungano. I Ijwi! Ameni.

<sup>268</sup> Oh, olo lukamantano lwa kumuuya ilwa Kristo a Mbungano Yakwe eno, cindi mibili wabantu waba Ijwi, a Ijwi lyaba mibili wabantu, lyatondezegwa, lyasimpikizigwa. M bubonya eco Bbaibbele ncolya kaamba kuti ciyo citika mu buzuba obuno, cili mukucitika, buzuba a buzuba. Baa, cili mu kulundana cakufwambaana maningi okuya, mu lukula olo, a zintu zicitika, zyakuti Nse kakonzya akwalo ku zwidilila a ncico. Tuli munsi ly a Kuboola kwa Jesu, kuti akamantane a Mbungano Yakwe, oko Ijwi nkoliba Ijwi. Kwiita kwa Muuya Uusalala, kulingula myoyo!

<sup>269</sup> Yebo uliimvwi, cakumaninina. Yebo tooka bisya mucibaka citaanzi. Leza tazi akwalo. Cili mu Lwizi lwa Kuluba. To kacicita. Wa katamikizigwa kuli ncico, kwiinda kuli sikutamikizya. Pele incobeni, kuzwa ku matalikilo, wa kakanzwa kuba mwana mulombe a mwana musimbi iwa Leza. Yebo uliimvwi awo, kosanzidwe. Alimwi bbuku lyako lyakaindi ly a kulekanina lyaka yobolwa, alimwi lilifwide, kutabako cakumaninina, akwalo mu mizeezo ya Leza.

<sup>270</sup> Yebo uli Nabwiinga mubotu wa Kristo, waka sanzigwa mu Bulowa bwa Kristo. Mwana wa Leza, muyandisi, mubotu uutakwe cibi wiimvwi a Ijwi ly a Nabwiinga lisalala, a kunjoloma

Ndy a kasalazy a kwiinda ku Maanzi aa Bulowa Bwakwe Mwini; lya kaba mu mubili wabuntu a kutondezegwa, kuti Ako nzye kumubweza nywebo nomwa kakanzilwa mu camba ca Taata, kakutanaba matalikilo, mbubonya Mbwa kabede. Wa kali bube obo bupati bwa Leza, butegwa "luyandisyo."

<sup>271</sup> Kufumbwa mbomubede, muli balanda ba Leza, kufumbwa cintu Leza ncayanda kuti mucite, oko kuli busena bwanu. "Leza wakabikka mu Mbungano, bamwi kuba baapostolo, basinsimi, bamayi, beembeli..." Wa kabikka abo kwiinda ku kaambo ka kukanza Kwakwe Mwini. Alimwi mwakali booboo, kuzwa kumatalikilo.

<sup>272</sup> Mucado wako mutaanzi waka lesegwa camulao. Wa kaliko. To kacicita pe, mucibaka citaanzi. Nkaambo, kuli cintu comwe luzutu cakali kukonzya kucicita, oyo wa keelede kuba Leza kuseluka ansi, Mwini, akubweza busena bwako mu ciimo ca Mwana wa Leza, Jesu Kristo, aku kusanzya kwa Maanzi, a kusanzya kwa Maanzi kwiinda ku Ijwi. I Ijwi; kutali kabungwe! I Ijwi lya kakusanzya. Pele ikuti na to kaimi mu Maanzi aa Ijwi, mbobuti mboya kusanzigwa? Yebo uciiji kaimba mbuli Eva mbwa kabede.

Oh, Mwanambelele uyandwa ulimukufwa,  
Bulowa Bwako buyandisi  
Tabu sweekelwi nguzu zya Mbubo,  
Mane Mbungano ya Leza yoonse yaka vunwa  
Ika futulwe cakuta bisya limbi.

<sup>273</sup> Ino cibi niinz? Cibi "nkutasyoma." Kutasyoma mu (nzi?) Ijwi; kutasyoma muli Leza, uli ndi Ijwi.

<sup>274</sup> Unjoloma, uusalala; oh, aleluya; kuzwa calino kuya ku milengalenga; ameni; kamwiimvwi cakulibambil. Amuyeeye. Zikobela zyanu, zyaka sanzigwa kwiinda ku Maanzi a Ijwi lisweka ibulowa! I Ijwi lyakaba Bulowa. I Ijwi lyaka swekela ndinywe ibulowa, nkabela waka sanzigwa mu Ijwi lisweka ibulowa. I Ijwi, kalisweka ibulowa! I Buumi bwa Leza mu Ijwi, alimwi Ijwi lya kaswekela ndinywe ibulowa, kutegwa musanzigwe kuzwa ku busofwi bwa basibwaamu aba, a kululamikwa a kusalazigwa kwiinda ku kusanzya kwa Maanzi aa Ijwi, a kubamba mizeezo a moyo wako kukkala ali Leza alimwi aa Ijwi Lyakwe.

<sup>275</sup> Lino, mbobuti mbo ziba kuti Ndy a bwini? Cindi Leza aseluka ansi a ku Li simpikizya a kutondezya.

<sup>276</sup> Yebo wati, "Ee, Nse ka Li syoma munzila eyo." Tee baka Li syoma munzila ya Jesu, pele Leza waka Li tondezya. Tee baka Li syoma munzila ya Nowa. Tii baka Li syoma munzila ya Musa. Ba kali libambilide kubweza ijwi lya Balamu nkambo ka Ndilyo kuti, "Toonse tuli bamwi, aboobo atu belekele buyo antoomwe."

"Lyandaanye lwako," Bbaibbele lya kaamba, "kuzwa kukutasyoma."

<sup>277</sup> Aleluya! Lino amubone. Toli boobo biyo, pele uunka ku Mucado mu mulengalenga. Elyo usamide nweenwe ya mucado ya kakanzwa, luzyalo lutabelekelwi, nweenwe ya mucado iya luzyalo lutabelekelwi lwako lwini. Leza waka cicita, Mwini. Wa kali muzyi kuzwa kumalengelo aa inyika, aboobo Wa kasamika nweenwe ya mucado ali nduwe Okuya, kabikka zina lyako mu Bbuku. Ino nkupa kulumba! Aleluya! Alumbwe Leza wesu!

<sup>278</sup> Lino, mu kujala, inga Nda amba ceeci. Toonse tu lizi kuti mbungano ya busyaasunu, ya Pentekoste, mu ciimo cayo calino... Tubungwe toonse antoomwe, Njo tusowa toonse mu cikata comwe, nkaambo mbo babede. Nywebo mulayeeya, Uyo bikka nsaku mu cikata, lutaanzi, a ku zyuumpa. Bweza i... Ula bweza zyoonse zisiko zya whiiti a kuzyuumpa doo, lutaanzi; mpawo Ula bweza, boola a kubweza whiiti Yakwe a kwiitola ku muunzi. Bali mukubungana mu zikata, cikata caba Methodisti, ba Baptisti, ba Pentekoste, boonse kabaya ku Kkanso ya Bupaizi. Nku koonse. Boonse baumpwa. Mwabona?

<sup>279</sup> Toonse tu lizi kuti mbungano ya busyaasunu, mu ciimo cayo calino a ntaamo yayo iliko, taili mu ciimo ca kumanizya kutumwa kupati kwa Leza oko nkvakapa Mbungano kwa buzuba obuno. Mbangaye ba Pentekoste banga baamba kuti “ameni” kuli ceeco? [Mbunga yaamba, “Ameni.”—Mul.] Mbubo. Mwabona? Ili mu...

<sup>280</sup> Tuli Babumwi, Babubili, Babutatu, *eci*, *eco*, *cimbi*, kukwankana, kulwana. Umwi uli *boobu*, alimwi umwi uli *boobo*, alimwi *bumbi*. Elyo umwi aumwi wabo, ulayoowa kulanganya Ijwi, nkonya ansi ku kusolekwa. Mwabona? Ba lizi. Wa baambila kujatikizya Ndilyo, nkabela ba lati, “Ta-Ta ndikonzyi kucicinca. Ta ndikonzyi kusyoma Ceeco. Ta ndikwe ndaba a ceeco nca cita. Ta...” Mwabona? Mwabona? Mwabona? Tondezya taata a baama abo mbo jisi. “Yebo inga wakuba mwaalu wa cisi buzuba bumwi. Yebo inga waba *boobu*, *boobo*, na *bumbi*.” Ncibotu waba mwana wa Leza.

<sup>281</sup> Lino, tu lizi kuti mbungano tai konzyi, mbungano ya Pentekoste, kunyina pe, kunyina pe, noikonzya kukutauka Mulumbe wa buzuba bwa mamanino, mu ciimo cayo calino. Inga yacita? [Mbunga yaamba, “Peepe.”—Mul.] Baa, tai konzyi akwalo kuzumina aali lyomwe na obilo Majwi mu Bbaibbele. Mbobuti mboya kucicita? Tai konzyi kucicita. Aboobo, nywebo mwabona, kabungwe kali zwide. Mbo mbubo.

Bayooba bantu bakasalwa abo baka salilwa nkuko. Mwabona?

<sup>282</sup> Lino, mulizi, alimwi mbubonya umwi aumwi wesu mbwazi, kuti zizo mbo zizulwa zya basitubungwe, ba Pentekoste a boonse, zili fwide, nku kuti, ku Munakristo wakazyalululwa iwa Mulumbe. Uh huh. Mulumi wako mutaanzi uli fwide. Yebo ulizi kuti uli fwide. Leza waka mulekela kufwa. Uli nyonyookede. Zyoonse nzila zyayo zya sayaansi, zyabupampu, zyalwiyo, nzila

zyasayaansi zitegwa zikolo zya Bbaibbele a zintu zyakaloba. Ncinzi caka cicita? Kaandaana, babumwi *awa*, a butatu *awa*, a babubili *awa*, alimwi *awa*, alimwi kunselelo *awa*, a kunyongana kuli booboo, a kuliita beni kuti mba Pentekoste.

<sup>283</sup> Baa, Nda kaunka ku mwaalumi mukubusyi, buzuba bumwi; uswiilila ndyoonya lino ku kapepele, ndyoonya lino. Elyo mwanakazi mukubusyi, waa kali kuzulilwa ku mbungano imwi. Waa kati... Nda kati... Ba kandaanisigwa. Nda kati, “Ino ndipenzi nzi?”

Kati, “Tuli ba lusyomo lwaandene.”

Nda kati, “Oh, Nda usa. Sa uli muna Katolika?”

<sup>284</sup> Waa kati, “Peepe.” Waa ka ndaambila mbungano yakabungwe nkwa kali kuzulilwa, ya Pentekoste.

<sup>285</sup> Nda kati, “Ino *yebo* uli wanzi?” Ngwa Pentekoste, awalo, pele kabungwe kambi. Oh!

<sup>286</sup> Nyewe mulizi, mbungano ya Katolika ya Roma yakatalika kaili ya, Pentekoste? Mbangaye bazi kuti obo mbwini? [Mbunga yaamba, “Ameni.”—Mul.] Kwaka itolela myaka ili zyuulu zyobilo kuba awo mpoi bede lino, muta gusyi buyo cintu ca Lugwalo. Taakwe. Baa, Pentekoste, myaka ili makumi obile kuzwa lino, bayo bija kwiinda mbo babede lino, ila zumanana kuunka nzila mbuli mboibede lino. Baa, masimpe. Mwabona? Ino ncinzi? Ino ncinzi? Amulange bawisi a banyina mbobabede. Balekela banakazi babo kugela masusu abo. Bala tandila kucita cili coonse nco bayanda. “Kufumbwa kuti kaba zulilwa ku mbungano eyi, nku koonse kuyandika.”

<sup>287</sup> Oh, ta cigambyi, ta cigambyi kuti lunyonyooko lwa Leza lulalundana! Leza waka Li bikka nkoonya kumbele lya meso anu nkabela mwa jala meso anu a kukakilwa ku Li langa. Inzya. Kujala mbali zyanu zya lweetelelo, cindi mwabona Ijwi lya Leza lyabwini a Zinamatizyo ezi zili Ciloba kazi simpikizigwa a kutondezegwa kuba booboo. Elyo bumboni mu majulu, ku masi oonse a kumasena onse ambi, kwiinda ku zitondezyo a zigambyo zipati ezyo Nzya kasyomezya kuti Uyo cita, mpawo wajala, akwaamba, “Ta—Ta ndizi. Ta—Ta ndikonzyi kucicinca. Ta...” Mwabona? Oh, ma! Ili fwide, nkabela tai cizyi. Zibi a nsotoko! Uli fwide. Oh, ma!

<sup>288</sup> Toonse tu lizi kuti mbungano mu ciimo eco tai konzyi kumanizya mu buzuba obu bwamamanino. Mbobuti mbo ikonzya kunjizya Malaki 4? Mbobuti mbo ikonzya kucicita? Taba syomi kwalo mu cintu cili boobu. Mbobuti mbo ikonzya kusyoma, kunjizya Luka 17:30? Mbobuti mbo ikonzya kunjizya Magwalo aya onse ambi aka syomezegwa mu buzuba obuno bwamamanino? Tai konzyi kucicita, nkaambo ila Li kaka. “Mbuli mbo kwakabede ku mazuba akwa Lota, mbubonya mbo ciya kuba mu kuboola kwa Mwana wa muntu.”

<sup>289</sup> Amulange ku ciimo, Lota, eyo Sodoma mwa kabede, mu buzuba obo. Amulange, ciimo ca mbungano mu buzuba. Amulange eco cakacitika kuli Abrahamu, Musale.

<sup>290</sup> Amulange eco cakacitika kuli Lota a bamwi kumusanza mu Sodoma. Amulange kuli Billy Graham a Oral Roberts, balo kumusanza okuya akati ka tubungwe oto. Amulange Mbungano ya Abrahamu yakasalwa, yakasomonwa.

<sup>291</sup> Amulange musyobo wa citondezyo, eco Jesu Mwini, Leza kalifungwide mu mibili wanyama kaimvwi okuya mu mibili wabantu. Nywebo mwati, “Oyo wakali Angelo.” I Bbaibbele lyakati Wa kali Leza.

<sup>292</sup> Mwami Leza, Elohimu, kaimvwi alya mu mibili wabantu, katondezya kuti Uyo nanika loko Mbungano Yakwe mu mazuba akumamanino, inga uyooba Leza kabeleka mu mibili wabantu alubo. “Mbuli mbo kwakabede mu mazuba akwa Sodoma, mbubonya mbo kuyakuba ku kuboola kwa Mwana wa muntu.” Musyobo nguwenya wa cintu. Bala cibona moonya omuya mu Magwalo. Amubale i... “Amulingule Magwalo, nkambo muli Ngawo muyeeya kuti mu jisi Buumi Butamani.” Elyo Nge Ngawo aa lungulula Ceeći. Mwabona? Mwabona?

<sup>293</sup> Aboobo tu lizi kuti bali fwide. Leza wakailekela kufwa mu mabambe ayo eni, akuliyanda, alwiyyo a zyasayaansi.

<sup>294</sup> Boonse ba Pentekoste bakali kwaambaula makani—makani aakutatuma bana babo ku cikolo ca Bbaibbele, kaindi cindi Mukwesu Loyate, abamwi noba kacilikiko awa, elyo niba kakutanda kuzwa mu mbungano. “Pele, oh, eno ncintu cipati maningi. Mwana wangu mulombe tawo uli mu cikolo ca Bbaibbele.” Uli mukusya cuumbwe cakwe. Aboobo, lino, muyeeya kuti inga ba Li bweza, sunu?

<sup>295</sup> Nywebo muyeeya kuti Ndi iminina kutaiya na? Nse citi. Ndi mwaambila kuti kuli lwandaano akati ka bukkalo bwabupampu obo mbo tuponamo, oko mbungano nkoya misigwa ku sayaansi a zyoonse ezi zitegwa “nzyakumvwisy” a zintuzyonse. To konzyi kumvwisy Leza.

<sup>296</sup> Ee, balo—balo bapaizi baka mvwisya Leza cakulondoka loko, ba kalizi nzila Mesiya mbwa kalino boola, pele Wa kaboola bwandeene loko kuzwa ku nzila njo bakamvwisy. Tii caali casayaansi. “Mbobuti Muntu oyu, mbwali Mwana wa musokwe? Ino ncikolo nzi Nkwa kabede? Nkokuli lwiyyo Lwakwe nko lwakazwa? Nkokuli Nkwa kajana kwiiya oku?”

<sup>297</sup> “Baa, Usola kutu yiisya na? Wa kazyalilwa mu bwaamu.” Mwabona? Oh, nkambo ka bubotu!

<sup>298</sup> Mwabona cintu nciconya caloolola alubo na? [I mbunga yaamba, “Ameni.”—Mul.] Mwacibona kaciloolola alubo na? Moonse mu sayaansi yabo ya bukombi, sayaansi ya bukombi kweendelana kuli ceeco cikolo cabu ca Bbaibbele mbo

cakaamba, eyo nje nzila mboba Li yanda. “Eyo nje nzila Mbo lyeelede kuba, nape Talili obo.”

<sup>299</sup> Leza ubeneena buyo, ciindi coonse. Lyoonse liboola bwandeene. Lya kacita mu ciindi ca Nowa; kacita mu ciindi ca Musa; kacita mu ciindi ca Kristo; kacita mu ciindi ca Johane; kacita mu ciindi ca basikwiya; kacita mu ciindi ca Wesley; kacita mu ciindi ca Luther; kacita mu ciindi ca Pentekoste; alimwi cacita alubo. Tali cinci bweende Bwalyo. Lyoonse cilaboola cintu nciconya. Biyo basilubambululo kwinda muli zili ciloba...makkalo ali cisambomwe, mane caciloba. Elyo Ciyubunuzyo 10 kati, mu oora eli kuyooba kucinca. Elyo kwa kacita.

<sup>300</sup> Lino tula jala, mu kwaamba ceeci. Kumanizya kutumwa kupati, mbobuti mbo bakonzya kucicita? Tu lizi kuti bali fwide. Leza wa kacilekela kufwa mu bukkalo obu bwasayaansi, koonse kwaco, aboobo—aboobo Wa kakonzya (kucita nzi?) kujula maseseke aa Cinamatizyo ca Ciloba kuli Nabwiinga uutali wakabungwe. Mbobuti kabungwe mbo kakonzya kutambula Zinamatizyo ezyo zili Ciloba, kakuli Ali impene cakumaninina, lunyungu lwa nzoka a zyoonse zintu ezyo zimbi? I maseseke, azwide ali ciloba aliiimpene kuli ceeco ncoba kaiisigwa, nkaambo baka sala cikolo cakale kuzwa ku cikolo cabu ca Bbaibbele.

<sup>301</sup> Elyo Zinamatizyo zili Ciloba izya Leza, cindi Ni zyakajulwa okuya atala aa cilundu: kalekela Leza, peepe, ndilekele kufwa ndyoonya lino a cikambaukilo eci ikuti na Ayo taali a Bwini. Elyo Nda kamwaambilza yka kumbele, mwaka a myezi ili cisambomwe kacitana citika, eco Nca ka ndaambilza kuti, “Koya ku Arizona,” a ceeco cakali kuyo citika okuya mu lukula. Elyo mbaabo baalumi bali kkede mpoonya awa, sunumasiku, bakaimvwi nkoonya okuya a bakaliko cindi Baangelo bali ciloba niba kaseluka ansi. Elyo ayalo mag-...I magazini, *Life* magazini, yaka bweza caano ca Ncico. Mocili omuya mu buyake busale bwabana sayaansi bwakweembelela zyakujulu, a zintuzyonse. Lino tabazi akwalo eco coonse Nco caamba.

<sup>302</sup> Elyo zintuzyonse zya kaambwa, oh, akwalo ku lunyonyooko lwa California, luboola lino, a zyonse zintu ezi zimbi. A nzila Mbwe kabaambilza alimwi na mazuba ongaye niciyooba, nzila mbo cakeelede kuba abusena muzuzumo oyu wanyika mupati mpowa kacitikila mu Alaska, a kuti ayo matalikilo a citondezyo ca ciindi, a cintu cakali nocitika. Elyo ijwi ku ijwi buyo, eco Nco lya kaamba, Ta lina kakilwa ciindi comwe. Ta muna Li bona kukakilwa. Alimwi Tali konzyi kukakilwa, nkaambo Alo Majwi aa Leza. “Elyo Julu a nyika ziyo loba, pele Tali konzyi kukakilwa.” Mbo mbubo.

<sup>303</sup> Leza wakacita kujula Zinamatizyo ezyo zili Ciloba, kutali mu kabungwe. Nda kakalwana lyoonse. Pele, kuzwa mu kabungwe, Wa kabweza Nabwiinga, kutali nabwiinga

wakabungwe. Ta kakonzya kucicita. Ci lwana Ijwi Lyakwe Mwini. Wa kajula maseseke ayo ali ciloba omuya. Ayo atondezya, aleta zintu ezyo zyaka sisidwe kuzwida ku malengelo aa inyika, kutegwa ayubununwe mu mazuba akumamanino, ku bana ba Leza. Aka leta Ceeco eno kumbele lya bantu, kuti bakonzye Kwa abona, awo, nywebo lino, kuli Nabwiinga oyu uutali wakabungwe. Oh, ma!

<sup>304</sup> Ngaayo mabbuku anu obilo. Limwi lya ngawo ndi Bbuku lya Buumi ilya Mwanaambele. Zina lyako Omuya lyakakanzilwa Omuya. Tali konzyi kuunka, nkaambo to konzyi buyo kugusya cintu, wabona, nkaambo lyakali salidwekale kuba Omuya. Pele bbuku lya buumi lya Lyonse, konzya kugusya elyo kufumbwa ciindi. Mwabona? To empwi pe, taliko, nekuba, nkaambo uyoima ku Lubeta. I Nabwiinga akwalo takaimi ku Lubeta; wiinka mu Kukwempwa. Mboli buyo . . .

<sup>305</sup> Nda amba ceecei, mu kujala. Ciindi ciya bumana, aboobo . . . itandila kuba naini theeti. Elyo tuyu zwa awa aa naini theeti, Mwami nawayanda. Kubatama buyo ncobeni eno, amuswiilile. Ciindi cimwi . . .

<sup>306</sup> Kwaamba ceecei lino, eci ciinka ku cisi coonse. Mu New York, lino maminiti ali makumi obile aosanwe kuzwa ileveni. Kuya kutala mu Philadelphia a koonse kwiinda okuya, basalali abo bayandwa bakkede okuya kabaswiilila, ndyoonya lino, mu mambungano moonse. Kulaale kutala, kulaale kunselelo ku Mexico yoonse, kulaale kutala mu Canada yoonse a kuzunguluka koonse, mabazu onse. Mamaile ali myaanda yobile, kuli konse mu kkontinenti ya North America awa, kutandila, bantu bali kuli njiyo, baswiilila ndyoonya lino. Zyuuulu zya zyuulu, zyabaswiilila.

<sup>307</sup> Elyo oyo Mulumbe wangu kuli nduwe, Mbungano, yebo oli mu lukamantano, lukamantano lwa kumuuya kwiinda ku Ijwi, kuti uli fwide ku baalumi abo bakale. Wa kazyalululwa bupya. Ta soli ku vwentauzya. Uli fwide. Ikuti na uli Munakristo wakazyalululwa, eyo mbuto niini yaka kanzilwa nduwe, ndi Ijwi liboola atala a Ijwi, atala a Ijwi, atala a Ijwi, atala a Ijwi, a kuboola mu bupange buzwide bwa Kristo, mbo mbubo, kutegwa Ako nzye kujana Nabwiinga Wakwe. Lino tuli bambilide ku cintu comwe buyo, oko Nkuboola kwa Mwami.

<sup>308</sup> Ndeelyo zina lyako mu Bbuku lya Buumi. I Bbuku lya Buumi ndi Ijwi lya Leza, nkaambo Ijwi ngu Leza, alimwi Leza neecintu buyo cili Mbuumi. Aboobo zina lyako lya kaimininwa mu Bbaibbele kwalo Bbaibbele kalitanaba aa Ijwi. Elyo ikuti na uli waawa kucita ceeco, sa Tali kasimpikizyi Ijwi eelyo? [Mbunga yaamba, "Ameni."—Mul.] Sa Mbungano tai kalisimpikizyi Iini? Sa Malaki 4, a zyoonse zintu ezi zimbi, cakulondoka, cakulondoka kulisimpikizya Iini a kutondezya kuti Eelyo nde Ndilyo? ["Ameni."]

<sup>309</sup> Cindi Jesu nakasika, Wa kati, “Ikuti na Nsi citi milimo yaka syomezegwa kuli Ndime kucita, muta Ndi syomi.” Njiili imwi ya nkamu Nja kasangana? Wa kati, “Boonse ba... Muli bauso wanu, dyabulosi, nkabela milimo yakwe njo mucita.” Mwabona? Mwabona?

<sup>310</sup> Tuli mu mazuba akumamanino, Mbungano. Oyo Mulumbe wangu wakupa kulumba kuli nduwe.

<sup>311</sup> Lino, kakutanaba kujala. Ciindi cimwi Nda kali kutala mu Glacier National Park. Twa kamvwa, buzuba boonse, kuteeti baka jisi ii—baka jisi kuwa... ii mulilo wa zyaanda zipati ezyo zyakali kuyoowa masiku. Aboobo bantu bakali pakasizye, buzuba boonse, kucita cintu eco kulibambil, nkaambo bakali kuyo tila mulilo oyo, masiku ayo. Ba kabikka mulilo wamaanzi kuwa, mbuli caanda cipati ca maanzi. Pele cili... Kaboneka mbuli fulicoongo, kutandila, cindi cazwa, ca mulilo oyo kauwa kuloka kuzwa ku caanda eci cipati. Kuzunguluka koonse kwiinda mu paaki, mukaintu a Mebo, a bana, keenda koonse mu buzuba boonse. Twa kali kuyanda kukkala, kubona kutondezegwa kwa mulilo oyo kubuleya. Aboobo ca—ca—ca kasyomezegwa kuli ndiswe kuti tuyo ubona, a kuti tuyo upeda bumboni alubo. Ba kati balaba anguwo lyonse mu ziindi zya mainza a zimwi zimbi. Nda kati, “Ee, tuyo konzya kuubona na?”

<sup>312</sup> Kati, “Twa cisyomezya sunumasiku. Twa syomezegwa ceeco.” Kati, “Bali kutala okuya kabaubamba lino.”

<sup>313</sup> Zyonse nizya kamana kubambilwa kucitika! Nce cico cicitika lino. Koonse kuli mukubambilwa kucitika kusale, Mbungano kaisomonwa nkaambo ka Zina Lyakwe, kugusya Nabwiinga Wakwe kuzwa kukusangana aa inyika, tubungwe otu a inyika yoonse, a busofwi a zintu zya inyika.

<sup>314</sup> Bantubonse; kucitika kusale kwa kabambwa. Bantubonse bakaliimvwi anze. Bakati, “Lino amuzumanane kulangilila, mpoonya atala lya mulundu awo.”

<sup>315</sup> Eyo nje nzila mbo Lya kaboola lyoonse. Eyo nje nzila mbo Lye elede kuboola ciindi cino. Eyo nje nzila mbo Lya kaboola lyoonse. Kutali kwiinda mu kabungwe! Taakwe cindi Leza nakabelesya kabungwe, taakwe!

<sup>316</sup> I silubambululo ulaunka, ula bweza Ijwi lya Mwami. Eyo mpawo cindi aafwa, bayaka kabungwe kuzwa kuli ncico. Mbo mbubo ba Pentekoste a boonse mbo bakacita. Cindi makani mapya a zintuzyoonse, eyo nje nzila buyo, eyo nje nzila cintu mbo cakazwa. Ii ijwi pya lyakayungizigwa, mpawo ba kayaka mbungano kuzwa kuli ndilyo, kapanga kabungwe, kalyaandaanya lwabo. Ca keelede kuba munzila eyo.

<sup>317</sup> Lino, to konzyi kuzunda—to konzyi kuzunda bulenge. Bulenge bulacitika mu cilengwa nciconya, ciindi coonse: cikuba, ituvu, ngalala, azimwi zimbi, cikwa, mpawo whiiti.

<sup>318</sup> Lino amubone. Zyoonse zyakali bambila. Zintuzyonse zya yasigwa akulibambil. Elyo bantubonse bakaliimvwi anze. Nda kali kuyunya mutwe wangu, kuboko kwangu kakugwambatide mukaintu wangu. Twa kali kulanga. Elyo bana bakaliimvwi alya, toonse katu lungumene, mbuli *boobo*. Ma! Cakali cintucimwi, nkaambo twa kali kucilangila. Caka syomezegwa kuli ndiswe.

<sup>319</sup> Ameni! I Ijwi lisyomezya Ceeci. “Ciyo boola kicitika, kakutana boola buzuba bupati buyoosya bwa Mwami, amubone, Njo mutumina Eliya musinsimi. Uyo sandula myoyo ya bana kujokela ku matata, a myoyo ya i...” “Ciyo boola kicitika mu mazuba akumamanino, Njo tila Muuya Wangu kuzwa Kujulu.” “I mvula ntaanzi a ncaalizi iyoowa antoomwe mu buzuba bwamamanino.” Zyoonse zisyomezyo ezi, kwiinda mu Magwalo, zya kapegwa. Tu langa kutala. Amulangilile Nabwiinga wini ku cisi coonse oora eli, kulanga mujulu. Mbungano, Ula boola, bumwi bwa mazuba aya. Masimpe buyo mbuli Mbwa kaboola ciindi citaanzi, Ula boola, alubo. Bamba zintuzyonse. Lyandaanye lwako kuzwa ku cikwa. Lala kunembo lya Mwana. Zumanana kulanga kutala. Koba kunsi lya kulangila.

<sup>320</sup> Ndyoonya buyo, twa kamvwa cintucimwi kuzwa atala lya cilundu, jwi lya kaseluka kwiinda mu laudispika, lyakati, “Zintuzyonse zyabambwa.”

<sup>321</sup> Mpawo mwaalumi oyu, wakaimvwi mpoonya alya munsi lya lubazu lwangu, kati, “I mulilo auloke.” Mpaawa wakasika, kautika a mulundu oyo wonse, caanda cipati ca mulilo a bbalabala kali myankuta, kuboneka kwakulanga.

<sup>322</sup> Mukwesu, atu bambe zintu zyoonse, nkambo bumwi bwa mazuba aya Mulilo uyo loka. Tuyo inka kujulu. Lino atu libambilie ku ciindi cakuloka kwa Mulilo. Tuli ku mazuba akumamanino, toonse tu lizyi obo, alimwi tuli libambilide ku Kuboola kwa Mwami. I cintu cakucita nkulyandaanya lwako kuzwa ku zibi zyoonse. Kolyandaanya lwako kuzwa ku cintu cili coonse cijatikizya inyika. “Muta yandi inyika na zintu zya inyika.”

<sup>323</sup> “Kutabi muntu, kwiinda ku kayanza kakwe kabuzumini, kuti a mucenge.” Amu kkale cigaminina ncobeni mu cisyomezyo ca Leza, Ijwi lya Leza. Elyo Ijwi elyo, ikuti na Ndi Ijwi lya buzuba obuno, Leza ula Li simpikizya kuba *boobo*. Ikuti na Ta citi, nkokuti talili Ijwi lya buzuba obuno.

<sup>324</sup> I Ijwi eelyo lyakawida aa Buzuba bwa Pentekoste tali kabeleki mu buzuba obuno. Peepe, munene. Eelyo lyakali lya Pentekoste. Eli ndya Nabwiinga, kuunka ku Muunzi kwa Nabwiinga. Tu jisi cintucimwi candeene. Iba Pentekoste bakaiminina ceeco, alubo. Tuli mu bukkalo bwa Nabwiinga. Akwalo nilya takakonzya i—i Ijwi lya Nowa kubeleka mu mazuba aa Musa; awalo niwa takabeleka mulao wa Musa mu

ciindi ca Paulo awa. Wa kasola ku baambila, “Muli fwide kuli leelyo, alimwi tamu konzyi kuli tambula.”

<sup>325</sup> Mbungano, yebo Ngwe kananina, sunumasiku, ku cisi coonse, ikuti na—ikuti na wa kalyandaanya lwako kuzwa ku kabungwe a busofwi boonse a zintu zya inyika eyi, a zintu ezyo zyoonse ezyo zikubamba mu tuyanza twabuzumini a malailile aakapangwaaabantu a zintu mbuli zeezyo, wa kalyandaanya lwako: Kolungumana. Koli bambila. I Mulilo uyo loka, bumwi bwa mazuba aya. Leza uyo Mu lekela kusika, a kubonekela kwakubona. Sa inga uno libambilide cindi Aku boola? Sa inga uno libambilide kuya kujulu a Nguwe cindi Aku boola? I Kukwempwa kwa maseseke a Nabwinga uugambyakwinda, “Uyo bambwa ufwi-... kuzwa ku kufwika kuya kukutafwika; uyo cincwa, mu kaindi kaniini, mu kulaba kwa liso. Swebo to baumi a basyeede tatu kasinkili abo boona pe.”

<sup>326</sup> I buzuba bumwi, aa Buzuba bwa Cizuminano cakuleka kulwana, Nda kaliimvwi kunselelo okuya mu Tucson. Mulombe wangu muniini wakali kuyanda kubona kumacching'a kwampi. Nda kali kubala, nkabela Nse kajisi ciindi caku cicita. Elyo Nda kajisi kutuminwa kunji kwa balwazi a zintu. Aboobo wa kati, “Taa, tabako nditola pe.” Wa kati, “Ko nditola.”

<sup>327</sup> Nda kati, “Ncibotu.” Mukwesu Simpson, Ndi yeeya kuti mpali; a mulombe wakwe muniini bakali kuyanda kuunka. Aboobo Nda kabeenzya mu mootokala akuselemuka.

<sup>328</sup> Nda kaima awo aa kkona a kulangilila. Elyo kwiinde kaindi, Nda kamvwa, kulaale kusule kwa lweendo, kuyobayoba kakuboola, “wompi, wompi,” ngoma, kazilila. Nda kaima awo. Nda kayeeya, “Ee, aba balombwana baniini, baka bala ncobeni mabbuku aya oonse ajatikizya impi. Bala yandisya loko eco.” Nda kabona, kulibonya kutaanzi kwakali kwa moota wampi iwa Lumamba lwa Inyika Lwakaindi. Mpaawo ya kaboola, balombwana baniini mbuli baabo. Kwakasika batobela, kuzwa baabo; caka tobela kusika yakali moota mpati yampi ya Lumamba Lwabili lwa Inyika, moota mpati ya Sherman kai jisi cijazyo ca mululi ali njiyo. Mpawo kwa katobela, a kutobela, alimwi nikwakainda kaindi kwakasika Bamatumbu ba Ntepe zya Ngolida.

<sup>329</sup> Elyo mpawo, kwiinde kaindi, kwakasika basyazibwene benkondo bali kkumi ababili ba kasyala, mu cisi coonse ca Arizona, kuzwa ku Lumamba Lutaanzi lwa Inyika; basyazibwene benkondo bali kkumi ababili. Kumane obo, kwakasika gotokala pati, silumamba utazizilwe, ciingano cinini cituba. Mpaawa kwakaimvwi simaato, simpi waa lwizi, a silumamba, mulindilizi wiimikila; cisitilizyo ciniini aa gotokala pati. Ku lubazu lumbi kwakali mutumbu waka jisi imvwi ku mutwe, kakkede kajisi ntepe ya ngolide kailukidwe aali nguwe, mukaitu mubotu kalila, mulumi wakwe wakali fwide; mulombe muniini ugalkene, mutwe wakwe wakalanga kumbali. Wisi

waka jaigwa. Elyo mpawo kusule kwakasika bambi a bambi a bambi, elyo mpawo ku impi impya. Nda kaima awo. Ino nkubonekela kwakubona, pele kuusisa nsoni!

<sup>330</sup> Nda kayeeya, “O Leza, bumwi bwa mazuba aya Ndiyo langa kubonekela kumbi.”

<sup>331</sup> Kuyo boola buzuba bwa bubuke, buli, “I bataanzi bayooba bamamanino; abo bamamanino bayooba bataanzi.” I basinsimi bakaindi bayo boola kulibonya, lutaanzi, elyo kaba bwene bweende obo kabucitika, kumaccing’ a kuya kujulu. “Elyo swebo to baumi a basyeede tatu kabasinkili abo boona. Nkambo mweembo wa Leza uyo lila, bafwide muli Kristo bayo buka lutaanzi.” Tuyo basangana nconzyo mu mundando wa kunjila mukati, aleluya, boonse ba muciindi ca bukkalo bwa Luther, Wesley, Methodisti, Presbyteria, kuyabuya muciindi ca bukkalo bwamamanino, abo bakatambula Ijwi mu bukkalo bwabo.

Leza amu longezye. Amu bambe zintu zyoonse, nkabela Mulilo uyo loka.

<sup>332</sup> Atu kotamike mitwe yesu aniini buyo. Nda libuzya, mu bbunga eli liboneka sunumasiku, kwalo Nda mumusya awa kwa... mane naini theeti. Sa kuli umwi awa, kuli banji awa, mbangaye awa, a baamba kuti, “Mukwesu Branham, Nda usa kuli lwangu, nzila Mbwe kapona. Nda kapa kunji ku kabungwe a bantu. Ndi lizi kuti ta Ndi maninide ku Ijwi lya Leza. Njo kulomba buyo kuti undi kombele, Mukwesu Branham”? Tambika janza lyako. Leza aku longezye. Leza aku longezye. Langa, atala aalya mu mabbalukoni, koonse. Leza aku longezye. “Ndi lizi...” Lino utafwi bweeme. Lino, utabi obo.

<sup>333</sup> Elyo akooko kulaale, kulanduka cisi, kuzwa ku New York kusika ku California, kuzwa ku Canada kusika ku Mexico: nywebo nobantu nomubungene mu mambungano ayo (oko ezyo nkamu zisyomeka ezyo zya kasyoma Mulumbe oyu a myoyo yabo yonse; bakazwa, kuzwa mu mapenzi mapati, kuzwa kwinda mu tubungwe oto; balo ni mbuto zya Buumi) sena mwa kumvwa kukulwaizya, sunumasiku, mbuli sikwaze muniini, kuti wamvwa Cintucimwi eco candeene aniini kuzwa kuli ceeco ncomwa kamvwa, pele, nokuba, mu moyo wanu mulizi kuti Mbwini? Yebo, mukati omo, kuli mweembeli wiimvwi oko kubusenakumwi. Utambikide janza lyako. Njo ku kombela.

<sup>334</sup> Ezi zintu tezya kacitwa mukkona, mweenzuma. Amuyeyeye, “Ndipati lizila alimwi kalimanikide kazila, nkabela mbasyoonto bayo kajana.” Uteendi amakamu ayo aenda kutala oko, mweenzuma, obo Bukkalo bwa Mbungano ya Laodikeya. Yakali kusotoka mujulu aansi, kuzyana kunsi lya nyimbo, ikasaala. Takaamba kuti yakali kutontola mbuli caanda, lino, lyakaamba kuti yakali kukasaala, eyo ngu Pentekoste, alimwi taizi kuti ilipengede, mbyaab, iloofweede. Kofwaala kunzi? I Ijwi, ku kutondezegwa kwa Ijwi; nkaambo Tiya kaboola kwinda ku tubunga twabo, tabakonzyi ku Litambula.

<sup>335</sup> Elyo nywebo nobakutausi bakunselelo oko mu Tucson, sunumasiku, Nse mupi kaambo kuli ceeco. Leza ngu cita. Nda kaliko oko kwa myaka yotatwe. Nda kamwaambila Nse kali kunotalika mbungano. Nse kacita. Mukwesu Pearry Green nguwa kaitalika. Nda kaliko oko kwa myaka yotatwe, alimwi kunyina ciindi nociba comwe nimwa kandi tamba ku cikambaukilo canu. Nda kakkala mu Tucson kutandila myaka yotatwe. Leza uyo ndigusya mulukula bumwi bwa mazuba aya. Oyu Mulumbe weelede kupona. Nda kasoleka bubotu bwangu kunjila kuli ndinywe. Ndi—Ndi lizi kaambo ncomwa kacicitila. Mwamvwa na? Kaambo biyo ncomwa kacicitila, kabungwe kanu kakali kuyo mutanda. Elyo nywebo mulizi, Nda kakanana ku bunji bwanu, okuya ku Furr's Restauranti, alimwi mulizi kuti mbwini. Mause kuli ndinywe.

<sup>336</sup> Amuzwe kuli nkako. Kozwa omo, mukwesu. Ikuti na kuli Buumi buli bonse muli nduwe, uyoba mbuli sikwaze ulya muniini Ngweli kwaamba, uyomvwa Ijwi lya Leza. Koyeeya, uyo Limvwa eli kwa ciindi camamanino, bumwi bwa mazuba aya. Tuli munsi loko lino. Sa inga tokoboola, sunumasiku?

<sup>337</sup> Oyandwa Leza, twakkala caku batama lino, buzuba bwa kupa kulumba mbo bumbede ncobeni, Mwami. Ndili kkomene, Mwami, kupona mu buzuba obu. Obu mbuzuba bupati kwiinda. Paulo muapostolo waka sukamina kubona buzuba obu. Bamaalumi balemu bakaindi bakasukamina ku bubona. Basinsimi bakasukamina ku bubona. Bakalangila ku buzuba obuno. Abrahamu waka bulangila buzuba obu, nkambo waka yandaula Munzi oyo Sikuyaka a Sikupanga wakali Leza; ila lengelela mpoonya atala lyesu, sunumasiku. Johane waka bona Muuya wa Leza kauseluka kuzwa ku Julu, wakapa bulunguluzi, waka ziba kuti oyo wakali Mwana wa Leza. Elyo, amuyeeye lino, Walo ulimu kusala Nabwiinga Wakwe.

<sup>338</sup> Oyandwa Leza, okuya kulanduka cisi coonse, kanana ku moyo wabo. Yebo Nduwe luzutu uukonzya kucinca moyo wabo. Ikuti na eyo teeya kali Mbuto yaka bikkwa omuya kumatalikilo, tabakoyo Li bona pe, Mwami. Bali buyo... “I moofu uyo solelola moofu nyina. Bayo wida mu dindi,” kasimpe mbuli cintu cili conse, nkaambo Ijwi Lyako lyaamba kuti bayo cita.

<sup>339</sup> Lino, Taata, mukuba kuti tula bona konse ku cisi, kuzunguluka inyika, mu Africa, banjibanji, banjibanji kwinda mu South Africa, Mozambique, konse ku cisi, tubunga tuniini ka tubweza mateepu aya. Elyo mbubonya eyi teepu mboiyo unka masi aindene, ali makumi obilo aagambya. Ba talika ku Li bona akuzwa, myaanda a myaanda ya mbabo. Tacika toli banji, Mwami. Mpawo cindi cizo camamanino caakutambulwa mu Mubili, Kristo uyo sika.

<sup>340</sup> Mwami Leza, Ndi lomba Nabwiinga, sunumasiku, abo Mbe limvwa kuti bazwa aku lindila, akube kuti balyandaanye lwabo kuzwa ku zintuzyonse zya inyika. Beelede kulala mu Busyu bwa

Mumuni wa Mwana ukasaala iwa Mwana wa Leza, kusamba mu Ijwi Lyakwe, mu luyandisyo Lwakwe. Ko cipa, oyandwa Leza.

<sup>341</sup> Akube kuti bantu aba okuno, balibonya, abo batambika maanza abo, sunumasiku, banjibanji babo kwinda mu cikombelo eci cipati, Nda komba, Leza, kuti Buumi bupya buboole muli mbabo; Nda cikombela, kulanduka cisi alimwi akwalo kuzunguluka inyika, oko teepu nkoiyo lizigwa, kutegwa abalo baka tambule oyu Mulumbe wa kupa Kulumba aku ziba, kwiinda ku ziiminizyo a zintu ezyo zya bikkwa, eco nco beelede kucita. Nda cikombela, Taata. Ko cipa. Koba longezya. Mbi Bako.

<sup>342</sup> Ndi lizi kuti nciyanza lino, Taata, kuti tulomba bantu kusika ku cipaililo. Elyo Nda komba, oyandwa Leza, kuti mu mulimo onse, kubusena boonse bweengelede, a mukati moonse mu inyika, kuti baboole ku cipaililo: basiya, batuba, bayelo, basalaluka, kufumbwa oko nko babede; bavubi, bacete, basituncimwa, bakumbizi, kufumbwa obo mbo babede.

<sup>343</sup> I basitubungwe, abo bakkala mbuli basikulibanda kwabuyo a baliyanda lwabo, O Leza, “Basicinswe, bapengede, basampukide, boofu, elyo akwalo taba cizyi.” Wa kaamba kuti ciyooba mu nzila eyo, elyo cili mu nzila eyo.

<sup>344</sup> Aboobo Nda komba, Taata, kuti Uyo ita Mbuto aimwi, sunumasiku. A konse kuzunguluka inyika oko Eli nkoliyo wida, akube kuti Li kajate sikwaze oyo muniini uuzi Jwi lya Mwami wakwe. Ko cipa, Mwami. Nda batuula kuli Nduwe, mu Zina lya Jesu. Ameni.

<sup>345</sup> Lino a mitwe yanu kiikoteme, omuno mu bbunga eli lilibonya. Sa inga bamwi omuno, abo batana futulwa, tamuna akwalo kupa moyo wanu kuli Leza, sa tamu yeeyi kuti mweedele kuba balumbide kuli ceeco Jesu ncaka mucitila? Ku yeeya, kuti nduwe sizibi, kuti uli muzwakule kuzwa kwa Leza, elyo nekubaboobo Cintucimwi ku moyo wako, cilakonkomona. [Mukwesu Branham wakonkomona aa cikambaukilo—Mul.] Mbobuti mboziba pele kuti uli umwi wa basikwaze abo baniini! Uli pengede, alimwi unopengede, mane ukalipe kuli Ndilyo. Nkaambonzi tociti ceeci kuba cimwi ca kupa kulumba kumwi kupati maningi nko kasola kucita, cindi noka tambula Jesu Kristo mbuli Mufutuli wako.

<sup>346</sup> Sa inga waboola atala awa a kwiima ku cipaililo? Njo komba ayebo ikuti na waboola, kufumbwa sizibi, mwaalumi na mwanakazi, mulombe na musimbi, membala wa mbungano nanka utali membala wa mbungano. Bumembala bwa mbungano tabu kubambi kuba Munakristo lino. I cipaililo cili jukide. Sa inga waboola, kufumbwa sizibi oyo unga wayanda kuboola, kutambula Mwami Jesu Kristo. Sa inga wayanda ncobeni kuleka . . .

<sup>347</sup> Sa kuli bamwi banu basitubungwe abo banga bayanda kuleka kulya cilyo eco ca nkuku, ca kwaamba kuti, "Uzu lilwa kooku nkabela cili kabotu," ulayandisya loko kuziba lubbizo lwini lwa Muuya Uusalala mbolubede? Boola, umvwisyeye.

<sup>348</sup> I cipaililo cili jukide. Tuli libambilide. Koboola buyo mpoonya atala, kuzwa—kuzwa mu cuuno cako. Koboola mpoonya atala a kufugama awa a cipaililo, oyu mukwesu wazwaa kusika.

<sup>349</sup> "Kupa kulumba, O Leza, Ndili lumbide loko kuli Nduwe. Kuti, buumi bwangu boonse, Nda kaziba kuti kuli cintucimwi, Mwami. Nse na kkutila pe. Nda kasoleka. Nda—Nda kayeeya, 'Mwaka utobela, Njo cicita. I mvwiki itobela, Njo cicita, ciindi citobela Nda mvwa lwiito lwaku cipaililo. Njo cita, buzubabumwi.' Nda kacisaya, a kucisaya. Pele, Mwami, Ndi lizi kuli cintucimwi cilubide a ndime. Nda kasyoma lyoonse kuti kwakali cintucimwi candeene. Elyo lino, Mwami, sunumasiku, Ndili lumbide ku kulibambila oko kwa kabambwa kwiinda ku Mwana wa Leza, cakuti zibi zyangu, mubwini kutasyoma kwangu, ku kasanzigwe kuzwa kuli ndime. Nda boola, sunumasiku, a kufugamina kuzumina cilongezyo cipati ca kupa kulumba eco Jesu Kristo nca kandicitila cindi Na kandifwida aa Kalivari."

<sup>350</sup> Sa inga waboola? Lino kuli bantu bafugeme kuzunguluka cipaililo awa. Nkaambonzi tonyamuki a kuboola? Wali kuyanda ku cicita. Wa cisoleka.

<sup>351</sup> Amuyeeye buyo Mukwesu Lyle Palmer, mukwesu wesu, mubotu muyandisi. Wa kali kkede mu lubuwa, obo Mbwe mvwa, kalanga musimbi wakwe muniini kasobana kansando musokwe anze alya, na cintucimwi, elyo wa kapindamuka mu cuuno elyo wa kafwa katana akwalo kubamba ntaamo. To zyi ciindi noya kuzwa waano. To zyi buyo na nciindi nzi ncoya kuunka. Inga kwaba, sunumasiku, aboobo nkaambonzi toboli aku cibamba lino?

<sup>352</sup> Amuboole, nobantu. Sa tamumvwide Cintucimwi cikwalakwala ali ndinywe? Ndi—Ndi lizi kuti kuli bunji bwani awa abo beeleder kuba nkoonya okuno ku cipaililo, nkabela aba buyo bantu bali cisambomwe na ciloba awa tabali baabo bakkede omuno. Lino, ikuti na mula ndisyoma a kulangilila awa aa cibumbili, zintu zicitika, amu ndisyome lino. Bumwi buzuba jwi lyangu liyo umuzigwa. Tamu kalimvwi limbi pe. Inga walombozya kuti noka boolede buyo.

<sup>353</sup> Yebo waamba, "Pele, Mukwesu Branham, Nda kali membala wa mbungano." Eco tacibambi lwandaano lulilonse obo mbo kabede. Mbubonya mbwa—mbubonya mbwa kabede Nekodema membala wa mbungano. Mbwa kabede Johane, Petro, Jakobo, Paulo, bonse babo bakali mamembala ba mbungano.

<sup>354</sup> Paulo wakali membala wa mbungano mane cintucimwi cakacitika busiku bumwi, na buzuba bumwi cakaliko, elyo wa kaboola. Wa kali membala wa mbungano waka cincwa mpawo, kuba mwana wa Leza. Sa inga tobboola? Oh, wa kayiisigwa. Wa kali mupampu. Wa kalizi wa kayiisigwa, cimwi ca zikolo zyakaiisigwa loko zyakaliwo, Gamaliyeli, umwi wa bamayi babotu kwinda bakaliwo mu cisi. Pele wa kalizi kuti wa kali kuyandikana cintucimwi.

<sup>355</sup> Sa inga tobboola? Ciindi cimbi Nda kulomba. Mukati omo... Okuno na kuzunguluka cisi, Nda kulomba, kufumbwa nkobede, omo mu mbunga mobede, ku oora eli lya kupa kulumba. Amuyeeye, Ndila teping'wa awa; kutali biyo waano, pele ku Julu.

<sup>356</sup> Nywebo mulizi, cakatondezegwa a sayaansi kuti kufumbwa ntaamu njo bamba ila rekkoedwa. Bala tondezya eco. Amuyeeye, televizhioni yakatondezya obo. I televizhioni tai-tai pangciwanikiso. Uli cifwanikiso. Yiinzya buyo ceeco, eco nco cita, mu ciindilo. Uli waawo, nekuba. Mwabona? Cindi waenzya munwe wako, oko kweenda kuunka ku inyika yoonse. Ciindi conse ncrosama dreesi, kulibonya kwako kuunka ku inyika yoonse. Cili mu bulunguluzi. Muyeeyo onse oyo weenda mu mizeezo yako uli mu bulunguluzi. Nkabela buzubabumwi rekkoodi iyoleka kweenda, iyo bikkwa mu alubbamu.

<sup>357</sup> Elyo mpawo ku Lubeta iyo josegwa. Mpaawo uyo ima a masusu ageledwe, kotaminina kuba Munakristo. Mpaawo uliimwi a miyeeyo mu muzeezo wako ilwana Ijwi, elyo ili moonya mu muzeezo wako. To konzyi ku cisisa. Amuyeeye, televizhioni, sayaansi akwalo ilizi kuti obo mbwini. Yebo koimvwi ndyoonya lino, mukuziba kuti weeledge kuba kokuno, koyeeya, cindi eci carekkoodwa, ku Buzuba bwa Lubeta, oyo muyeeyo nguwenya ngo jisi lino uyo jokela ncobeni kwinda mu muzeezo wako alubo. Oyo unooli mpoonya a rekkoodi. I inyika yoonse iyo cibona kacilizigwa. Nkaambonzi inyika tai...Kulanga ali nduwe, aa Buzuba bwa Lubeta, Baangelo bonse okuya.

<sup>358</sup> "Ikuti wa Ndu usila nsoni awa, cindi cifwanikiso cako nocili mukupangwa lino, aa Buzuba bwa Lubeta Njo kuusila nsoni. Nkambo, Nda kananika Ijwi Lyangu, ka Li tuma kuli nduwe. To ka Li syoma. Wa kalisia lwako kunze lya cintucimwi."

<sup>359</sup> "Oh," yebo waamba, "Ndili kabotu loko. Nda kacita ceeci. Nda kazyana mu Muuya. Nda ka kanana mu myaambo." Mbubonya ulacita awalo muhedeni. "Nda koongolola." Mbubonya ulacita muhedeni. Mbobuti mbo konzya kukaka Ijwi mpawo?

Nkaambonzi to?

Nkaambonzi to booli kuli Nguwe lino?

Nkaambonzi to? Nkaambonzi to?

Nkaambonzi to booli kuli Nguwe lino?

Nkaambonzi ncoli ndila, mukwesu oyandwa?  
 Oh, nkaambonzi nco mukila maningi?  
 Jesu ulindila ku kufutula  
 Ii busena mu Muunzi Wakwe waka salazigwa.

Kubikka nduwe kuba umwi wa mamembala a Mubili Wakwe!

Nkaambonzi...?

Oh, sikwaze muniini, boola lino.

Oh, nkaambonzi to booli?

<sup>360</sup> Mwami, Ndili lumbide. Ndili lumbide loko. Kupa kulumba kuli Nduwe, Mwami; kutali ku cilyo ca kunyama, acalo eco. Pele, Mwami, ciindi camamanino casika. Ndili lumbide ku Cilyo eci cakumuuya, Mwami, Cilyo cakumuuya ca Zinamatizyo zili Ciloba caka syomezegwa kuyo julwa.

Nywebo mwati, “Eco ciyooba cintucimwi candeene.” Peepe, peepe.

<sup>361</sup> To konzyi kuyungizya bbala lyomwe. A kugu... Nko lili kale mukati Omuya, lisisidwe buyo. Lili namatikidwe. Mbangaye bamvwisyia ceeco? Baambe, “Ameni.” [Mbunga yaamba, “Ameni.”—Mul.] Mwabona?

Nywebo mwati, “Ee, ayo nge maseseke ayo yutuka.” Oh, peepe.

<sup>362</sup> Bwalo Mbulembo kale. To konzyi kuyungizya bbala lyomwe kuli Ndilyo, na kugusya lyomwe kuzwa kuli Ndilyo. Mwabona? Molili kale mukati Omuya. Lyeelede kuyo yubululwa mu buzuba bwamamanino.

<sup>363</sup> Sa tokoboola? Boola lino, mweenzuma. Ikuti na tokonzyi kumvwisyia, boola. Fugama, ambaula kuli Nguwe kujatikizya Ndilyo. Ikuti na Nse konzyi ku Li tondezya antangalala kuli nduwe, Uyo cita, nkambo Ngu ii—ii Sikuzimaazya wa kudonaika koonse.

...mu cuuno Cakwe cabwami cakasalazigwa.

Oh, nkaambonzi...? (Sa tokoboola?)

Nkaambonzi to?

Nkaambonzi to booli kuli Nguwe lino?

<sup>364</sup> Amuyeeye, kuli rekkoodi iipanga ceeci, kutali biyo aa teepu eyi, pele rekkoodi ya Leza mpatti. Umwi aumwi wanu, ntaamo yonse, cindi wakotamika mutwe wako, kotamika moyo wako, muyeeyo weenda mu muzeeko wako, koyeeya, uli muku rekkoodwa ndyoonya lino mu Bulemu, nkabela rekkoodi iyo lizigwa aa Buzuba bwa Lubeta. Nkuli kusala kwako? Oh, obo mboyo uyanda ku cincwa, aa Buzuba obo.

<sup>365</sup> Ndiyo lindila buyo, nkaambo kuli banji, banji, kuzunguluka cipaililo lino. Mwabona? Ambweni umwi wabo, ikuti Ne lindila buyo kaindi kaniini, inga kwaba umwi umbi okuya, inga waba

kubusenabumwi mu New York, inga kwaba kubusenabumwi mu Philadelphia, okuya mu California, Arizona. Kubusenabumwi, inga kakuli umwi umbi uboola. Mweembeli, kufumbwa nkobede, utaleki lwiito lwaku cipaililo lino.

<sup>366</sup> Kwayanda tatu kaboni Kupa kulumba kumbi. Oku inga kwaba kwamamanino, nkabela marekkoodi ayo lesegwa, sunumasiku, kwa ciindi camamanino. I teepu iyogola, bumwi bwa mazuba aya. I rekkoodi iyo imikwa nkabela inooli mu alubbamu ya Leza. Mpawo iyo lizigwa alubo, obo mizeeo yako mboibede lino. Uta ambi kuti tokazi lwiindano. Uli zyi. “Pele kunyina muntu ukonzya kusika kuli Ndime, cita kuti Taata Wangu wa mukwela. Alimwi boonse abo Taata mbaka Ndi pa, bayo boola.”

. . . boola kuli Nguwe. . . ?

<sup>367</sup> Mukwesu, Nda syoma, ikuti na Nda kkede oko kubusenakumwi, elyo Nda jisi muyeeyo muniini, Ndali kuno sika awa cakasimpe mbuli Mbweli kukonzya. Hmm.

Oh, nkaambonzi to? Nkaambonzi. . . ?

<sup>368</sup> Sena mwamanizya? Muli masimpe tamunyem yi Muuya Wakwe lino? Atu kotamike mitwe yesu mpawo. Muli masimpe tii mwanyem ya Muuya Wakwe na? Muli masimpe na kuti mwacita nciconya eco Nca mwaambila kucita? Muli bwini na lino? Amuyeeye, kwayanda ta—ta mukabi a coolwe cimbi pe. I rekkoodi ndiza inomanide, sunumasiku. Oku inga kwaba nkuko konse. Eyi inga yaba teepu yanu yamananino. Muli masimpe muli libambilide lino? Ikuti na mboobo, Nda cisiya mu maanza anu, mu Zina lya Mwami Jesu.

<sup>369</sup> Lino ku ciindi kkwaya noyiimba mubuteteete, Njo kombela baaba bali anselelo awa. Ndi baanga musyobo buyo wa Munakristo ugambya loko. Ndi syoma kuti Leza weelete kufutula. Ndi syoma kuti Leza weelete kubyala Ijwi. “Mebo nde Mwami,” mbolyaamba Bbaibbele, Isaya, “Mebo nde Mwami ndaka Li byala. Njo Li tilaila, isikati a masiku, kulesya bamwi ba Li zompola kuzwa mu janza Lyangu.” Nke Tana lomba muntu umwi kuboola kuzunguluka cipaililo a bantu aba, Ndi yanda kuba kombela, lwangu.

Atu kotamike mitwe yesu lino.

<sup>370</sup> Oyandwa Jesu, Nda balulula buyo Ijwi Lyako, elyo musinsimi Wako ndya kaamba, alimwi Ndi lizi majwi aa basinsimi nga bwini. Alimwi Wa kati, “Mebo nde Mwami ndaka Li byala.” Baa, nincobeni, Wa ka Li bikka mu Bbuku lya Buumi ilya Mwanaambelele, kuzwa kumalengelo aa inyika. “Mebo nde Mwami ndaka Li byala, nkabela Njo Li tilaila, isikati a masiku, kulesya bamwi ba Li sompola kuzwa mu janza Lyangu.” Aba, ambweni, Mwami, ba kamvwa lwiito lwa ku cipaililo lunji. Pele Uci Li tilaila, Mwami.

<sup>371</sup> Mbaaba we, sunumasiku. Akube kuti baanguluke, sunumasiku, Taata, kuzwa ku zintu zyoonse zya inyika, zibi zyoonse a mapenzi ali mu myoyo yabo, alimwi cakukkwana ncobeni, cakubatama, mu moyo wabo, kwaangulukila ku Ijwi Lyako, ndyoonya lino, a kuteeti, "Mwami Jesu, kensi kwa moyo wangu, lyonse Nda kasyoma kuti kwakali cintucimwi cangu, eco Nce takalina tambula. Nekubakuti Nda kasoleka, mbuli kutondezya mbu kwa citwa sunumasiku, kutobela nkukunseke, pele kwakali cintucimwi cakalibonya bweenzu kuli ndime. Ti cali kalimvwisya buyo kabotu. Mpawo, sunumasiku, Ndi limvwa kuti Ndiya buboola munsi loko mu maboko aa Ijwi lipona. Ndi boola awa cakubatama buyo, mu muzeezo wangu ululeme. Nda kkalikila ansi awa kumbali lya cipaililo eci. Ndi yanda lufutuko, Mwami, maningi nconzyo. Ndila nzala loko! Ndi yanda Nduwe, Mwami, kundi jatilila mu maboko Aako, sunumasiku. Kutali kwiinda mu kulimvwa kumwi, pele kwiinda ku Muuya wa luyandisyo, ndibweze mu maboko Aako, Leza oyandwa."

<sup>372</sup> "Ndili mwana Wako. Ndi limvwa kuti Ndime sikwaze ulya ngo bali kwaamba. Kondi jata, Mwami. Ndili mukusotoka. Nda nyamuka kuzwa ku cuuno cangu, aku fugama awa. Kondi jata, Mwami. Ndili mukusotoka. Kondi bikka aa mababa Aako, Mwami, kuzwa ku zintu ezi zya inyika. Ndilekele kuuluka kuzwa ku busofwi bwa inyika eyi, kuzwa ku cilengwa cangu cibbi, kuzwa ku kansiyansiya kangu konse kakabungwe. Andi boole biyo kuli Nduwe, oyandwa Leza, kutegwaa Muuya Wako Uusalala utile muli ndime kulekelelwa kwa kudonaika kwangu koonse. Akube kuti Mebo, sunumasiku, ndibe mwana Wako, mubili, kuzyalwa, a cilenge cipywa, sunumasiku. Kondi jata. Ko nditola kumbi, kwiindilila ku kulilalila kwa nkukunseke. Kondi tola kumbi, kuyaku citeente ca Sikwaze, oko Nkweyo konzya kumamelwa kwinda ku Ijwi lya Leza, mane Nka konzye kuuluka."

<sup>373</sup> Ko cipa, oyandwa Leza. Ba tole. Mbi Bako. Ngo mupailo wangu wa lusinizyo, kukombela bantu bali mukufwa. Ko cipa, Taata. Nda tuula mupailo oyu mucibaka cabu. Nkambo ka Bulemu bwa Leza, Nda cilomba.

Lino a mitwe yesu kiikoteme.

<sup>374</sup> Ndali buzya, kuzunguluka cipaililo lino, ndinywe nomu fugeme awa. Bunji bwanu mwaka taminina kuba Banakristo, pele mwa kalimvwa kuti lyoonse kuli cintucimwi, kubusenakumwi, eco nco mwa taka vubide. Kunooli mwa kacita micito yoonse ya bukombi. Inga mwakoongolola. Kunooli mwaka cita zintu zyoonse. Kunooli mwaka zyana mu Muuya. Kunooli mwa kakanana mu myaambo. Alimwi taakwe muntu ukonzya kwaamba kubisya kumwi kuli ceeco. Obo mbwini. Oko nkubotu koonse. Pele, nywebo mwabona, ezyo *nzipego* zya Muuya, kakutakwe Muuya. Ikuti Muuya niwa kaliko, oko

kulimvwa nokwaatali kulimvwa kwa kupegwa mulandu mbuli boobo.

<sup>375</sup> Sena ncobeni, cakusinizya, awa a cipaililo, mula syoma obo ndyoonya lino, ku ciindi nomuli waano, kuti mucito buyo waku lyaangulula lwako, kutali kulimvwa lino, pele mu lusyomo, lwini lunjoloma, kuti Leza uyo mutambula aku mumamela a Ijwi Lyakwe mane mwaba basikwaze, lwanu, aku konzya kuuluka? Ikuti na mula cita, alimwi tuyanda Leza kuti acite ceeco, tambika janza lyako, nywebo nomuli waawa kuzunguluka cipaililo ansi awa. Leza amu longezye. Umwi aumwi watambika janza mujulu.

<sup>376</sup> Lino, cabuumuzi ncobeni, Ndiyo lomba baalumi a banakazi bakasalazigwa abo bamuzi ncobeni Leza.

<sup>377</sup> Bunji bwabo, nceenzu loko, cilibonya mbuli kuti cili mu nzila eyo, lwiito lwaku cipaililo olo Ndwe panga kanji mbamaalumi boonse. Nywebo mulizi, mu bweende bwalyonse, balo mbanakazi. Pele mbamaalumi boonse awa. Ndi yeeya kuti kuli mwanakazi omwe aa cipaililo, sunumasiku, ambweni bobilo. Kanjikanji mbanakazi. Pele, bumwi na bumbi, Ndi yeeyela kuti cilibonya mbuli kuti banakazi bayeeya kuti Nda ambaula kulwana mbabo. Nse citi, mucizi. Botatwe, Nda syoma, muntuumwi waamba kuti bala bona. Nse konzyi kubona atala lya cipaililo awa. Yaa.

<sup>378</sup> Bamwi banu Banakristo bakalisalazy a amuboole awa akwiima a ndime mu mupailo kwa kaindi kaniini. Aa cipaililo, kufumbwa mpo mubede, aa cibumbili, muntuumwi oyo umuzi ncobeni Leza, uzi buyo obo bwa kwiima awa kwa maminiti masyoonto ku mupailo a mbabo, mpawo tuyo mwaisya bbunga lyabantu. Nyonse amubatame ncobeni lino. Muta unki. Amu boole buyo awa akwiima kuzunguluka.

<sup>379</sup> Bamwi banu nobantu abo basyoma ncobeni Eci kuba Bwini, kuti tuyu bunjila bukkalo bumbi, tuyu bunjila Bukkalo bwa Kakwempwa, nywebo mulizi mbungano taikonzyi kuunka mu ciimo cayo, alimwi taikonzyi kuba kabotu nokuceya. Yeelede kwiindila kubija. Mbangaye bazi obo? Amwaambe, "Ameni." [Mbunga yaamba, "Ameni."—Mul.] Yeelede kwiindila kubija. Alimwi taikonzyi kuunka mbuli booboo. Mwabona? Ye elede kuba Cintucimwi, elyo Ci leenda ndyoonya lino, mweenzuma. Cili—cili—cili muciiimo, lweendo luyabuya lwa Nabwiinga. Obo Mbwini. Eyo ngu MBUBOOBU MBWAAMBA I MWAMI.

<sup>380</sup> Amuboole atala lino, Banakristo bakasalazigwa abo bayanda rekoodi yanu—yanu kuziba eco, aba baboola calusinizyo, kuteeti uyanda kuboola ku tuula mupailo a mbabo, mbuli babunyoko a bacizi, amuboole atala kuzunguluka cipaililo. Amwiime kuzunguluka awa aniini buyo, ku mupailo. Sa kucili muntuumwi umbi uyanda kuboola? Koima kuzunguluka awa. Ko fugama buyo munsi lyabo. Amweende buyo, awo

nywebo bamaalumi kuzunguluka bamaalumi abo; nywebo nobanakazi. Cabubotu, cabubombe amuba lombele mupailo.

Oyandwa Leza, gwasya . . . ? . . .

<sup>381</sup> “Nda lipa konse. Nda leka kabungwe kangu. Nda leka mucado wangu mutaanzi. Nda leka mulumi wangu mutaanzi. Nda leka zintuzyonse, Mwami.”

. . . -ipa koonse.

Koonse kuli Nduwe, Mufutuli wangu  
ulelekewwe,  
Nda lipa koonse.

Nda lipa koonse,  
Nda li- . . .

<sup>382</sup> Sa inga waleka muzeezo wako wini? Sena inga waleka muzeezo wako wini, ku Ijwi ly a Leza?

Koonse kuli Nduwe, Mufutuli wangu  
ulelekewwe,  
Nda lipa koonse.

Nda lipa koonse,  
Nda lipa koonse.

Koonse kuli Nduwe, Mufutuli wangu  
ulelekewwe,  
Nda lipa . . .

<sup>383</sup> Bonse abo basyoma lino, mu bbunga lyabantu, amwi imikile. Atu lwiimbe, antoomwe, lino.

Nda li- . . .

Nywebo nyoonse mwalipa, muli libambide ku lwiimba lino?

Nda . . .

. . . kuli Nduwe, Mufutuli wangu ulelekewwe,  
Nda li- . . .

<sup>384</sup> Lino, nywebo nomu zungulukide cipaililo, ikuti na mwalipa ncobeni, tambika janza lyako kuli Nguwe, koimba, “Nda lipa koonse. Nda leka kabungwe. Nda leka kabungwe. Nda leka mbungano. Nda lipa lwangu. Nda leka muzeezo wangu wini. Koonse kuli Nduwe, Mufutuli wangu ulelekewwe, Nda lipa koonse.”

. . . kuli Nduwe, wangu . . .

Nda lipa koonse,  
Nda lipa koonse.

Koonse kuli Nduwe, Mufutuli wangu  
ulelekewwe,  
Nda lipa koonse.

Sena uli cisinizyze ncobeni?

Nda lipa koonse,

[Kabeela katakwecintu aa teepu—Mul.]

<sup>385</sup> Nywebo awa lino aa cipaililo. Nywebo nomuli awa kuzunguluka cipaililo, abo bakomba. Mbungano yamu kombela. Wa komba, lwako. Lino kuli biyo nzila yomwe njo konzya kufutukila, eyo nku, "Kwiinda ku lusyomo nkofutulwa, alimwi oko nkwiinda ku luzyalo." I luzyalo lwa Leza lwa kanana kuli nduwe, kukuleta ku cipaililo. Uya ndaula zilongezyo zya Leza. Uya ndaula Ijwi Lyakwe. Uya ndaula Muuya Uusalala. Uya ndaula buuya bwa Leza. Elyo ikuti na mbo bede, alimwi ula konzya, cancobeni, a moyo wako onse, ko cipa, lino, utalangili kunyanyamukwa kuli konse, langaula Bwini, Bwini obo buzwa ku moyo wako, kwiinda ku lusyomo. "Mwami, Ndili libambilide ku cita cintu cili conse eco Ijwi Lyako ncoli ndilailila kucita. Nda lipa lwangu, a koonse oko kuli muli ndime."

<sup>386</sup> Ikuti na ulasyoma obo a moyo wako onse, Ndi yanda kuti unyamuke ku matende ako, cengulukila ku mbungano eyi, bbunga lyabantu, a ku tambika maanza anu, elyo tuyu lwiimba antoomwe ambabo, "Nda pa zintuzyonse ezyo zili muli ndime, Leza. Mbuli bubotu bwa luzibo lwangu, zyonse ezyo Mbwe bede, Nda lipa."

<sup>387</sup> Amutante eci cibumbili awa, nywebo nomuli ku cipaililo. Amutante mpoonya atala awa aa cibumbili, bakwesu, mpoonya atala awa, nywebo nyoonse, a bakwesu a bacizi.

Langisya awa, mbungano.

<sup>388</sup> [Ii mucizi waamba, "Mukwesu Branham, Ndi zulilwa ku mbungano, pele calino Nseli—nseli muli njijo akwalo."—Mul.] Walipa? ["I Mwami ulizi oko Nkwe yanda kusololelw a Nguwe. Ndi yanda...?...ku mbungano. Alimwi Ndi yanda Muuya Uusalala, kuzuzigwa a Muuya. Nkabela inga Nda fwa linolino, ikuti na eco nce citola."] Iiyi. Mbo mbubo. Sena wapa kabeela konse kuli Nguwe a Ijwi Lyakwe?

<sup>389</sup> Ii mucizi awa, uzwa ku kabungwe. Waa mba kuti, "Ndi zulilwa ku kabungwe." Ta tweede kuka domba. Mubelesi omuya. Pele waa mba kuti, "Mukwesu Branham, Ndi yanda kuzwa kuya ku Bwini. Ndi yanda cintucimwi cisakene kwiinda ceeco." Mwabona?

<sup>390</sup> Andi balulule Ijwi Lyakwe. "Balacoolwe abo bafwa nzala a nyota ya bululami, nkambo bayo kkutisigwa."

<sup>391</sup> Lino, nywebo nomuli waawa aa cibumbili, bazwaa kuboola, ikuti na muli libambilide kupa koonse oko mbo mubede, zintuzyonse, kuswiilila Ijwi lya Leza... Taakwe muntu wa mwaambila, eyi mvwiki, cintu cakucita. Lino, ikuti na muli libambilide kulipa ndyoonya lino kuli Nguwe, amutambike buyo maanza anu, mbuli *boobu*, ku bbunga lyabantu. Lino, nywebo nomuli awa a cibumbili, atu lwiimbe antomwe lino, *Nda Lipa Koonse*. Muntuonse, antomwe. Yaa.

Nda lipa koonse,

Lino, amu cisinizye loko eco! . . . ? . . . walo buzuba bumwi,  
aboobo Mbwe lumbide. Kumubamba kulipa . . . ? . . .

. . . Mufutuli,

<sup>392</sup> Sena mwa cisinizya ncobeni? Amwaambe, "Ameni." [Mbunga yaamba, "Ameni."—Mul.] Amwaambe, "Ameni," alubo. ["Ameni."] Amwaambe, "Mwami," ["Mwami,"] "kondi lingaula." ["kondi lingaula."] "Kondi soleka." ["Kondi soleka."] "Alimwi kondipa coolwe." ["Alimwi kondipa coolwe."] "Nkukonse oku Nkwe konzya kucita, sunumasiku," ["Nkukonse oku Nkwe konzya kucita, sunumasiku,"] "nku lipa lwangu kuli Nduwe." ["nku lipa lwangu kuli Nduwe."] "Uli zyi nzala ya moyo wangu." ["Uli zyi nzala ya moyo wangu."] "Uli zyi kuyanda kwangu." ["Uli zyi kuyanda kwangu."] "Cisyomezyo cako cakali caku zulizya kuyanda oko." ["Cisyomezyo cako cakali caku zulizya kuyanda oko."] "Lino Nda cizumina." ["Lino Nda cizumina."] "Alimwi Nda pa kuli Nduwe." ["Alimwi Nda pa kuli Nduwe."] Toonse antoomwe:

Nda lipa koonse,  
Nda lipa koonse.  
Koonse kuli Nduwe, Mufutuli wangu  
ulelekedwe,  
Nda lipa koonse.



*I LUKAMANTANO LUTALIBONYI LWA NABWIINGA WA KRISTO* TNG65-1125  
(The Invisible Union Of The Bride Of Christ)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa aa Buzuba bwa Kupakulumba Bwane mangolezya, Vumbipati 25, 1965, ku Life Tabernacle mu Shreveport, Louisiana, U.S.A., wakagusigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obu busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2020 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Kuzibya Kwa Nguzu Zyakkopi

Nguzu zyoonse zilitamininidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyabolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)